

619/  
1990/2

ეროვნული  
ბიბლიოთეკა



სიბერთლის გამარჯვებასა  
მთაზა არნივი ჰყოლდეს.  
ვაჟა


ISSN 0130—1624

# დროშა

მანისი  
№ 5 1990



გაყმაჯოს ენოვნად  
რეპორტაჟს!



# დროშა

№ 5 მაისი, (401), 1990

ეურნალი გამოდის 1926 წლიდან

ყოველთვიური საზოგადოებრივ-კოლტიკური და სალიტერატურ-რო-სამხატვრო ეურნალი

## ნო მერ ში ა:

ოთარ ჰინქლაძე. დამოუკიდებელი საქართველო.  
 კაბატა სურგულაძე. 1918 წლის 26 მაისი.  
 ედუარდ ვოლოდინი. ახალი რუსეთი ცვალებად მსოფლიოში.  
 ნოდარ შამანაძე. წარწერა ეკლესიაში.  
 შალვა ამინაშვილი. ალბათი.  
 დავით დემეტრაშვილი. უცხოვლანებლები და კაცობრიობა.  
 არნოლდ გეგეჭკორი. მდინარეთა დედოფლები.  
 დიმიტრი შველიძე. კონსოლიდაცია.  
 კარლო კოხიძე. კარუსალი (მოთხრობა).  
 იაგო ბასილია. სიყვარული გზად და ხიდად.  
 ნუზარ აფხაზაძე. კარალები.  
 ნათელა გიორგობიანი. ავსეთოთ ერთმანეთს სათელაში.  
 „ფიხაშურთის მეფე“ თანაშემწის რული (მოაგზადა გივი ბამბაქაძე).  
 ვასილ მჭედლიშვილი. უბერებელი სიჭაბუკე.  
 იუმერი.  
 სკობრი.  
 კროსკორდი.

საქართველოს კა ტა-ის გამოცემისათვის

● „დროშა“, 1990 წ.

## მთავარი რედაქტორი

ოთარ ჰინქლაძე

სარედაქციო კოლეგია:  
 გულნარა ბახტაძე (პ/მგ. მდივანი), ოთარ ჰინქლაძე, ვასილ გეგეჭკორი, ნათელა გიორგობიანი, ოთარ დემეტრაშვილი, ვახტანგ ანაბერიძე, ჯემალ მხარაშვილი, დინარა ნოდია (მხატვარ-ტილაქტორი), თენგიზ საბუნაძე.

საქ. სსრ კ. მარქსის  
 სახ. სახ. რესპუბ.  
 ბირლიოთეკა

19316





საქართველო იყო დამოუკიდებელი.  
26 მაისი საქართველოს დამოუკიდებლობის დღეა.

გვეყენოდა ჩვენ ეს დღე.  
გვეყენოდა და წაგვართვეს.  
1921 წლის თებერვლის სუსხიან ზამთარში წაგვართვეს. ძალით. მოტყუებით. ღალატით. შეიარაღებული ბრძოლის, ოკუპაციის გზით და შედეგათ.

საბჭოთა რუსეთმა სიტყვა გატეხა და თავისუფლება წაგვართვა.  
ახლა ჩვენ წართმეულის დაბრუნება გვწადია. ამისათვის ვიღვწით.

ვიღვწით ყველა ერთად და ცალ-ცალკე.  
ერთად იმიტომ რომ, ერთი, ესე იგი საერთო მიზანი გვაერთიანებს, ხოლო ცალ-ცალკე იმიტომაც, რომ ერთი და საერთო მიზნისაკენ სავალი გზა შესაძლოა რამდენიმე იყოს.

ეს სავსებით ბუნებრივი და კანონზომიერი მოვლენაა თუნდაც იმიტომ, რომ თავად ბუნებაც ასეა მოწყობილი: ერთსა და იმავე ადგილზე კაცი სულ სხვადასხვა გზით შეიძლება მიხვიდეს.

ამასსავე გვიდასტურებს საზოგადოებრივი ცხოვრებაც იმ განსხვავებით, რომ წყურვილის მოსაკლავად წყაროსთან მართლაც შეიძლება სულ სხვადასხვა გზით მიხვიდეს, ხოლო თავისუფლებისა და ეროვნული დამოუკიდებლობის მაცოცხლებელ წყაროსთან კი მრავალთაგან წინასწარ არჩეული ერთადერთი სწორი გზა მიგვიყვანს.

ამ ერთადერთი სწორი გზის არჩევანი არ შეიძლება კაცს შეგვეშალოს, თუნდაც იმიტომ, რომ საზოგადოებრივი ცხოვრება ბუნებაზე უფრო მკაცრია და გაუტანელი. იგი არაფერს გაპატიებს. თითონ ადამიანიც დღეს ასეთი და საზოგადოებაც, საერთოდ.

ამიტომ არ შეიძლება აქ რაიმე, თუნდაც ოდნავი შეცდომის დაშვებაც კი.

შეცდომებზე ვსწავლობთ, იტყვიან. შესაძლოა ასეც იყოს, მაგრამ ჩვენ იმდენი შეცდომა გვაქვს დაშვებული და მიუხედავად ამისა, მაინცა და მაინც დიდი განსწავლულობით ვერა და ვერ დავეიკვებნით, რომ არა მგონია მარტოოდენ შეცდომებზე სწავლა იყოს ჩვენი წინსვლის ერთადერთი და ნაცადი გზა.

სცადოს მაინც, შეცდომებზე სწავლა, ვისაც უნდა.  
გაკვეთილი გაკვეთილია. ისიც ისტორიის.  
და სწავლა სიბერემდეო. ესეც ხომ ითქვა.  
მე კი ჩემს სათქმელს ვიტყვი.

ძალა რომ აღმართს ხნავს, ეს დიდი ხანია ყველასათვის ცნობილია და აქედან ახალს რასმეს ვერაფერს ისწავლი. მაგრამ, ხერხი რომ ღონეს სჯობია — აქედან კია მგონია მე შესაძლებელი, რომ კაცმა რაიმე ისწავლოს, რამეთუ თავად ხერხის მიგნებაშია საქმე, მის მუდმივ ძიებაში და ამ ძიების გზების სწავლაში.

პოლიტიკა კი, მოგეხსენებათ, ხშირად სწორედ ხერხის მიგნებას გულისხმობს, და ესაა საწადელი მიზნის მიღწევის საწინდარი.  
ახლა ჩვენ, სწორედ ასეთი ხერხის მიგნებისა და სწორი არჩევანის წინაშე ვდგევართ.

მოვლენები კი საოცარი სისწრაფით ვითარდება და ბევრი რამ გაუთვალისწინებელიც, მოულოდნელიც, გარდამტეხი მნიშვნელობისაც კი ხდება.

მე კარგად მახსოვს, თუ რაოდენ ენერგიული წინააღმდეგობა გაუწიეს სსრ კავშირის სახალხო დეპუტატებმა სკკპ, როგორც საბჭოთა ხალხის ავანგარდის, ხელმძღვანელი როლის უარყოფის ცდას და სსრ კავშირის კონსტიტუციის (ძირითადი კანონის) მეექვსე და მეშვიდე მუხლებში ცვლილებების შეტანას. ამის შემდეგ არც ისე დიდი დრო გავიდა და უკვე სკკპ ცენტრალური კომიტეტის ა. წ. მარტის პლენუმმა თავადვე მიიღო გადაწყვეტილება საკანონმდებლო ინიციატივის წესით სსრ კავშირის სახალხო დეპუტატთა რიგგარეშე მესამე ყრილობის განსახილველად შეიტანოს პოლიტიკური სისტემის საკითხებზე (სსრ კავშირის კონსტიტუციის მეექვსე და მეშვიდე მუხლები) სსრ კავშირის კონსტიტუციის (ძირითადი კანონის) ცვლილებებისა და დამატებების შესახებ სსრ კავშირის კანონის პროექტი.

და მოსახდენი მოხდა.  
სსრ კავშირის სახალხო დეპუტატთა რიგგარეშე მესამე ყრილობის მონაწილე მორჩილი უმრავლესობა დაშოშმინდა, ხოლო პრეამბულიდან ამოიღეს სიტყვები: „გაიზარდა მთელი ხალხის

ავანგარდის — კომუნისტური პარტიის ხელმძღვანელი როლი“. ახალი რედაქციით ჩამოყალიბდა კონსტიტუციის შესაბამისი მუხლებიც.

თავისი სიტყვა თქვა საქართველოს სსრ მეთერთმეტე მოწვევის უზენაესი საბჭოს რიგგარეშე მეთოთხმეტე სესიამაც, რომელმაც მიიღო კანონი საქართველოს სსრ კონსტიტუციაში (ძირითად კანონში) ცვლილებების შეტანის შესახებ.

ახლა ჩვენ მრავალპარტიულობისა და პოლიტიკური პლურალიზმის პირობებში ვცხოვრობთ.

შეცვლილი ვითარება ტაქტიკური ნახაზისა და პრაქტიკული მოქმედების შეცვლას ითხოვს, ზოლო ნებისმიერი ცვალებადობა წინასწარ დაფიქრებას, განსჯას და შორს გამიზნული გადაწყვეტილების დროულად მიღებას.

გაჭირდა ამხანაგი სსრ კავშირის პირველი პრეზიდენტის არჩევა. ამას ყრილობაზე გამართული დისკუსიაც მოწმობს და ხმის მიცემის შედეგებაც.

ჩემი ყურადღება ერთმა საგულისხმო დეტალმაც მიიპყრო.

სსრ კავშირის მომავალი პრეზიდენტი ყრილობის მონაწილე ქართველ დეპუტატების შეხვედრია და გულახდილად უთქვამს, რომ დღეს მას მხარის დაჭერა სჭირდება, რადგან მისი პრეზიდენტობა ქვეყნისათვის აუცილებელიაო. ისიც უთქვამს, რომ საქართველოს სიხარულს და წუხილს მუდამ ვიზიარებო და ხაზგასმით აღუნიშნავს, რომ ჩვენი სუვერენიტეტი ვაფართოვდება, გამყარდება და თუმცა ის სსრ კავშირის შემადგენლობიდან გასვლას არ გვირჩევს, მაინც შეგვიწყობს ხელს დამოუკიდებლობის აღდგენაში.

ვნახოთ?  
ჯერ-ჯერობით კი თავს სსრ კავშირიდან გასვლის ისეთი მექანიზმი მოგვახვედრებს, რომელიც არგასვლას უფრო გაგს, ვიდრე გასვლის კონსტიტუციური უფლების გარანტიას.

რას იზამ?  
ძალა ისევ ხნავს აღმართს.  
ჯერ-ჯერობით.

ამასობაში ჩვენ, მაინც ჩვენსავე თავს, საქმეს და საკუთარ მიწაწყალს მივხედოთ.

ყოველგვარი დაყოვნების გარეშე, შეუნელებელი ყურადღებით, ფიზიკური თვალთ და გამჭრიახი გონებით.

მიხედვაც არ კმარა.  
ვუპატრონოთ უნდა მიწა-წყალსაც, ერთმანეთსაც და ყველაფერს, რასაც ქართული ჰქვია, ეროვნული და საშვილიშვილოა. არა სიტყვით, არამედ საქმით. რეალური და კონკრეტული საქმით.

ასეთად მეჩვენება მე, მაგალითად, სასოფლო რეგიონების ათვისებისა და გაჯანსაღების სამთავრობო პროგრამის განხორციელება. იგი სოფელში მუდმივ საცხოვრებლად გადასვლის მსურველ თბილისის მცხოვრებთათვის ითვალისწინებს ახალ ეკონომიკურ საფუძველზე სოფლის მეურნეობრიობის, ფერმერობის, იჯარის, გლეხური მეურნეობის, ოჯახური ნარდის განვითარების პირობების შექმნას.

დიდი საქმეა.  
დაგვიანებული, მაგრამ მაინც ქვეშაირტად ეროვნული და არა მარტო დემოგრაფიული სიტუაციის გაუმჯობესების გათვალისწინებით.

ცხადია, თბილისი განტვირთვას ითხოვს. ახლა აქ, რესპუბლიკის მთელი მოსახლეობის თითქმის ერთმა მეოთხედმა მოიყარა თავი და უკვე თავად ეს ფაქტი ავის მომასწავებელი.

რა ვქნათ და რა ვილონოთ?

მე მაინც მგონია, რომ მთელი ჩვენი ყურადღება, არსებული ფინანსური და მატერიალური შესაძლებლობები სოფლების განაშენიანებას, კეთილმოწყობას და აღორძინებას უნდა მოხმარდეს. ქალაქს მოვაკლოთ და პირი სოფლისაკენ ვიბრუნოთ. ესე იგი, სოფლად შევქმნათ მატერიალური, კომუნალური და კულტურული ცხოვრების არანაკლები, არამედ შესაძლოა, უკეთესი პირობებიც კი, ვიდრე ქალაქადაა. შრომის, ყოფის, გართობის და საერთოდ ცხოვრების პირობები. მე თუ მკითხავთ, ეს მით უფრო აუცილებელია, რომ მმართველობითი აპარატის აუცილებელი. ამასთან მნიშვნელოვანი შემცირების, აგრეთვე ზოგიერთ არარენტაბელურ და საერთოდ გაუმართლებელ, თუნდაც ეკოლო-



გიური თვალსაზრისის მიზანშეწონელ, საწარმოთა გაუქმების პირობებში, ხელოვნურად გაზრდილმა ქალაქის მოსახლეობამ პირი სოფლისაქენ უნდა იბრუნოს და მიტოვებულ სახლ-კარს დაუბრუნდეს იმ იმედითა და გარანტიით, რომ იგი იქ უკეთ იცხოვრებს და მეტ სარგებლობასაც მოიტანს.

პოზიციის საყოველთაო და რადიკალური შეცვლა საჭირო, თორემ ქალაქი ვერ განიტვიჩრდება და არც ჩვენს საერთო ეროვნულ საქმეს ეშველება რა.

რა კარგია ჩემი სოფელი!  
ეს სიტყვებია საქმით გასამაგრებელი და მაშინ იბრუნებს სოფლისაქენ პირს ახალგაზრდობა.

საქმე კი მაშინ გამოჩნდება, როცა „სსრ კავშირისა და მოკავშირე რესპუბლიკების მიწის კანონმდებლობის საფუძვლების“, აგრეთვე „სსრ კავშირში „საკუთრების შესახებ“ კანონების შესაბამისად მათი „ქართული ვარიანტი“ მომზადდება, რაც ამავე კანონების თანახმად უშუალოდ რესპუბლიკის კომპეტენციას შეადგენს საადგილმამულო ურთიერთობის რეგულირების დარგში ისევე, როგორც საკუთრებითი ურთიერთობების მოწესრიგება ჩვენივე რესპუბლიკური საკანონმდებლო აქტებით უნდა მოხდეს.

ეს შესაძლებლობები ჩვენ ხელიდან არ შეიძლება გავუშვათ.

რალა თქმა უნდა, მე საკუთრების მრავალფეროვანი ფორმების მომხრე ვარ და იმისიც, რომ მიწა სამუდამო სამემკვიდრეო მფლობელობაში იყოს მიღებული, მაგრამ ცოდვა გამხელილი სჯობია და იმასაც ვიტყვი, რომ კერძო საკუთრების დაშვების მომხრე ვარ, რაც საკუთრების სხვა ფორმებთან ერთად, მინდა საკანონმდებლო წესით ვალიაროთ. ესე იგი, უწინდებულად ნულარ გადაეწეროთ ცენტრის მიერ მიღებულ დოკუმენტებს, არამედ კრიტიკულად შევაფასოთ ისინი და ბოლომდე დავიცვათ საქართველოს სსრ უზენაესი საბჭოს დადგენილება „საქართველოს სახელმწიფოებრივი სუვერენიტეტის დაცვის გარანტიების შესახებ“.

ჩვენი დამოუკიდებელი არსებობის საიმედო გარანტი ღონიერი ქართული სოფელია.

მაგრამ, ქალაქსაც რომ შეველა უნდა.  
საკავშირო დაქვემდებარების საწარმოები. მათ შორის მსხვილი და ამავე დროს ზარალიანიც. ისეთიც, რომელიც ნედლეულს სსრ კავშირის შორეულ რეგიონებიდან ღებულობს და ხშირად უკვე აღარც ღებულობს.

მაგალითად.  
თელავის აბრეშუმის ძაფსახვევ-საგრებ ფაბრიკას ესაჭიროება 350 ტონა აბრეშუმის პარკი, რომლის ნახევარი კანთში მზადდება, ხოლო დანარჩენი შუა ზოის რესპუბლიკებიდან შემოდის და ეს ორი წელია, რაც შეწყდა. ასე რომ, ფაბრიკის არსებობა საშიშროების წინაშე აღმოჩნდა. არადა მეაბრეშუმეობის განვითარებას საქართველოს ეკონომიკური დამოუკიდებლობის პირობებში დიდი სარგებლობის მოტანა შეუძლია.

რა არის საჭირო?  
თუთის ხეების გაშენება. ახლა ისინი მოუვლელია, მწირი და გამოუსადეგარი ფართობები ეთმობა, უმნიშვნელოა მოსავლიანობაც.

სხვა მსგავსი მაგალითების მოტანაც მრავლად შეიძლება. დადქი მიკროფონით ხელში და იყვირე: დამოუკიდებელ საქართველოს გა-უ-მარ-ჯოს!

უშველის ეს ჩვენ გაჭირვებას?  
კი უშველის, თუ სიტყვას საქმითაც გავამაგრებთ. გავამაგროთ!

თუნდაც ტექნოლოგიური თვალსაზრისით უფრო მობილურ, ახალი სახის თუ მოდელის პროდუქციის გამოშვებაზე სწრაფად და იოლად გადასვლისათვის მზადყოფნა, აგრეთვე პერიოდული ტექნიკური გადაირადებისათვის უფრო მოხერხებულ მცირე საწარმოებზე თანდათანობით გადასვლის გზით. ამასთან, მცირე მოცულობის საწარმო საგრძობლად გააიოლებს შრომითი კოლექტივის საკუთრებად სახელმწიფო საწარმოს მთელი ქონების გარდაქმნას, დაიჯარებულ ქონების გამოსყიდვას ან კანონით გათვალისწინებული სხვა ხერხებით ქონების შექმნას. ასეთი სახის საწარმოთა განვითარება საქართველოსათვის ისეთ წამყვან დარგებში, როგორიცაა მსუბუქი და კვების მრეწველობა მით უფრო მიზანშეწონილად მეჩვენება,

რომ გიგანტომაზია ქართველი კაცის ბუნებისათვის უცხოა და მიუღებელი „მანია“.

ქალაქელი ქართველი კაცისათვის ხელოსნობაც უფრო მისაძინებელია, ვიდრე დიდი კოლექტივის წევრობა და ამიტომ მიმაჩნია, რომ საჭიროა მივიღოთ კანონი, აგრეთვე შევქმნათ რეალური პირობები კერძო ხელოსნობის განვითარებისათვის. იყო თბილისი ცნობილი კარგი ოსტატებით და ჭერ კიდევ არ არის გვიან ამ საქმის აღორძინება. ხვალ უკვე გვიან იქნება.

არც ის არ არის ჭერ დაგვიანებული, რომ ახლადფენადგმული კოოპერატიული მოძრაობა, რომელსაც ბევრი მოწინააღმდეგე აღმოუჩნდა, სწორი გზით განვითარდეს და კიდევ უფრო ფართო მასშტაბები მიიღოს. მაგრამ, ამისათვის, უწინარეს ყოველისა, თვით კოოპერატორებს მართებთ ზრუნვა. საქმე ის არის, რომ ქალაქად მომრავლებული საზოგადოებრივი კვების ამ სახის ობიექტები სოფლის გლეხურ მეურნეობებში მიღებული პროდუქციით უნდა უზრუნველყოფდნენ თავის მოთხოვნილებების დაკმაყოფილებას და არ ეწეოდნენ საშუამავლო საეკულაციას სახელმწიფო ვაჭრობასა და მომხმარებელს შორის. სოფელთან პირდაპირი კავშირისა და მისგან მიღებული პროდუქციის გარეშე ასეთი კოოპერატივების იმედიან პერსპექტივას მე, მაგალითად, ვერ ვხედავ. სამაგიეროდ, დიდად პერსპექტიულად მეჩვენება სამშენებლო, აგრეთვე მომსახურების სფეროს კოოპერატივები, რომელთა განვითარებასაც, ცხადია, ობიექტურად ხელსაყრელი პირობების შექმნა სჭირდება.

ობიექტურად ხელსაყრელი პირობების შექმნა საჭირო ისეთი სახისა და ზარისხის პროდუქციის შესაქმნელადაც, რომელსაც გასაღების ბაზარი ექნება, თორემ თუ ვერაფერი გაყიდვ და ვერც ვერაფერი იყიდვ — ვერ იქნები ვერც დამოუკიდებელი და მით უფრო თავისუფალი.

ერთი რამ კიდევ მაქვს სათქმელი.  
ობოზიცია ძალას იკრებს, იძენს სიტუაციური ანალიზის უნარსაც და ყოველივე ეს მის მოწიფულობას ადასტურებს.

გაიმართა საქართველოს ეროვნულ-განმათავისუფლებელი მოძრაობის საგანგებო კონფერენცია, სადაც გადაწყდა, შეიქმნას პარიტეტულ საწყისებზე ეროვნული ფორუმი, რომელიც იქნება საქართველოს ეროვნულ-განმათავისუფლებელი მოძრაობის კოორდინირებული ხელმძღვანელობის ცენტრი.

ღმერთმა ხელი მოუმართოს!  
საქართველოს მხედრიონის ინიციატივით მოეწყო საგანგებო შეხვედრა ურთიერთმიტევებისა და ურთიერთშენდობის დღის აღსანიშნავად.

19 მარტი ასეთი დღეა.  
დიდებული დღე და მრავლისმეტყველი.  
მრავლისმეტყველი გახდა 9 აპრილის „სისხლიანი კვირის“ წლისთავიც, რომელმაც ქართული ეროვნულ-განმათავისუფლებელი მოძრაობის უთუოდ წინ გადადგმული სერიოზული ნაბიჯი წარმოაჩინა.

მაგრამ, ამ მოძრაობას უღირსი თანამგზავრებიც აედევნენ, რომელთა შორის, ამბობენ, გამომძალველებიც აღმოჩნდნენო. სამარცხვინო საქმე გვჭირს და დროზეა ასეთი ფაქტებისადმი მიხედვა საჭირო.

უნდა ვიაროთ წინ!  
დამოუკიდებლობისაკენ სავალ გზაზე გათვალისწინება სჭირდება მოსალოდნელ სიძნელებებს, დაბრკოლებებს, ხელისშემშლელ გარემოებებს.

თუნდაც ლიტვის მაგალითი.  
წინა კაცი უქანასი ხილია.

აჩქარებითა სოფელი არავის აუშენებია. ესეც ხალხური სიბრძნიდან მოდის. აჩქარებითაო! მართალია ეს. ჩვენ კი გვეჩქარება, ძალიან გვეჩქარება და გასაკვირიაო რომ ვთქვა, არ ვიქნები მართალი, მაგრამ იმაში კი უთუოდ მართალი ვარ, რომ აჩქარებას დასაძინი შეცდომებიც და ზოგიერთი რამ გაუთვალისწინებელიც ახლავს ხოლმე თან.

ავიცინოთ უნდა ყოველივე ეს თავიდან.  
ვეცადოთ მაინც.  
და უშეცდომოთ ავირჩიოთ სწორედ ის გზა, რომელიც ტადართან მიგვიყვანს.

# 1918 წლის 26 მაისი

1918 წლის 26 მაისი საქართველოს ისტორიული ცხოვრების უბედნიერესი თარიღია, რომელსაც მნიშვნელობით და საზეიმო შინაარსით წარსულის ვერც ერთი სხვა თარიღი ვერ შეეცდებოდა. ამ დღეს განხორციელდა ქართველი ხალხის საუკუნოებრივი ნაოცნებარი. აღსდგა დამოუკიდებელი საქართველო, რომელიც 1801 წელს ცარისტული რუსეთის მიერ იყო ანექსირებული და კოლონიური ჩაგვრის მძიმე უღელქვეშ გმინავდა; გამარჯვებით დაგვირგვინდა ის ეროვნულ-განმათავისუფლებელი მოძრაობა, რომელსაც ანექსიის დღიდანვე დაედო სათავე და ას ჩვიდმეტი წლის მანძილზე გრძელდებოდა.

საჯაროობამ და დემოკრატიზმმა გზა გაუხსნა „ემიგრანტულ“ ლიტერატურას. ქართველ მკითხველს მიეცა საშუალება, უშუალოდ გაეცნობოდა იმ მოღვაწეთა შეხედულებებს, რომლებიც 26 მაისის სათავეებთან იღვწენ და სამი წლის მანძილზე წარმართავდნენ მის საშინაო და საგარეო ცხოვრებას.

ისტორიოგრაფიის გამრავალფეროვნებამ დაარღვია დოგმატიზმი და დადგინილი სტერეოტიპები, გზა გაუხსნა თავისუფალ აზროვნებას. დღეს უკვე აუცილებელია, გაირკვეს 26 მაისის შემაპირობებელი ფაქტორები, დამოუკიდებელი საქართველოს სამწლიანი ცხოვრების შინაგანი და საგარეო ასპექტები, მისი დაცემის მიზეზები. 1921 წლის შემდეგ უცხოეთში ემიგრირებულ ქართველ პოლიტიკურ მოღვაწეთა შორის ცხარე დავა წარმოებდა დამოუკიდებელი საქართველოს შექმნისა და მისი დაცემის მიზეზთა შესახებ. 20—30-იან წლებში დაიწერა სოციალ-დემოკრატიული პარტიის ლიდერების ნოე ყორღანისა, ირაკლი წერეთლის, ნოე რამიშვილის, აკაკი ჩხენკელის, კონსტანტინე კანდელაკის, გრიგოლ ლორთქიფანიძის, გრიგოლ ერადის და სხვათა ნაშრომები და მოგონებანი, რომელთაც რიგ საკითხებში კონცეპტუალურად დაუპირისპირდა ეროვნულ-დემოკრატიული პარტიის მოთავეთა — ალექსანდრე ასათიანის, სპირიდონ კედიას, რევაზ გაბაშვილის, მიხაკო წერეთლის, დავით ვაჩნაძის და სხვათა წიგნები და პუბლიცისტური სტატიები. ამ პოლემიკაში ძირითადი მაინც ორი საკითხია: როგორ იშვა სუვერენული საქართველო, რამ შეაპირობა მისი სიცოცხლის ხანმოკლეობა.

1918 — 1921 წლების საქართველოს პოლიტიკური ცხოვრებისადმი მიძღვნილ ზოგ სტატიებში ის აზრი გამოსკვივის, თითქოს 26 მაისის აქტი იყო „გობით მორთმეული თავისუფლება“ და სოციალ-დემოკრატიული პარტია, რომელიც სათავეში ჩაუდგა დემოკრატიულ-დამოუკიდებელ საქართველოს, არ იყო ამ მისიისათვის მოწოდებული; რომ ამ პარტიის მოთავეობამ შეაპირობა ბევრი გამოუსწორებელი შეცდომა, რომლებმაც საბოლოო ჯამში მარცხამდე მიიყვანა ისინი.

წამოჭრილი პრობლემები ფრიად რთულია და მათზე ერთნიშნა პასუხი უმართებულო იქნებოდა. აუცილებელია ამ პერიოდის ხელახლად ყოველმხრივი შესწავლა, რაც პირველ რიგში ძველი სტერეოტიპებიდან თავისუფალ ისტორიკოსთა ახალგაზრდა თაობის ამოცანაა. ამ მიმართულებით კვლევით საქმიანობას იგი შეუდგა კიდევ.

შემთხვევითი იყო თუ არა 1918 წლის

26 მაისის მოპოვებული ეროვნული თავისუფლება? ეს საკითხი პირველ რიგში საპირობებს იმის გარკვევას, რა დონეზე იდგა იმ დროს ქართველი ხალხის ეროვნული პოტენციალი, იყო თუ არა იგი შემზადებული ამ აქტისათვის და ხელეწიფებოდა თუ არა მისი მოპოვება და შენარჩუნება იმ კონკრეტულ სოციალ-პოლიტიკურ ვითარებაში. არ უნდა დაგვავიწყდეს, რომ 1918-1921 წლები საერთოდ ურთულესი პერიოდია კაცობრიობის ისტორიაში. ეს იყო ხანა, როცა პირველი მსოფლიო ომი დასასრულს მიუახლოვდა და გამარჯვებული მხარე პარიზის საზავო კონფერენციაზე წყვეტდა მომავალი მსოფლიოს ბედ-იღბალს, როცა რუსეთის იმპერიაში განხორციელდა სოციალისტური გადატრიალება და მის შედეგად გამოწვეულ ხანგრძლივ სამოქალაქო ომს თან ახლდა მანამდე გაუგონარი კატაკლიზმები და სამეურნეო ნგრევა. ამ მსოფლიო ქაოსში ყველაზე მძიმე და მტკივნეული იყო მდგომარეობა მცირე ერებისა, რომელთა ბედ-იღბალი წყდებოდა მათ დაუკითხავად, ხშირ შემთხვევაში კი მათი ინტერესების საპირისპიროდ.

ეროვნული თავისუფლებისათვის ბრძოლას საქართველოში სასახელო ტრადიციები გააჩნია. იგი დაიწყო რუსეთისაგან თავსმოხვეული ანექსიის პირველი დღიდანვე. კოლონიური რეჟიმისადმი ხალხის შეუთრეველობის კლასიკური მაგალითია ის მასობრივი აჯანყებანი, რომელთაც ადგილი ჰქონდა XIX საუკუნის პირველ ნახევარში. ამავე საუკუნის მეორე ნახევრიდან ეროვნულ-განმათავისუფლებელი მოძრაობა ამალდა საერთო ევროპულ დონეზე. განსაკუთრებით ძლიერი ხასიათი მიიღო მან 1900-1905 წლებში. ამ დროს კავკასია და ბალტიისპირეთი ტონს აძლევდნენ თვითმპყრობელობის წინააღმდეგ ბრძოლას მთელს იმპერიაში. მართალია, პირველი რევოლუცია დამარცხდა და ცარიზმმა შეძლო დაეთრუნა ხალხის განმათავისუფლებელი მისწრაფებანი, მაგრამ ეს მხოლოდ დროებით. ეროვნული ენერჯის აკუმულაცია ისევ მიმდინარეობდა და იზრდებოდნენ ახალი ძალები გადამწყვეტი ბრძოლისათვის. ხელახალი შეტევის ხანა დადგა 1917 წლის თებერვლიდან, როცა რუსეთში დაემხო თვითმპყრობელური რეჟიმი და ერთბაშად პოვა გასაქანი მანამდე გაუგონარმა დემოკრატიულმა თავისუფლებამ.


ეროვნული თავისუფლებისათვის მებრძოლი რა ძალები მოქმედებდნენ მაშინ საქართველოში, ან რომელ პოლიტიკურ პარტიას ჰქონდა რეალური ძალა და გავლენა. რომ სათავეში ჩადგომოდა ბრძოლას დამოუკიდებელი საქართველოსთვის?

ეროვნული ავტონომიისათვის თანმიმდევრულად იბრძოდა სოციალისტ-ფედ-

რალისტთა პარტია. ამ პარტიას XX საუკუნის დამდევნიდანვე ჩაეყარა საფუძველი. მას მაღალი ავტორიტეტი ჰქონდა ქართველ ინტელიგენციაში და მის რიგებს ამშვენებდა ჩვენი ქვეყნის არაერთი გამოჩენილი მოღვაწე (არჩილ ჯორჯაძე, გიორგი ლასხიშვილი, თედო სახოკია, სამსონ ფირცხალავა, შალვა ალექსი-მესხიშვილი, გრიგოლ რცხილაძე და სხვ.). მაგრამ სოციალისტ-ფედერალისტური პარტია მაინც მცირერიცხოვანი იყო, მას ხალხში ფესვები ღრმად გადგმული არ ჰქონია. 1917 წლის თებერვლის რევოლუციის შემდეგ ამ პარტიას საგანგებო აქტიურობა არ გამოუჩენია. ის საერთო-სარუსეთო მოვლენათა მსვლელობით იყო გატაცებული და მთელ იმედებს ამყარებდა დამფუძნებელ კრებაზე, რომელსაც უნდა გადაეწყვიტა იმპერიის ხალხთა ბედ-იღბალი საერთოდ და მათ შორის საქართველოს თვითმმართველობის საკითხიც.

დამოუკიდებლობისათვის ყველაზე თანმიმდევრულ მებრძოლ ძალას წარმოადგენდა ეროვნულ-დემოკრატიული პარტია. იგი კანონზომიერადაა მიჩნეული ილია ჭავჭავაძის იდეურ მემკვიდრედ. ამ პარტიის კონტურები პირველი რევოლუციის შემდგომ წლებში მოიხაზა. მისი ეროვნული კონცეფცია გამოიკვეთა პირველი მსოფლიო ომის დაწყებიდან, როცა რეალურად დადგა საქართველოს დამოუკიდებლობის საკითხი. მაგრამ პარტიამ ამ დროს მაინც ვერ შეძლო ორგანიზაციული გაფორმება. იგი მხოლოდ 1917 წელს ჩამოყალიბდა. პარტიის დამფუძნებელი ბირთვი ფრიად ძლიერი იყო. იგი აერთიანებდა ისეთ თვალსაჩინო საზოგადო მოღვაწეებს, როგორც იყვნენ გიორგი გვაზავა, რევაზ გაბაშვილი, პეტრე სურგულაძე, სპირიდონ კედია, ალექსანდრე ასათიანი, მიხეილ წერეთელი, გიორგი და მიხეილ მაჩაბელები, შალვა ქარუმიძე და სხვები. ახლად შექმნილ პარტიას ხალხში არ ჰქონია ფართე პოპულარობა. იგი ჭერ კიდევ არ იყო მზად დამოუკიდებელი ხელისუფლების მოთავეობისათვის. ამას არც მაშინ, არც შემდეგ არ უარყოფდნენ თვით მისი ლიდერები.

მასებზე ზეგავლენის მხრივ ყველაზე ძლიერი იყო სოციალ-დემოკრატიული პარტია, რომელსაც საიმპერიო მასშტაბითაც ჰქონდა დიდი გავლენა. ამ პარტიის ლიდერები (კარლო ჩხეიძე, ირაკლი წერეთელი, აკაკი ჩხენკელი, ევგენი გეგაშკორი და სხვ.) სახელმწიფო სათათბიროს ტრიბუნლიდან ებრძოდნენ თვითმპყრობელურ ხელისუფლებას და მაღალი ავტორი-



ტეტი სარგებლობდნენ. შემთხვევითი არ ყოფილა, რომ მეფის მთავრობის დამხობის შემდეგ ზოგი მთავანი საერთო სარუსეთო რევოლუციური ხელისუფლების სათავეში აღმოჩნდა.

სოციალ-დემოკრატიის რიგებში გაერთიანებული იყო საქართველოს მუშათა და გლეხთა უმრავლესობა. დამფუძნებელი კრების არჩევნებში მან ხმების უდიდესი უმრავლესობა მოიპოვა. პარტიის წევრთა რაოდენობა ყოველწლიურად იზრდებოდა და 1920 წლისათვის მან 80 ათასს მიაღწია.

საგანგებო კვლევის საგანია ის, თუ რამ შეაპირობა საქართველოში სოციალ-დემოკრატიის ასეთი ფართო ზეგავლენა წვრილბუთჩუაზიულ ფენებზე. ეს პარტია ხომ აღმოცენების დღიდანვე დაუპირისპირდა იმ ეროვნულ მიმართულებას, რომელსაც დიდი ილია და მისი პლეადა ედგა სათავეში. ისიც ხელახლა შესწავლილია, თუ რით აიხსნება ამ პარტიის ორი ფრაქციის (მენშევიკები, ბოლშევიკები) შეურიგებლობა.

მათი იდეური გათიშულობა ჯერ კიდევ „მესამე დასიდან“ გამოიკვეთა. ამის ერთ-ერთი მიზეზი ეროვნული საკითხისადმი დამოკიდებულება იყო. ბოლშევიკები იმთავითვე უკიდურეს ეროვნულ ნიჰილიზმს ქადაგებდნენ და შეურიგებლობას იჩენდნენ განსხვავებული პოზიციების მიმართ. ასეთად დარჩა ეს პარტია ბოლომდე. 900-იან წლებში ეროვნული მოძრაობისადმი მტრულად იყვნენ განწყობილი მენშევიკებიც. ორთავე ფრაქციის ისტორიაში შავ ლაქად ჩანს ეს ნიჰილიზმი და ილია ჭავჭავაძის წინააღმდეგ ბინძური მეთოდებით ბრძოლა, რასაც შედეგად მოჰყვა ერის სულიერი მამის ტრაგიკული აღსასრული. მაგრამ ისიც სათქმელია, რომ პირველი მსოფლიო ომის წლებში, უფრო გამოკვეთილად 1917 წლიდან, მენშევიკურ ფრაქციას დაეტყო ერთგვარი შემობრუნება ეროვნული პოზიციისაკენ და საქართველოს სხვა პოლიტიკურ პარტიებთან საერთო ენის გამოძახვის მისწრაფება, რაც გამოვლინდა კიდევ 1917 წლის აპრილში ინტერპარტიული საბჭოს ჩამოყალიბებაში. მაგრამ, ეს ნაწილობრივი შემობრუნება მაინც არ ნიშნავდა იმას, რომ სოციალ-დემოკრატიამ (მენშევიკებმა) ხელი აიღო თავის კოსმოპოლიტურ ტენდენციებზე და მხოლოდ ეროვნული ინტერესებით შემოიფარგლა. იგი კვლავ წინა პლანზე აყენებდა რუსეთის დემოკრატიის საერთო ბედ-იღბალს და სეპარატიზმი მავნედ ეჩვენებოდა. ქართველმა სოციალ-დემოკრატებმა, რომლებსაც ამ დროს დიდი გავლენა ჰქონდათ რუსეთში, არ გამოიყენეს ეროვნული სუვერენიტეტის აღდგენის ყველაზე ხელსაყრელი შესაძლებლობა. როგორც ცნობილია, სწორედ ამ დროს აღსდგნენ ეროვნული ძალები ფინეთში, პოლონეთში, ბალტიისპირეთში, უკრაინაში. სწორედ 1917 წელს მოიპოვა ფინეთმა ეროვნული დამოუკიდებლობა. კარლო ჩხეიძე და კაკი წერეთელი კი საქართველოს დამოუკიდებლობაზე ამ დროს არც კი ფიქრობდნენ. ირაკლი წერეთელი თავის ორტომიან ნა-

შრომში „მოგონებანი თებერვლის რევოლუციაზე“, რომელიც 1963 წელს გამოიცა პარიზში, აღნიშნავს, რომ 1917 წლის თებერვლის რევოლუციის შემდეგ წინა პლანზე იდგა რუსეთის დემოკრატიის საერთო ბედ-იღბალი, ქართული სოციალ-დემოკრატია ამ დინებაში იყო ჩართული და იგი საქართველოს დამოუკიდებლობისათვის არ იბრძოდა ისეთი მიზანსწრაფულობით, როგორც ამას ადგილი ჰქონდა ბალტიისპირეთში და პოლონეთში.

ყველაზე გაბედული, თანმიმდევრული, ეროვნული ნაბიჯი მეფის ხელისუფლების დამხობისთანავე ქართულმა ქრისტიანულმა ეკლესიამ გადადგა. მან უკვე მას-სექტემბერში საბოლოო გამარჯვებით დაავიჯინა თავისი ასწლიანი ბრძოლა ავტოკეფალიისათვის. ამ დიდ ეროვნულ საქმეს მოთავეობდნენ პირველი კათალიკოს პატრიარქი 1917-1918 წლებში კირიონ მეორე (ერისკაცობაში გიორგი საძაგლიშვილი), ამბროსი ხელაია, კალისტრატე ცინცაძე. მათ მხარში ედგნენ გიორგი გვაზავა, ივანე ზურაბიშვილი, კოტე აბხაზი, პავლე ინგოროყვა, ექვთიმე თაყაიშვილი და მრავალი სხვები, უმთავრესად ეროვნულ-დემოკრატიული პარტიიდან.

მეორე უმნიშვნელოვანესი აქცია ეროვნული სუვერენიტეტისათვის ბრძოლაში იყო თბილისის უნივერსიტეტის დაარსება. 1917 წელს ეროვნული საუნივერსიტეტო მოძრაობა ივანე ჯავახიშვილის მესვეურებით გახდა ის უმნიშვნელოვანესი აქცია, რომელმაც აიყოლია მთელი ქართველი მოწინავე ინტელიგენცია. 1918 წლის იანვარში უნივერსიტეტის გახსნა ნიშნავდა ინტელექტუალურად საქართველოს სუვერენიტეტის შემზადებას. უნივერსიტეტში შეკრებილი სამეცნიერო ძალები და სტუდენტობა ამიერიდან ერთ-ერთ წამყვან როლს ასრულებდნენ 26 მაისის აქტის შემზადებაში.

ეროვნული სუვერენიტეტის აღდგენა ობიექტურად დააჩქარა 1917 წლის ოქტომბრის გადატრიალებამ პეტროგრადში. ნიშანდობლივია რომ საქართველოს არც ერთმა პოლიტიკურმა პარტიამ, გარდა ქართველი კომუნისტებისა, არ დაუჭირა მხარი ბოლშევიკების მოქცევას რუსეთის ხელისუფლების სათავეში; სწორედ ამ დროიდან დაისვა სოციალ-დემოკრატების წინაშე საკუთარი ქვეყნის მოვლა-პატრონობის ამოცანა. 1917 წლის 15 ნოემბერს შექმნილ ამიერკავკასიის კომისარიატის სათავეში აღმოჩნდა ქართული სოციალ-დემოკრატია. იგივე სოციალ-დემოკრატია მესვეურებდა ამიერკავკასიის სეიმს, რომელიც 1918 წლის დამდეგს ბოლშევიკების მიერ დამფუძნებელი კრების გარეკვის შემდეგ შეიქმნა ამიერკავკასიელი დეპუტატებისაგან. ქართული სოციალ-დემოკრატიის სასარგებლოდ ისიც უნდა ითქვას, რომ მან 1917 წლის მიწურულში უნარიანად დაიცვა თბილისის უდიდესი საფრთხისაგან, რაც მას თურქეთის ფრონტიდან დაძრული რუსეთის არმიის შემოსევით ემუქრებოდა.

მაგრამ ყველაზე მნიშვნელოვანი აქცია, რომელიც წინ უსწრებდა 1918 წლის 26 მაისს, იყო საქართველოს ეროვნული ყრი-


ლობა, რომელიც 1917 წლის 19 ნოემბერს იქნა მოწვეული. საქართველში რომ ვხედავთ ტელექტუალურად შემზადებულ რუსულ სუვერენიტეტის აღდგენისათვის, გამოჩნდა ქართველ თავადაზნაურთა საკრებულოს დიდი პატრიოტული გადაწყვეტილებიდან — გადაეცა მთელი მისი ქონება ქართველი ერისთვის. ეს იყო კლასობრივ გრძობაზე ეროვნული გრძობის თვალსაჩინო გამარჯვება. ნოემბრის ყრილობაც, სადაც ყველა პარტია (გარდა კომუნისტებისა) და საზოგადოებრივი ორგანიზაცია მონაწილეობდა, გაიხსნა სწორედ ამ ქონების მიღების გამო. კრებას თავმჯდომარეობდა აკაკი ჩხენკელი. მთავარი მომხსენებელი იყო ნოე ჟორდანიანი. ყრილობამ აირჩია ეროვნული საბჭო ნოე ჟორდანიანის მეთაურობით. ჩვენის აზრით, არა აქვს პრინციპული მნიშვნელობა იმას, რომ ქართველ სოციალ-დემოკრატებს დამოუკიდებლობისაკენ უბიძგებდა პარტიული თუ სახელმწიფოებრივი ინტერესები. ამ აქტში ეს ინტერესები დაემთხვა ერთმეორეს 26 მაისის შემზადების სასარგებლოდ. ამ დამთხვევამ შეაპირობა ერთსულოვანი ნეგატიური პოზიცია ბრესტის ზავის მიმართაც და თურქეთის აგრესიის ვითარებაში ორიენტაცია გერმანიის დელეგაციაზე, რომელთან მოლაპარაკებაში მთავარ როლს ამ პარტიის წარმომადგენლები ასრულებდნენ.

ემიგრანტულ ლიტერატურაში ატენილ დავას იმის თაობაზე, თუ რომელი პარტიის დამსახურებაა 1918 წლის 26 მაისის, კალმხრივობის ბეჭედი აზის. ეს დიდი მონაპოვარი სრულიად საქართველოს დამსახურებაა. იგი იყო საერთო ეროვნული ძალისხმევის შედეგი და მონაპოვარი. ამაშია მისი სიდიადე და უდიდესი ისტორიული მნიშვნელობა.

კალმხრივობა იგრძობა კამათში იმის თაობაზეც, თუ რამ შეაპირობა 1918 წლის 26 მაისის მონაპოვართა დღემოკლეობა. ზოგი ავტორი 1921 წლის თებერვლის ტრაგედიაში ხედავს წილს მმართველი პარტიისა, რომელმაც ვერ შეძლო სწორი პოლიტიკური ორიენტაციის აღება და იმ დამპყრობლურ მისწრაფებათა ამოცნობა, რომელსაც იმთავითვე შეიცავდა საბჭოთა რუსეთის საგარეო პოლიტიკა.

ამ პრობლემის გარკვევასთან დაკავშირებით წამოიჭრა საკითხთა მთელი კომპლექსი, რომლებიც სიღრმისეულ და ფართო მასშტაბით კვლევას საჭიროებს.

დამოუკიდებელი საქართველოს საშინაო ცხოვრებას არ ახასიათებდა კრახის ტენდენციები. მართალია, მას უჭირდა ეკონომიკურად, მაგრამ ეს გასაჭირი არ იყო გარდაუვალი. ქვეყანა თანდათან გამოდიოდა კრიზისული მდგომარეობიდან, სძლევდა იზოლაციას და უცხოეთთან კონტაქტების გაფართოებით ახერხებდა სახალხო მეურნეობის ყველა დარგში აღმავლობის გზების დასახვას. დამოუკიდებლობის გამოცხადების წელი ეკონომიკური თვალსაზრისით გაცილებით მძიმე იყო, ვიდრე მომდევნო. 1920 წლისათვის კი საქართველოს მრეწველობა, სოფლის მეურნეობა, ფინანსები იმ დროის შესაბამისად სრულიადაც არ ქმნიდა ხელჩქნეულობის შთაბეჭდილებას.



კრახის მიზეზი საგარეო ვითარებაში მდგომარეობდა. დემოკრატიული საქართველოს საგარეო პოლიტიკა ეფუძნებოდა მტკიცე ნეიტრალიტეტს. სხვაგვარად არც შეიძლებოდა. მისი ამოცანა იყო, დაეცვა თავი ღიდ სახელმწიფოთა დამპყრობლური მისწრაფებებიდან. იგი ვერც ერთ დაჯგუფებას ვერ მიემხრობოდა. მაგრამ როგორ იდგა საქართველოს საკითხი იმ დროის საერთაშორისო პოლიტიკაში? რა ძალები უპირებდნენ მას ჩაყლაპვას და რა გზით შეიძლებოდა მათგან გადარჩენა?

ყველაზე აგრესიული და საშიში იყო რუსეთი. ცარიზმის იმპერიულ პოლიტიკაში საქართველო მის განუყოფელ შემადგენელ ნაწილად იგულისხმებოდა. „მთლიანი და განუყოფელი რუსეთის“ იდეა დომინანტობდა ოქტომბრის რევოლუციის შემდგომაც და პრინციპში ერთნაირად იყო გააზრებული თეთრ გენერალ დენიკინის, თუ წითელი კრემლის მესვეურთა შეგნებაში. ერთა თვითგამორკვევის დეკლარაციის მიუხედავად, საბჭოთა ხელმძღვანელობაში არავის მოსვლია აზრად საქართველოს დამოუკიდებლობის კანონზომიერება. ცნობილია, რომ 1917 წელსვე იყო იმის მცდელობა, რომ საქართველოში რუსეთის არმიის ძალებით დაეშობოთ ადგილობრივი დამოუკიდებელი ხელისუფლება. საქართველოს დამოუკიდებლობა კრემლში მუდამ მიაჩნდათ უკანონოდ და ეძებდნენ ხელსაყრელ ვითარებას მისი ხელყოფისათვის. ასეთი ხელსაყრელი დრო დადგა მას შემდეგ, როცა წითელმა არმიამ დაამარცხა დენიკინი და მისი დევნისას გადმოლახა კავკასიის საზღვარი. აზერბაიჯანში საბჭოთა წყობილების დამყარების შემდეგ საქართველოს ბედ-იბღალი საბოლოოდ გადაწყდა. პრაქტიკული მოქმედების დაწყება კონკრეტულ ხელსაყრელ ვითარებაზე იყო დამოკიდებული. სწორედ აქ ისმის საკითხი 1920 წლის 7 მაისის ხელშეკრულების მიზანშეწონილობის შესახებ. მართალია, ეს ხელშეკრულება მთავრობამ პარლამენტის დასტურის გარეშე დადო რუსეთთან, მაგრამ მაშინაც, როცა იგი დამფუძნებელი კრების სამსჯავროზე გამოიტანა, მან ერთსულოვანი მხარდაჭერა პოვა. ისეთი ძლიერი მემარჯვენე ოპოზიციაც კი, როგორც ეროვნულ-დემოკრატიული პარტია იყო, მას სრული მხარდაჭერით შეხვდა. მაგალითად, ეროვნულ-დემოკრატი გიორგი გვაზავა დამფუძნებელი კრების 1920 წლის 11 მაისის სხდომაზე ამბობდა: „ამ ხელშეკრულებას დიდი მნიშვნელობა აქვს. ეს არის ჩვენი ეროვნული გამარჯვება... რუსეთმა იცნო დამოუკიდებლობა იმ საქართველოსი, რომელსაც თვითონ ფლობდა. ამით წინასწარ წყდება სხვა სახელმწიფოების მიერ ჩვენი ქვეყნის იურიდიულად ცნობის საკითხი“.

ასე გაიაზრეს ეს ხელშეკრულება დამფუძნებელ კრებაში წარმოდგენილმა სხვა პარტიებმაც. მაშინ არავინ ფიქრობდა, რომ იგი ბოლშევიკების მხრივ შეტევის წინ სულმოთქმის ფანდი იყო და საქართველოს განმეორებით მოელოდა ის, რაც იწვნია 1783 წლის ხელშეკრულების შემ-

დეგ 1801 წლის ანექსიით. ურემი რომ გადაბრუნდება, გზა მერე ჩნდება — ხალხური სიბრძნეა. შეიძლება დღეს ჩანს ამ ხელშეკრულების ნეგატიური შედეგები, მაგრამ იმ ვითარებაში ეს არ იგრძნობოდა და თუ შეცდომა იქნა დაშვებული, ცოდვა ყველამ უნდა გაიზიაროს, თუმცა სუვერენიტეტის ბედ-იბღალი შეცდომის გარეშეც გადაწყვეტილი იყო.

რუსეთის შემდეგ საქართველოს სამტროდ მოდარაჯებულ ძალას თურქეთი წარმოადგენდა. ბრესტის საზავო ხელშეკრულებით წაქეზებული თურქეთი მუდამ ეძებდა იმის შესაძლებლობას, რომ მიესაკუთრებინა საქართველოს სამხრეთი პროვინციები. ეს ვერ შეძლო მან 1918 წლის მაისში სწორედ საქართველოს დამოუკიდებლობის გამოცხადების გამო. მაგრამ ომში მარცხის მიუხედავად ეძებდა ხელსაყრელ შემთხვევას, რომ თავისი ჩანაფიქრი განეხორციელებინა. მას შემდეგ, რაც საბჭოთა რუსეთმა დასავლეთში რევოლუციის ექსპორტზე იმედგაცრუება განიცადა და გეზი აღმოსავლეთზე აიღო, ადვილად მოიძებნა დაახლოვების გზა ქემალისტურ თურქეთსა და ბოლშევიკურ რუსეთს შორის. თურქეთს წილი ედო აზერბაიჯანში საბჭოური რეჟიმის უსისხლოდ დამყარებაში და არც ის იყო ცალმხრივი ინიციატივა, თურქეთმა რომ თავისი ჯარები შემოუსია აჭარას სწორედ იმ პერიოდში, როცა საბჭოთა არმია ოთხი მიმართულებით საქართველოს სასიცოცხლო ცენტრებს უტევდა.

როგორი იყო ევროპული ქვეყნების პოზიცია ამიერკავკასიისათვის ამ ყველაზე კრიტიკულ ვითარებაში? ევროპის ქვეყნების და ამერიკის შეერთებული შტატების მმართველობას კავკასია-საქართველოს საკითხი აწუხებდა იმდენად, რამდენადაც იგი მათ სამომავლო ეკონომიკურ ინტერესებს შეეხებოდა ამ ქვეყნებში. აქედან გამომდინარე ე. წ. „მანდატის“ საკითხიც, ამას უკავშირდებოდა ამიერკავკასიის ეროვნულ სახელმწიფოთა იურიდიული ცნობის საკითხიც. სანამ საბჭოთა რუსეთს უჭირდა, ევროპის ქვეყნებს გეზი დენიკინზე ჰქონდათ აღებული, როცა „ერთიანი და განუყოფელი რუსეთის“ თეთრი მედროშის იმედები გადაიწურა, ამ ქვეყნებმა ბოლშევიკური რუსეთისაგან გასამიჯნავად ერთის მხრივ „კორდონების“ შექმნას მოჰკიდეს ხელი; მეორეს მხრივ საბჭოთა რუსეთთან ეკონომიკურ ურთიერთობაზე აიღეს გეზი. საქართველოს დელეგაცია პარიზის საზავო კონფერენციის მონაწილე ქვეყნებთან საერთო ენის გამოხატვის ყველა გზას მიმართავდა, მაგრამ ამაოდ.

შემთხვევითი არ ყოფილა, რომ სწორედ ამ დროს ინგლისის პრესაში გაჩაღდა კამპანია საქართველოს წინააღმდეგ. ისენებდნენ რომ პირველ მსოფლიო ომში თურქეთის ჩაბმისთანავე ქართველებმა კავშირი შეკრეს მათ მტრებთან — გერმანიასთან და თურქეთთან და მოლაღატებად გვთვლიდნენ. ინგლისმაც და საფრანგეთმაც საქართველო საერთაშორისო მფარველობის გარეშე დატოვეს. გენერალ ოდიშელიძის ხელმძღვანელობით ევ-

როპაში იარაღის შესაძენად გაგზავნილ კომისიას მათ გზა გადაუღობეს, აქედან ცარიელი დააბრუნეს უკან. დაბრუნების დროს გავიხსენოთ, რომ 1920 წლის შემოდგომაზე სწორედ ინგლისის მაშინდელმა პრემიერმა ლორდ ჯორჯმა კრასინის პირით სანქცია მისცა საბჭოთა რუსეთს, დაეწყო სამხედრო ლაშქრობა საქართველოში.

დემოკრატიული საქართველოს მარცხის შემაპირობებელ ფაქტორთა ანალიზისას არა აქვს გადამწყვეტი მნიშვნელობა იმას, თუ როგორ დონეზე იდგა საქართველოს სამხედრო პოტენციალი, რატომ დატოვა მან თბილისი კოჯორ-ტაბახმელასთან გმირული ბრძოლების შემდეგ, ან რატომ არ გამაგრდა მცხეთასთან თუ სურამის უღელტეხილთან. სამწუხაროა, იმ კონკრეტულ სიტუაციაში დამოუკიდებელი საქართველოს ყოფნა-არყოფნის საკითხი გადაწყვეტილი იყო. მას უტევდნენ არა მარტო თბილისის მიმართულებით, არამედ მამისონიდან, სოჭა-აფხაზეთიდან, თითქმის ყველა უღელტეხილიდან. მას უტევდა თურქეთიც. საქართველოს მესვეურებს კიდევ არ ეგონათ, რომ ევროპისაგანაც განწირული იყვნენ და მას დახმარებისათვის მიამუხრეს ისე, რომ კაპიტულაცია არ გამოუცხადებიათ. მაგრამ ევროპის მესვეურთა პოზიცია არ გასცილებია სიტყვიერ თანაგრძნობას.


ამრიგად, დემოკრატიული საქართველო კატასტროფის წინ აღმოჩნდა სრული იზოლაციის ვითარებაში და მის წინააღმდეგ მოიმართა მტრული საგარეო ძალები. ისტორია მწარე, მაგრამ აუცილებლად გასათვალისწინებელი გაკვეთილია. საერთოდ, კეთილშობილის პოზიციიდან დახმარების იმედი პოლიტიკაში გამორიცხულია.

ხანმოკლე იყო 1918 წლის 26 მაისის ბედნიერება, ზემო. მაგრამ იგი მაინც დარჩა უბრწყინვალეს თარიღად იმიტომ, რომ „26 მაისი ჩვენი გამამართიანებელია, ჩვენი მთლიანობის სიმბოლოა, ჩვენი საერთო დროშა“. ამას დემოკრატიული დამოუკიდებელი საქართველოს პრეზიდენტი ნოე ჟორდანიას წერდა 1931 წელს, საქართველოს დემოკრატიული წყობილების დაცემის 10 წლისთავზე. ეს სიტყვები დღესაც ძალაშია. ასევე ძალაშია მისი მოწოდება, რომ „საქართველოს სინამდვილეში არ არსებობს შინაგანი განხეთქილების არც ერთი მომენტი, არც პოლიტიკური, არც სოციალური, არც კულტურული და საზოგადოებრივი. ჩვენ ყველა ვიბრძვით არსებობის ძირეული, უდაო და მიუცილებელი საფუძვლისთვის. ჩვენ გვინდა, ვიყოთ ჩვენი თავის ბატონი და პატრონი, როგორც ერი, როგორც ხალხი, როგორც პიროვნება. ყველა ეს უფლება წართმეული გვაქვს და ეს საერთო უბედურება აერთებს ყველას, განურჩევლად რწმენისა, პროგრამული სხვადასხვაობისა და სოციალური მდგომარეობისა“.

ამ დევიზით უნდა ვიზეიმოთ 1918 წლის 26 მაისი. ეროვნული მთლიანობაა ისმკვიდრი საძირკველი, რომელზედაც უნდა დაეყრდნოს მომავალი სუვერენული საქართველო.

პაატა სურგულაძე.





# ახალი რუსეთი ცვალებად მსოფლიოში

## რეალისტური პროგნოზი

სსრ კავშირის მთლიანობის პრობლემა დღეს უკიდურეს სიმწვავეთ დგას. ამის განსჯა შეიძლება თუნდაც მოკავშირე რესპუბლიკებში სხვადასხვა მოძრაობისა და ფრონტის პროგრამებისა და დეკლარაციების მიხედვით.

რა ელოდება ამ შემთხვევაში საბჭოთა რუსეთს და როგორი რეალობანი უნდა გაითვალისწინოს მანამ აქ საკითხებზე მსჯელობს თავის სტატიაში ფილოსოფიის მეცნიერებათა დოქტორი ელშარდ ვოლოდინი

მწარეა და სამძიმო ამ თემის დაწყება. მწარეა და ძნელი იმის გამო, რომ ჩვენ წილად გვხვდა თანაზიარობის მძიმე ტვირთი იმ დიდი სახელმწიფოს დაშლისა, როგორც რესპუბლიკების კავშირია, და ზესახელმწიფოსი, მისი ყოფილი ცენტრისა, სოციალიზმის ბანაკს რომ უწოდებდნენ.

სეპარატისტული პროცესები მიმდინარეობს საბჭოთა კავშირის დასავლეთისა და სამხრეთის ყველა საზღვარზე. ნაციონალიზმი თვითნებურად მოთავეობს ამ პოლიტიკურ მოძრაობას და გამოყოფის პრობლემა პოლიტიკური ლოზუნგისა და პრაქტიკული მოქმედების, სახით უკვე დააყენეს სხვადასხვა ფრონტის ლიდერებმა.

აქ უნდა განვმარტოთ ცნება „ნაციონალიზმი“. ის იხმარება არა იმიტომ, რომ გამოყოფა უკიდურეს ნაციონალიზმად აღიქმება არა როგორც სსრ კავშირის შემადგენლობიდან გასვლა, არამედ როგორც სწორედ რუსეთისაგან გამიჯვნა, და წინდაუხედლობა იქნებოდა, თუ აბსტრაქციას — „ცენტრს“ უკიდურესი „ეროვნული აღმართობის“ სრულიად კონკრეტული მოქმედებისა და გეგმების ასახსნელად გამოვიყენებდით. ნაციონალიზმი არ უნდა განვსაზღვროთ ადამიანთა კანონიერი გრძობა და მოქმედება თავისი ეროვნული თვითმყოფლობის, კულტურული განუმეორებლობისა და კონფესიონალური (სარწმუნოებრივი) მიმდევრობის დასაცავად. ცნება „ნაციონალიზმი“ რომ ვიყენებ, უპირველეს ყოვლისა, მხედველობაში მაქვს ეროვნული მოძრაობის საყოველთაო შეუღლებულობა განაპირა მხარეებში ყველაზე მძაფრ რუსოფობიასთან (რუსულ შეუწყნარებლობასთან), რაც მაშინვე ამახინჯებს საკუთრივ ეროვნულ მოძრაობებს და მათ შინაარსს. ამისთვის თანამედროვე ნაციონალისტებს კიდევ მოუწევთ პასუხის გაცემა სწორედ თავიანთი ხალხების წინაშე.

ნაციონალიზმი როგორც ცნება იმიტომაც გამოიყენება კიდევ, რომ ფრონტების ლიდერები რესპუბლიკის მცხოვრებლებს უკვე ყოფენ ეროვნული ნიშნის მიხედვით სრულფასოვნებად და არასრულფასოვნებად და არასრულფასოვნებად და ერთდროულად უგულვებელყოფენ იმ მკვიდრი ხალხების კანონიერ უფლებებსაც ეროვნულ ცხოვრებაზე, რომელთაც შეუძლიათ ან სურვილი აქვთ, რომ შექმნიან ან სურვილი აქვთ, რომ შექმნიან და განავითარონ ეროვნულ-სახელმწიფოებრივი ავტონომია.

როგორც ვხედავთ, არის იმის შესაძლებლობა, რომ ერთმანეთისაგან გავარჩიოთ ეროვნული განსაკუთრებულობის გაშლისა და სრულყოფისათვის ღრმა აზრითა და პუბლიცისტური ანალიზითა და პოლიტიკური მოქმედებით, რომელიც მუდამ თვითგამომრკვევი და გულგანსნილია მსოფლიოსათვის, და ნაციონალიზმი როგორც ეროვნულ განსაკუთრებულობაზე დამყნობა პარაზიტობა თითქოსდა ამაღლებული აბსოლუტად, რომელსაც უნდა გაუთანაბრდეს ეროვნული განაპირა მხარის ყველა მცხოვრები.

რაც შეეხება რუსოფობიას, აქ მას არ შეეხება, თუმცა ვიტყვი, რომ ის შესაძლებელია დაიკლებდეს, თუ „ცენტრი“ შეეშვებოდა უცნაურ მშვიდობისმყოფელობას, რომელიც უფრო შაშვი მიმიკობანას თამაშსა ჰგავს რუსეთისა და რუსების ეროვნული ღირსების ხარჯზე. დიახ, კაცმა რომ თქვას, ვანა ჩვენი საქმეა, ყურადღებას რომ ვაქცევთ განაპირა მხარეების ნაციონალისტების ღვარძლიან უსაქციელობას მაშინ, როდესაც ჩვენს მხარეზეა რუსეთის როლის ისტორია და ცოდნა, შემონახული იმავე ხალხებში, რომელთა ნაციონალისტური ლიდერები ბრაზით უქცევენ გვერდს ამავე ისტორიას და ამავე ცოდნას? და ისტორიული ცხოვრების ჩვენი გამოცდილებით არც კი უნდა ვიპასუხებდეთ ამავე პროვინციულ ბონაპარტეებს — ისინი ხომ არც არიან წარმომადგენლები იმ ხალხებისა, რომლებთანაც ერთად ჩვენ ასეული წლების მანძილზე ვაშენებდით ქვეყანას და ვიცავდით სახელმწიფოს.

„მსოფლიო საზოგადოება“ და „დასავლეთის დემოკრატიებიც“ გეოპოლიტიკური განლაგების ცვლილების სახელით დუმდნენ და მომავალშიც განაგრძობენ დუმის მოწინავე ბალტიისპირეთისა და რელიქტური სამხრეთ აფრიკის რესპუბლიკის კანონთა პარალელიზმის საბაზის შესახებ. მხოლოდ რუსეთს შესწევს უნარი, პოლიტიკურ-ეკონომიკური და სხვა საშუალებების გამოყენებით შექმნას თავისი წარმომადგენლობები ეროვნულ მოკავშირე რესპუბლიკებში და არ მისცეს ნება ნაციონალისტებს, რომ პოლიტიკურ დოქტრინად აღიარონ რასისტური თეორია, რომელიც დამამცირებელია მათივე ხალხისათვის. ესაა კანონზომიერი პოლიტიკური მოქმედება რუსეთისა, რომელიც შედის თავისი პოლიტიკური ისტორიის იმ ახალ ეტაპში, როცა არავითარი ისტორიული მოკავშირე არა რჩება, ვინმეს დახმარების იმედი გამორიცხულია და მხოლოდ რუსების საკუთარი ძალისხმევით შეიძლება შეაჩეროს შინაგანი სტაგნაცია (შეფერხება) და მსოფლიო დესტაბილიზაცია.

მსოფლიო-ისტორიული დრამა შედის ახალ აქტში, მაგრამ შეიძლება კი მისი მოქმედება ერთმნიშვნელოვნად ტრაგიკულად დასასიათდეს? რაც უნდა ითქვას, მართო დარჩენა სიხარულს ვერავის მიანიჭებს. ამასთან, ახლანდელი ასეთი ვითარება არ შეიძლება კვლავაც გაგრძელდეს თავისი არაბუნებრიობის გამო. შეიძლება კი ხანგრძლივი და მყარი იყოს ბლოკის ქვეყნების კავშირი, თუ ის იმთავითვე გამჭოლად იდეოლოგიზებულია, ხოლო ეკონომიკური საფუძველი ემყარება სხვა ქვეყნების ეკონომიკის პირდაპირ ან შენობულ დოტაციებს? იქნებ ამიტომაც ასე წარმატებით დავკარგეთ, მაგალითად, წარმოდგენა ჩვენს სლავურ ერთობაზე.

სურათი არ იცვლება კავშირის შიგნით რესპუბლიკებს შორის ურთიერთობის მიხედვით.

რის შიგნით რესპუბლიკებს შორის ურთიერთობის მიხედვით ხედულების განსხვავებები წლების მანძილზე დოტაციები რუსეთის ბიუჯეტიდან მოკავშირე რესპუბლიკების ბიუჯეტებში მიდიოდა „ფაქტობრივი უთანასწორობის სალიკვიდაციოდ“, ვიდრე დონორი წარმატებით არ გამოიფიტა. დაუძღვრებული კი ვანა ვინმეს სკრუპულოზი და აინტერესებს? აი ერთ-ერთი ობიექტური მიზეზი განაპირა მხარის ნაციონალიზმის გაჩენისა, აი ერთ-ერთი ახსნა იმისა, რომ ნაციონალიზმი სვამს საკითხს სსრ კავშირის დაშლის შესახებ.

დგება ვაქცაციების და ანგარიშსწორების დრო. ვაქცაციების იმიტომ, რომ რუსეთმა კვლავ უნდა მოიკრიბოს გულსისუფრი და მიაღწიოს თვითგამორკვევას ახალ მსოფლიოში თავისი ადგილისა და ისტორიული მიზნის ნათელსაყოფად. „ცენტრი“ რაღაც ქიმიურად იქცევა, და მისი ზელისუფლები-საგან განთავისუფლებული რუსეთი თვითონ ირჩევს თავისთვის ისტორიულ როლს.

დგება ანგარიშსწორების დრო იმიტომ, რომ რესპუბლიკები საერთო საცხოვრებელიდან ცალ-ცალკე ბინებში კი არ გადადიან, არამედ გლეჯენ სისხლძარღვოვან სისტემას. ცოცხლად ჰრინან და ახრევენ სახლს, რომელიც შენდებოდა არა 1940 ან 1917 წლებიდან, არამედ ათასწლეულზე მეტხანს. აქ აუცილებლად საჭიროა ქონების გაყოფა, რათა მეტად აღარ წაუყენონ ერთმანეთს პრეტენზიები და გადაუხდელი ანგარიშები.

სირთულე აქ არის, მაგრამ ის იმდენად ძნელი გადასაწყვეტი როდია, როგორც ეს დასაწყისში შეიძლება ჩანდეს. რუსეთის სტატისტიკა კარგდონეზე იდგა და როგორც მინიმუმი საკმარისად კარგად შეიძლება ვიანგარიშოთ — ვინ ვის ძარცვავდა და როგორი კოლონიალიზმი იყო მთელ მეცხრამეტე საუკუნეში. და თუ რუსეთი ვინმესთან ვალში აღმორჩნდება, მან ის უნდა დაუბრუნოს. ცნობილია უკანასკნელ ათწლეულებში საერთო საკავშირო ბიუჯეტის შედგენაც და განაწილებაც. აქაც აუცილებლად საჭიროა ანგარიში, რათა უმწიფარმა გადაწყვეტილებებმა თავის მობეზრება არ გამოიწვიონ... რუსეთის მხრივაც და მოქმე მოკავშირე რესპუბლიკების მხრივაც.

გაცილებით უფრო რთულია საზღვრების პრობლემა. გამოცალკეება თანამედროვე საზღვრებში, რასაც მხოლოდ ნაციონალისტური სიბრძნე


რის შიგნით რესპუბლიკებს შორის ურთიერთობის მიხედვით ხედულების განსხვავებები წლების მანძილზე დოტაციები რუსეთის ბიუჯეტიდან მოკავშირე რესპუბლიკების ბიუჯეტებში მიდიოდა „ფაქტობრივი უთანასწორობის სალიკვიდაციოდ“, ვიდრე დონორი წარმატებით არ გამოიფიტა. დაუძღვრებული კი ვანა ვინმეს სკრუპულოზი და აინტერესებს? აი ერთ-ერთი ობიექტური მიზეზი განაპირა მხარის ნაციონალიზმის გაჩენისა, აი ერთ-ერთი ახსნა იმისა, რომ ნაციონალიზმი სვამს საკითხს სსრ კავშირის დაშლის შესახებ.

დგება ვაქცაციების და ანგარიშსწორების დრო. ვაქცაციების იმიტომ, რომ რუსეთმა კვლავ უნდა მოიკრიბოს გულსისუფრი და მიაღწიოს თვითგამორკვევას ახალ მსოფლიოში თავისი ადგილისა და ისტორიული მიზნის ნათელსაყოფად. „ცენტრი“ რაღაც ქიმიურად იქცევა, და მისი ზელისუფლები-საგან განთავისუფლებული რუსეთი თვითონ ირჩევს თავისთვის ისტორიულ როლს.

დგება ანგარიშსწორების დრო იმიტომ, რომ რესპუბლიკები საერთო საცხოვრებელიდან ცალ-ცალკე ბინებში კი არ გადადიან, არამედ გლეჯენ სისხლძარღვოვან სისტემას. ცოცხლად ჰრინან და ახრევენ სახლს, რომელიც შენდებოდა არა 1940 ან 1917 წლებიდან, არამედ ათასწლეულზე მეტხანს. აქ აუცილებლად საჭიროა ქონების გაყოფა, რათა მეტად აღარ წაუყენონ ერთმანეთს პრეტენზიები და გადაუხდელი ანგარიშები.

სირთულე აქ არის, მაგრამ ის იმდენად ძნელი გადასაწყვეტი როდია, როგორც ეს დასაწყისში შეიძლება ჩანდეს. რუსეთის სტატისტიკა კარგდონეზე იდგა და როგორც მინიმუმი საკმარისად კარგად შეიძლება ვიანგარიშოთ — ვინ ვის ძარცვავდა და როგორი კოლონიალიზმი იყო მთელ მეცხრამეტე საუკუნეში. და თუ რუსეთი ვინმესთან ვალში აღმორჩნდება, მან ის უნდა დაუბრუნოს. ცნობილია უკანასკნელ ათწლეულებში საერთო საკავშირო ბიუჯეტის შედგენაც და განაწილებაც. აქაც აუცილებლად საჭიროა ანგარიში, რათა უმწიფარმა გადაწყვეტილებებმა თავის მობეზრება არ გამოიწვიონ... რუსეთის მხრივაც და მოქმე მოკავშირე რესპუბლიკების მხრივაც.

გაცილებით უფრო რთულია საზღვრების პრობლემა. გამოცალკეება თანამედროვე საზღვრებში, რასაც მხოლოდ ნაციონალისტური სიბრძნე



აფიქრებინებს კაცს, თავისთავად იგულისხმება, არ მოხდება, უაზრობად ჩაითვლება, რომ რაღაც მნიშვნელობა აქვს რესპუბლიკათშორის საზღვრებს, რისთვისაც ოციან წლებში რუსეთის სისხლი დაიღვარა და რომლებიც თვითნებურად შეიცვალა შემდგომ ათწლეულებში. ყველა რესპუბლიკის საქმეა, რომ ეს პრობლემა ურთიერთშორის გადაწყვიტონ, მაგრამ ასევე პრინციპულია რუსეთის საქმე, ყველა რესპუბლიკასთან დაადგინოს თავისი საზღვრები. ამისათვის არსებობს სახელშეკრულებო აქტები, დაწყებული როგორც მინიმუმში XV საუკუნიდან.

ბუნებრივია, რომ აუცილებლად საჭიროა პროპორციულად გაგანაწილოთ რესპუბლიკებზე ახლანდელი საფალუტო დავალიანება და საზღვარგარეთის ქვეყნების მიერ საბჭოთა კავშირისათვის გადასახდელი ვალეები. ესეც მნიშვნელოვანია იმისათვის, რომ ყველა რესპუბლიკა საფუძვლიანად და ყოველმხრივ მოველინოს სახელმწიფოთა და ხალხთა ახალ მსოფლიო გაერთიანებას.

დასასრულ, ქვეყნის დაცვა ყოველი დამოუკიდებელი სახელმწიფოს ხელშეუვალი უფლება და მოვალეობაა. რუსეთის არმია რუსეთის ტერიტორიაზე უნდა იმყოფებოდეს, ასევე კავშირის შემადგენლობიდან გასული ყოველი რესპუბლიკის საქმეა, რომ შექმნას საკუთარი სამხედრო ფორმირებანი ან საერთოდ არ შექმნას ისინი. მაგრამ ღმერთმა ნუ ქნას, მომ ვალში რუსეთმა რაიმე სამხედრო ხელშეკრულება დადოს ახალ სახელმწიფოებთან — ყოფილ საბჭოთა რესპუბლიკებთან. ეს საფუძვლად დაედება შემდგომ პოლიტიკურ-ეკონომიკურ შანტაჟს, რუსეთის საქმე კი არ არის, განაგრძოს ძველი და უიმედო თამაშები...

ჩემი პროგნოზი არ ითვალისწინებს რუსეთის არსებობას რომელიმე კონფედერაციის შემადგენლობაში, რომელიც არავის „ცენტრის“ გარდა არ სჭირდება...

\* \* \*

მაშ ასე, განვაგრძოთ. რუსეთი მარტო რჩება. აუცილებელი როდია, ამ პროგნოზს ხორცი შეესხას, მაგრამ ის არც იმდენად ფანტასტიკურია, რომ მისი უგულებელყოფა შეიძლებოდეს. აუცილებლად საჭიროა, გავითვალისწინოთ განვლილი გზა და მზად ვიყოთ ასეთ ვითარებასთან ვაჟაკურ შეხვედრისათვის, აგრეთვე ცხოვრების ყველა გარემოებაში მამაცური მოქმედებისათვის.

რუსეთი რჩება მარტო, მაგ-

რამ ხომ არ ნიშნავს ეს იმას, რომ ის გახდება მეორეხარისხოვანი სახელმწიფო, რომელიც ამოვარდება მსოფლიო პოლიტიკის ორკესტრიდან? ძალზე ცდებიან ისინი, რომლებიც ამას ითვალისწინებენ და ვარაუდობენ. რუსეთი რჩება მატერიკად, ევრაზიულ კონტინენტად მთელი ნედლეულის მარაგითა და საწარმოო პოტენციალით, ინტელექტუალური ძლიერებით და, თუ საჭიროა შეხსენება, რაკეტულ-კოსმოსური კომპლექსითა და მოწინავე ტექნიკით აღჭურვილი არმიით. ყოველივე ამის ერთობლიობა მას ტოვებს დიდ სახელმწიფოთა შემადგენლობაში. და ამას კვლავ რომ არ დავუბრუნდეთ, აღვნიშნავ, რომ ახალი რუსეთი უბრალოდ მხედველობაში აღარ მიიღებს თავისი ტერიტორიის საუფლისწულოებად დაყოფის შესახებ ახლა გააქტიურებულ იდეებს. ამისათვის უკვე აღარ ეცლება რუსეთის ხალხსა და მთავრობას.

ძალბმოკრებილი რუსეთი ბოლოს და ბოლოს თვითშემეცნების გზას გაჰყვება და დაინახავს თავის ხალხებს, მათ ბედს, პრობლემებსაც, იმედებსაც. მართლაც, ისე როგორ უნდა დამბრუნდეთ, რომ არ იცოდეთ და არ უწყოდეთ ჩვენი ვოლგისპირელი ძმების ბედი, რომლებთანაც ერთად ჩვენ ასწლეულების განმავლობაში მხარდამხარ ვიცავდით სამშობლოს დამოუკიდებლობას. ან განა ბევრი რამ ვიცით ბაშკირებსა და ყალმუხებზე, რომელთა კავალერია რუსული არმიის სიამაყეს წარმოადგენდა? და რა იციან რუსებმა ალტაელებზე, რომლებმაც თავისთვის, ჩვენთვის და კაცობრიობისათვის შემოგვიანახეს მსოფლიოს ერთ-ერთი უძველესი კულტურა? ახლა ჩრდილოეთის, ციმბირის, შორეული აღმოსავლეთის ხალხების სულიერი სიუხვე, სიკეთე და გულახდილობა — განა გახდნენ კი ისინი ჩვენი საერთო ბედის შემადგენელნი და შევიდა კი მთლიანად მათი სულიერი გამოცდილება რუსეთის საერთო ცხოვრების შინაარსში? აი ჩრდილოეთ კავკასიის ხალხები, თავისი ეროვნული ხასიათი ნარტების ეპოსით რომ შექმნეს, განა ვუგებთ მათ ჩვენ, რუსები, ყოველმხრივ და გულში ჩამწვდომად? დახეთ, მე ჩვენი შიდარუსული ეროვნებათაშორისი პრობლემების მხოლოდ ნაწილი ჩამოვთვალე, მაგრამ ეს ჩამოვთვალე საკმარისია, რომ რუსეთის ცხოვრების მრავალფეროვნება და მისი შეცნობისა და ათვისების მნიშვნელობა დავინახოთ.

ჩვენ გველის მძიმე მუშაობა

სრულიად რუსეთის სამეურნეო კავშირების, ბაზრის აღსადგენად და გლენობის აღდგენად აღორძინება, საჭიროა ცენტრალური რუსეთის, ვოლგისპირეთისა და რუსული ჩრდილოეთის განვითარების პროგრამა. აღორძინდება აქ ცხოვრება — აღდგება რუსეთი, და სწორედ რუსეთის ამ ისტორიულ ცენტრში გადაწყდება სამშობლოს ბედი. ურალის, კუზბასის, ციმბირის მთელი რიგი რაიონების კრიზისული მდგომარეობის დროს კატასტროფა რუსეთის ცენტრში უკვე რეალობაა, და ახლა არ არსებობს უფრო მნიშვნელოვანი ამოცანა, ვიდრე ეროვნული და სახელმწიფოებრივი ცხოვრების სათავეების რეანიმაცია.

დაძაბულობითა და თვითჩადრმავებულობით უნდა ვივარაუდოთ ისტორიული ხსოვნისა და სულიერების აღორძინება. მიუხედავად კულტურულ-ისტორიული დარბევისა, რითაც მდიდარია უკანასკნელი ათასწლეულები, რუსეთმა და მისმა ხალხებმა შექმნეს ისეთი კულტურა და შეიძინეს ისეთი სულიერი გამოცდილება, რომ ისინი გასცდნენ ეროვნულ ჩარჩოებს და საყოველთაო-ისტორიულ მოვლენად იქცნენ. ვიცით მათი მოცულობა და შინაარსი, წარმოდგენილი გვაქვს რუსეთის ხალხებთან მათი დაბრუნების გზები. ჩვენს შეგნებაში მასობრივი კულტურის უსულგულო საცხოველის დაწერგვისათვის მეტროლოგმა როგორადაც უნდა იწინასწარმეტყველონ რუსეთის ჩამორჩენილობა, რუსული კულტურის მსოფლიო მნიშვნელობა უდავოა, და ახალი რუსეთის ამოცანაა, თავისი მოქალაქეები აღზარდოს ამ ეროვნულ-ხალხურ საფუძველზე.

ეროვნულ-სახელმწიფოებრივი ცხოვრების თვითგამორკვევა ახალ პირობებს შექმნის იდეოლოგიური და კონფესიონალური (სარწმუნოებრივი) პროცესების თანაფარდობისათვის. ეს პირობები მოითხოვენ სახელმწიფოებრივი იდეოლოგიის სიცხადეს და არაორაზროვნობას, ისინივე, უთუოდ, ახალ იმპულსს მისცემენ კონფესიების განვითარებას, რაც რუსეთის ხალხების ეროვნულ ბედს განსაზღვრავს. შეიძლება ვივარაუდოთ, რომ რუსებისა და სხვა ხალხებისათვის, რომელთაც თავისი ბედი ქრისტიანობას დაუკავშირეს, მკვეთრად გაიზრდება მართლმადიდებლობის მნიშვნელობა, ხოლო სახელმწიფოსაგან გამოყოფილი რუსული მართლმადიდებლური ეკლესია მორწმუნეთა სულიერი მოძღვრებითა და ათვისებებს შორის თავისი ყოფნით განავითარებს და განამ-

ტკიცებს საზოგადოების ზნეობრივ საფუძვლებს, მით უფრო საჭიროა, ზუსტად განვსაზღვროთ სახელმწიფო იდეოლოგია, რათა მან ხელი შეუწყოს ერთობას რუსეთის ცხოვრების მოწყობის საქმეში და სხვადასხვა კონფესიისა და მსოფლმხედველობის თანაარსებობას.

\* \* \*

ყოველივე ის, რაც ითქვა, კიდევ ერთ პატიოსან დასკვნას მოითხოვს — ჩვენ გველის მძიმე ბედი, დაძაბული შრომა და შეგნებული თვითშეზღუდვა. პირველად არ ხდება ეს რუსეთში, რომელსაც ახსოვს ივანე კალიტას დრო, XVII საუკუნის არეულობა, ომისშემდგომი ყამთა სიავე. გაუძლო მაშინ რუსეთმა, გაუძლებს მომავალშიც, თუ ყველა გაიგებს, რომ უამისოდ ხალხი სრული არ იქნება, რომ ურუსეთოდ მსოფლიო წარმოუდგენელია. „ჩვენ რუსები ვართ, ჩვენ ყველაფერს დავძლევათ“, — უთქვამს დიდ სუფოროვს. დაე იყოს.

რა ვუყოთ დანარჩენ მსოფლიოს? განა ეროვნულ-სახელმწიფოებრივი ქსენოფობია (უცხოელებისა და ყოველივე უცხოურის სიძულვილი) ჩვენი ისტორიული პერსპექტივა გახდება?

არა, რა თქმა უნდა. რუსეთი კვლავაც გულდია იქნება მსოფლიოსათვის, ოღონდაც ეს გულდიაობა თვისებრივად შეიცვლება. ნაცვლად მსოფლიოს იდეოლოგიური ექსპანსიისა, რომელიც ემყარებოდა ეკონომიკურ დოტაციას საკუთარი კეთილდღეობის ხარჯზე, რუსეთი მიბრუნდება მსოფლიოსაკენ თავისი ამოუწურავი სულიერი და კულტურული გამოცდილებით, რასაც თავისუფლად ამოიჩვენს ყველა, ვისაც ის გამოადგება. ის მზად არის, როგორც აღრე, თავისუფალი არჩევით შეითვისოს ყოველივე საუკეთესო სხვა ხალხების კულტურული გამოცდილებიდან. მაგრამ ამიერიდან ის არავის მისცემს იმის ნებას, რომ უკარნახონ მას, თუ როგორ მოიქცეს და რა აკეთოს. საკუთარ სახელს რომ იბრუნებს, ამით რუსეთს უბრუნდება ღირსება და საკუთარი ისტორიული მიზანი.

რუსეთი ერთიანი სულისკვეთებით განიმსკვალა.

„ლიტერატურაია როსია“  
№ 4, 1990 წ.

ნოდარ ზამანაძე

მერჯევის გაუქმებულ და გაბარტახებულ ეკლესიაში ომის წინა წელს თუ შეხვიდოდით, თქვენს ყურადღებას უეჭველად მიიპყრობდა ჭერთან ახლოს კედელზე ნახშირით წარწერილი: „ღღეს აქ ვქეიფობთ ამბროსი, აკაკი, იაკობი, გიორგი და ჭაჭია შამანაძეები. ხვალ კი ჯარში მივიღვართ. უფალო, თუ სადმე ხარ, გზა დაგვილოცე!“

ეს წარწერა მოქეიფე ჭაბუკთა მშობლებს სულ მალე სანანებლად გაუხდათ. ამბროსის მამამ ისღა იღონა, ომის დაწყებისთანავე ეკლესიასთან მიიყვანა იალაღზე ნებივრად გაზრდილი ბულა და უფალს შესწირა, თანაც შესთხოვა: ჩემს უგნურ ბიჭს ცელქობა აპატიე და ფრონტიდან უვნებელი დაიბრუნეო.

თითქოს მსხვერპლშეწირვამ გავკრაო, პავლემ მესამე ღღეს შვილის იმედიანი ბარათი მიიღო.

პირველ ხანებში საქმე მართლაც კარგად მიდიოდა, ჩანთააკიდებული ფოსტალიონი თვეში ორ-სამჯერ მიანც მიაკითხავდა ხოლმე პავლეს და მერე იქიდან გვარიანად შემთვრალ-შეჭიკჭიკებული მოლიინებდა. 43 წლის გაზაფხულზე კი წერილები შეწყდა.

გახსენება

იენისის წყნარი, მზიანი ღღე იყო. მე და ჩემი თანასოფელი ფილიპე ევსევის-ძე ბერიძე წისქვილიდან შინ ვბრუნდებოდით. თოფრაკებით ნახევარ-ნახევარი ბათმანი ფქვილი მოგვქონდა. ივანწმინდა რომ ამოვიარეთ და ქემერტელიძეების შეღმართიცი ამოვათავეთ, ღობის პირას, კაკლის ჩრდილში, ჩვენი სოფლის ფოსტალიონი დავინახეთ, წამოწოლილიყო, მარჯვენა ხელი თავქვეშ ამოედო და ჩასძინებოდა. ჩანთა კი იქვე ელო ცხვირწინ.

— ნეტა, ვის წერილებს ძინავს ახლა იმ ჩანთაში?! — მითხრა ფილიპემ.

— მივიღეთ, ვნახოთ!

ფილიპე შეყოყმანდა. ჩემი თოფრაკი წინ დავუდგი:

— ამას მიმიხედე, მე მივალ!

ფოსტალიონს ფეხაკრფით მივუახლოვდი, დავჯექი შორიასლოს და გავისუსე. რომ დავრწმუნდი ღრმად ძინავს-მეთქი, ჩანთას მივსწვდი, დავითრე და წერილებს გაფაციცებით დავუწყე თვალიერება. სამკუთხა ბარათი მხოლოდ ხუთიოდე აღმოჩნდა. მისამართები გაკრული ხელით იყო დაწერილი და ასოების გარჩევა გაძვირდა. ერთ ბარათზე გვარი და სახელი შედარებით ადვილად ამოვიკითხე. თვალს არ დავუჯერე. ხელახლა წავიკითხე. სიხარულით ხელები ამითრთოლდა, გულმა ბავაბუგი დამიწყო. ის წერილი უბეში ჩავიდე, დანარჩენები კი ჩანთაში ჩავაბრუნე და სწრაფად წამოვდექი. ფილიპე თვალს მადევნებდა. ბარათი უბეში რომ ვიკარი, თურმე ესეც შემამჩნია:

— ვისი წერილი აწაპნე?

სიხარულის დამალვა ძნელი ყოფილა. ვუთხარი. ფილიპემ ხელი წამატანა:

— მანახვე!

— წავიდეთ და განახვებ! — შევპირდი.



ის წინ ვადამიდა: — მანახვე, თვარა ვიყვირებ!

ამოვიღე და ვუჩვენე. თვალი ვერ მოვასწარ, მან ბარათი ისე წამტაცა და გაიქცა. გამოვეკიდე. ორშარაში რომ შევუხვიეთ და ის იყო, უნდა დავწოდი, ფილიპემ ყვირილი გააბა:

— პავლე ბიძია, ამბროსის წერილია, ამბროსისი!..

ასეთი შეძახილი იმ დროს მკვდარსაც კი ფეხზე წამოაყენებდა. ეზოებში ვინც იყვნენ, ყველანი ღობეებს მოაწყდნენ. ზოგი შარავანჯღეც გამოვიდა. გამოჩნდა პავლეც. ჯონზე დაყრდნობილი მოხანხალვდა. ფილიპე ხელში აიტაცა და შუბლზე აკოცა. შევატყვე, ხელები უკანკალებდა. სათვალე ორჯერ გაუფარდა, სანამ მოირგებდა. ბარათი რომ გაშალა, ემცხეთა: რუსულად იყო დაწერილი. დაიწყო კითხვა. ჯერ წამოწითლდა, მერე თანდათან მკვდრის ფერი დაედო და უცებ მოცელილივით ჩაიკეცა. შეიქნა წივილი-კვილი, გადაძახილ-გადმოძახილი. განსაკუთრებით კატუშა იფოფრებოდა, პავლეს პატარა გოგო. მივიხედ-მოვიხედე, ფილიპე აღარ ჩანდა, წყალი რომ მოარბენინეს და გულწასულს ასხურეს, დრო ვიხელთე და მეც გამოვიძირწე, ცოცხალ-მკვდარი გავუყევი გზას შინისაკენ.

იმ ბარათის ამბავი კი მთელ სოფელში მეხივით გავარდა იმ ღღესვე. უფროსი ლეიტენანტი, გვარად რიაზანოვი ფრონტიდან იწერებოდა: „ვერაგი ფაშისტის ტყვიამ ხელიდან გამომაცალა ერთგული ძმა და მეგობარი ამბროსი პავლეს-ძე. ჩემი ხელით გავუთხარე საფლავი და მივაბარე კურსკის მიწას. შეგიძლიათ იამაყოთ სამშობლოსათვის თავდადებული შვილის უკვდავი სახელითო“.

კიდევ გახსენება

1970 წლის ორ სექტემბერს თბილისში, შაორის რესტორანში, ვისხედით მე, ფილიპე ბერიძე — უკვე ცნობილი კრიტიკოსი და მთარგმნელი, მისი ძმა ადამი — სოფლის მეურნეობის მეცნიერებათა კანდიდატი და ანზორი — ადამის ვაჟიშვილი. იმ ზაფხულს ანზორი ინსტიტუტში ჩაირიცხა და ამ სასიხარულო ამბის აღსანიშნავად შევიკრიბეთ.

თამადა მე ვიყავი. კარგად რომ შევზარხოშდით, ფილიპემ ჭიქა აიღო და სრულიად მოულოდნელად პავლე შამანაძის შესანდობარი წარმოთქვა. საიდან სადაო, მხრები აიჩეჩა ადამმა და გაიცინა. მეც გავიციინე. ფილიპეს ასეთ შემთხვევაში უცარი აფეთქება სჩვეოდა, ახლა კი მშვიდად ვადმოგვხედა და ნაღვლიანი ხმით გვითხრა:

— წუხელ პავლე დამეხიზმრა. თავის ჭიშკარს მოყრდნობოდა და გზისკენ წაიქცა რებოდა. რომ დამინახა, გამიცინა, თანაც ხელი დამიქნია. მე რამდენიმე წამიჯიწინ წავდგი და შევჩერდი. მოდი, მოდი, რაღას უყურებო, მიყვირა და ჭიშკრიდან გადმოიწია. მივედი თუ არა, აღარ მახსოვს... რომ გამომეღვიძა, ისევ მისი ხმა ჩამესმოდა ყურში...

ფილიპე იმ დამეს ტრაგიკულად დაიღუპა, პავლემ ფიქრიც თან გაიყოლა.

რა ბედი ეწიათ იმ ბიჭებს, ამბროსისთან ერთად მერჯევის სასაფლაოზე რომ იქეიფეს და თავიანთი ვინაობა ეკლესიის კედელზე ნახშირით მიაწერეს? ჭაჭია ილიკოს-ძე შამანაძე ომის წინ ლვოვში იმყოფებოდა. მის შემდეგ, რაც იქ სოლომ-გომორობა გამეორდა, ჭაჭიასი ვერც ავიგვის და ვერც კარგი. ჩაიარა უკვალოდ გულანთებული ჭაბუკის სიცოცხლემ. ხოლო მისმა ძმამ გიორგიმ ყირიმის მიწაში ჰპოვა სამუდამო განსასვენებელი. იაკობ და აკაკი ფილიმონის-ძე შამანაძეებსაც ბიძაშვილების ხვედრი ხვდათ. ორივენი ქერჩში იბრძოდნენ და მტერთან შეტაკებისას დაიღუპნენ. ჯერ აკაკის „შავი ქალაქი“ მოვიდა, მერე — იაკობისა.

ფილიმონსა და ილიკოს კიდევ ჰყავდათ ბიჭები, რომლებიც ომის ქარიშხალს გადაურჩნენ, დაცოლშვილდნენ, გამრავლდნენ. პავლე კი კატუშას იმედითლა სულდგმულობდა. გადაწყვიტა, აღრიანად დაეოჯახებინა. სასიძოც მალე გამოჩნდა — არგვეთელი ყორა ბაზაძე.

სასიმამრომ ყორას ულტიმატუმივით წაუყენა: გოგოს იმ პირობით მოგათხოვებ, პირმშოს მე თუ მომცემ, შამანაძედ გამაზრდევინებ და, ამგვარად, მოღმას და წარმომავლობას შემანარჩუნებინებო. სასიძო დასთანხმდა. გაუმართლათ, კატუშას ბიჭი ეყლა. ნუგზარი დაარქვეს, პავლეს მამის სახელი.

პავლემ სიცოცხლის ბოლო წლები შედარებით მშვიდად გაატარა. ხუმრობა ხომ არ იყო, აღმასივით ბიჭი ეზრდებოდა, მე-მკვიდრეს სტოვებდა.

გავიდა წლები. „წინაპართაგან წავიდა ყველა...“ ომი რომ დამთავრდა, პავლეს დიდხანს აღარ უტოცხლია. მას მეუღლეც მალე მიჰყვა. მოულოდნელი ყორას გარდაცვალება იყო. უეცრად ვახდა ავად, ექიმის მოყვანაც ვერ მოასწრეს. კატუშამ ქმრის სიკვდილს ვერ გაუძლო, მალე ისიც მიწას მიაბარეს.

ნუგზარ ყორას-ძე შამანაძე სანაქებო ვაჟაკი დადგა, შრომა-გარჯით თავი ისახელა, ბაბუის დანატოვარ ოჯახს სახელიც შემატა და დოვლათ-ბარაქაც. მეუღლეც გამრჯე და ხელგამომავალი გამოადგა, უკვე სამი შვილის დედაა, ერს და ქვეყანას მომავალს უზრდის.

ამას წინათ პავლეს ეზო-კართან გავიარე. ჭიშკრის წინ ხუთიოდე წლის ბუთხუზა ბიჭუნა იდგა.

— ვისი ხარ, ვაჟაკე? — ვკითხე.

— ნუგზარ ბაზაძის.

— ბაზაძის თუ შამანაძის?

— ნუგზარ ბაზაძის, — გამიმეორა თითქოს ჯიუტად. გავვოცდი დედაბერს გადავხედე მოპირისპირე ეზოში, ჩვენსკენ რომ იყურებოდა. მივესალმე და ნუგზარზე სიტყვა ჩამოვუვდე. მან წარბები შეკრა და ნაღვლიანად მიპასუხა: ნუგზარმა ყორას მიერ სიმამრისადმი მიცემული სიტყვა გატეხა, შამანაძეობა უარყო და ბაზაძეობაზე გადავიდაო.



# ალგეთი

შალვა ამინაშვილი საქართველოს სსრ სახალხო განათლების სამინისტროს საამ-  
შენებლო-სარემონტო სამმართველოს მუ-  
შაა. ათეული წლები აქვს გატარებული  
ფიზიკურ შრომაში და მაინც ლიტერატუ-  
რის სიყვარულით ცხოვრობს ამჟვეყნად.  
ახალგაზრდობაში საბავშვო მოთხრო-  
ბებს აქვეყნებდა. პერიოდულ პრესაში და-  
ბეჭდილია მისი ლიტერატურული წერი-  
ლები. მთელი სიცოცხლე წიგნებს აგრო-  
ვებს. ამიტომ მოიყარა მის ბიბლიოთეკაში  
თავი 18000 წიგნმა, უამრავმა პერიოდუ-  
ლმა გამოცემამ. ბოლო წლებში ქართული  
მწერლობის ენციკლოპედიურ ლექსიკონ-  
ზე მუშაობს. შედგენილი აქვს ორიათასი  
მწერლის ბიოგრაფია და ბიბლიოგრაფი-  
ული ცნობები (მეხუთე საუკუნიდან დღე-  
მდე).

იგი განსაკუთრებით მივიწყებულ სახე-  
ლებს ეძებს, ცდილობს, შუქი მოაფინოს  
იმ ადამიანთა შემოქმედებას, რომელთაც  
გარკვეული კვალი დატოვებს ჩვენს ხალხის  
სულიერ ცხოვრებაში.

შეთხველს ვთავაზობთ შალვა ამინაშ-  
ვილის თვალსაზრისს ტაპონიმ „ალგეთის“  
თაობაზე.

ტაპონიმოგრაფია საკმაოდ რთული მეცნიე-  
რებაა და ადვილად არ ექვემდებარება ზე-  
რელე ანალიზსა და ჰაიპარა დასკვნებს.  
არც ზეპირი გადმოცემების ნდობა შეიძ-  
ლება ყოველთვის, რადგან იგი ზოგჯერ  
ძველთაძველი რომ გვგონია, სინამდვილე-  
ში ვინმე დილეტანტის ნააზრევია მხოლოდ.  
სავალალოდ სწორედ ეს დილეტანტური  
მოსაზრებები ვრცელდება და მკვიდრდება  
სწრაფად.

ალგეთის ხეობაში გავრცელებულია  
სრულიად ყალბი და მცდარი მოსაზრება,  
თითქოს მდინარე ალგეთს ეს სახელწოდებ-  
ა თათრებმა დაარქვეს და ნიშნავს „აიღე  
და წადი“. არ არის ეს მართალი და, რაც  
მთავარია, შეურაცხყოფს ჩვენს ეროვნულ  
თავმოყვარეობას.

ამ ყალბი მოსაზრების მომხრეებს ავი-  
წყდებათ ან არ უწყიათ, რომ მდინარე ალ-  
გეთს — ალგეთი ერქვა მაშინაც კი, როცა  
თათრები (ოსმალები) სულაც არ არსებო-  
ბდნენ ჩვენს მეზობლად და ჩვენთან არც  
მტრობა შეეძლოთ და არც მოყვრობა. თანა-  
მედროვე თურქეთის ტერიტორიაზე ოსმა-  
ლების წინაპრები — ოღუზები დასახლდ-  
ნენ XI საუკუნეში, ხოლო საქართველო-  
ში შემოსევებს ისინი XV საუკუნიდან იწყე-  
ბენ (იხ. ქართული საბჭოთა ენციკლოპე-  
დია, ტ. 5, გვ. 12-13). მდინარე ალგეთს კი  
სახელწოდება „ალგეთი“ მოჰყვება მთელი  
ათასწლეულებით, ადრე, ვიდრე საქართვე-  
ლოში თურქეთის შემოსევები დაიწყებო-  
და. ამის დასამტკიცებლად რად ღირს მარ-  
ტო ამირანის ეპოსი: „აღმა ამირან წავი-  
და, ამირან და ძმანი მისნი, ცხრა მთა გა-  
დაიარეს და მეათენი ალგეთისნი“. ამირა-  
ნის ეპოსი კი, როგორც გამოჩენილი ისტო-  
რიკოსები, მკვლევარები, მეცნიერები და  
მწერლები (ივ. ჯავახიშვილი, შალვა ნუცუ-  
ბიძე, პავლე ინგოროყვა, კორნელო კეკე-  
ლიძე, მიხეილ ჩიქოვანი, დემნა შენგელია)  
ერთხმად ადასტურებენ. შექმნილია ანტი-  
კურ ხანაში. ქრისტიანობამდე დიდი ხნით  
ადრე. ამ მკვლევარებს ზურგს უმაგრებთ  
ძველი ბერძენი ისტორიკოსის ქსენოფონ-  
ტისაგან და ბერძენი პოეტის აპოლონიოს

როდოსელისაგან მომდინარე ცნობებიც  
ამირან-პრომეთეს შესახებ.

ვახუშტი ბატონიშვილის შრომაში „ალ-  
გეთის სამეფოსა საქართველოსა“, ნათქვა-  
მია: „კლდეკარი აღაშენა ლიპარიტ ბა-  
ლუაშმან (IX საუკუნე. შ. ა.) და არს მა-  
ლალს მთის კლდესა ზედა ციხე. ამ მთას  
გამოსდის ალგეთი. არა არს უწყებულ-  
რით ეწოდა ალგეთი“. („ქართლის ცხოვ-  
რება“. ტ. IV. 1973 წ. გვ. 325). ამრიგად,  
ვახუშტთან არ დასტურდება ალგეთის სა-  
ხელწოდების თათრული წარმომავლობა  
და გავრცელებული მოსაზრება მცდარია.

თამარ მეფის ისტორიკოსი თავის თხზუ-  
ლებაში, რომელსაც „ისტორიანი და აზმა-  
ნი შარავანდედთანი“ ჰქვია, ახსენებს ალ-  
გეთის ხეობას. „ალგეთის პირს“: „დიდთა  
ლაშქართა შემყრელნი დადგეს დახოთა  
შინა, რომლისა სიმრავლითა აღივსნეს  
მტკუროს პირი, ალგეთის პირი, კციის პი-  
რი და ქურდვაჭრის პირი, ესე ოთხივე  
მდინარენი ტფილისით ყარჩლამდის“ („ქე-  
რთლის ცხოვრება“, ს. ყაუხჩიშვილის რე-  
დაქციით. 1855 წ. ტ. II; გვ. 64).

თუ იმასაც გავითვალისწინებთ, რომ  
ესპანეთის ბასკეთშიც, რომელიც ქართ-  
ველების მონათესავე ტომად ითვლება,

ყოფილა ტაპონიმი „ალგეთი“. მაშინ უბ-  
და ვერწმუნოთ, რომ მდინარე ალგეთის  
სახელწოდება მომდინარეობს მრავალ-  
ათასი წლის წინა დროიდან.

საქმეში ჩაუხედავები თურქულ სიტყვა  
„გეთ“-ს ეჭიდებიან, იმას კი ვეღარ ითვა-  
ლისწინებენ, რომ „გეთი“ და „ეთი“ სოფ-  
ლის, ადგილმდებარეობის, ქვეყნის და  
სხვა ტაპონიმების ჩვეულებრივი, წმინდა  
ქართული დაბოლოებაა და სადაურობის  
მიმთითებელია. საქართველოში ხომ ტაპო-  
ნიმების დაბოლოების ყველაზე გავრცე-  
ლებული ფორმაა „ისი“ და „ეთი“.  
„ისი“-თ ბოლოვდება: „თბილისი, კრწანი-  
სი, ბოლნისი, დმანისი, კლდეისი, დელისი,  
წავკისი, კუმისი, ნიჩბისი, მანგლისი, ფარ-  
ცხისი, შინდისი და სხვა. გაცილებით მე-  
ტია, უთვალავია „ეთი“-თ დაბოლოებული  
ტაპონიმები: თიანეთი, ზომლეთი, ზვედუ-  
რეთი, არგვეთი, აჯამეთი, თელეთი, დუშე-  
თი, თონეთი, გომარეთი, კიკეთი, გოლთე-  
თი, წყნეთი, ბურნაშეთი, ბესლეთი, ბარალე-  
თი, კარალეთი, ასურეთი და უამრავი სხვა.  
ასეთივე დაბოლოება აქვს ქართულად მთელ  
რიგ ქვეყნებს, მხარეებს, კუთხეებს, სახე-  
ლმწიფოებს: კახეთი, იმერეთი, ჯავახეთი,  
სვანეთი, არაბეთი, ინდოეთი, უზბეკეთი,  
სომხეთი, მოლდავეთი, ალბანეთი, ჩინე-  
თი, რუმინეთი, პოლონეთი, უნგრეთი და  
ა. შ. აქ „ეთი“-ა მთავარი და არა „გეთი“-  
თუკი გვაქვს „ბეთი“ (არაბეთი), „კეთი“  
(ტაჯიკეთი), „ზეთი“ (ყირგიზეთი), „ქეთი“  
(თურქეთი), „ნეთი“ (საბერძნეთი), „ვეთი“  
(ქაშვეთი), „ლეთი“ (ბაზალეთი), „ხეთი“  
(ქვიშხეთი) და სხვა, რატომ არ უნდა  
გვქონიყო „გეთი“ (დაბოლოებული ტაპო-  
ნიმები: ალგეთი, ოზურგეთი, ენაგეთი, ინ-  
გეთი (ახმეტის რაიონშია), საფრანგეთი და  
და სხვა.

ამრიგად, აშკარად მცდარი და წინდაუ-  
ხედავია იმათი მოსაზრება, ვინც ალგეთს  
თათრულ წარმომავლობასთან აკავშირებს.



# უცხოპლანეტულნი და კაცობრიობა

კაცობრიობის განვითარებაში უცხოპლანეტელების მონაწილეობის (არქეოასტრონავტული) თეორიის პირველი ნაწილი — იდეა უცხოპლანეტელების არსებობისა, მრავალი საუკუნის წინათ ჩამოყალიბდა. რომელი პოეტი და ფილოსოფოსი ტიტუს ლუკრეციუს კარუსი თავის ლექსში „საფანთა თვისებების შესახებ“ წერდა სხვა პლანეტებზე მცხოვრები სხვაგვარი ადამიანებისა და ცხოველების არსებობის შესახებ. თუმცა იგი პირველი არ ყოფილა. სხვა პლანეტებით უაღრესად იყვნენ დაინტერესებულები ანტიკური ხანის მოაზროვნეებიც. კომპონიის, ჯორდანო ბრუნოს რეველუციური იდეები სამყაროს აგებულების და განსაკუთრებით უცხოპლანეტელების არსებობის თაობაზე განავრცეს რაციონალიზმმა ფილოსოფოსებმა ვოლტერმა და კანტმა. XIX საუკუნეში უკვე სერიოზულად მსჯელობდნენ მთვარესა და მარსზე სიცოცხლის არსებობაზე. ეს ტენდენცია ლიტერატურაშიც აისახა. მაგალითად, ნერუდას „კოსმოსურ სიმღერებში“.



ნებს მრავალი ქვეყნის იმ საზოგადოებებს, რომლებიც ცდილობენ, დაამტკიცონ უცხოპლანეტელების გავლენა ცივილიზაციის განვითარებაზე.

ვან დენიკენის თეორიის ძირითადი პოსტულატებია:

- ა) უსხოვარ დროში დედამიწას რამდენჯერმე ესტუმრნენ უცხოპლანეტელები;
- ბ) უცხოპლანეტელებმა ხელოვნური მუტაციის გზით ჰუმანოიდის სახე მისცეს დედამიწის მაშინდელ მობინადრეებს;
- გ) უცხოპლანეტელების ვიზიტები დედამიწაზე აისახა უძველეს რელიგიებში, რიტუალებში, ლეგენდებში, ზღაპრებში, აგრეთვე საკულტო საგნებსა და ნაგებობებში.

ამ მოსაზრებების პირდაპირი დამამტკიცებელი საბუთი ჯერაც არ არის მიგნებული. მაგრამ ერის ვან დენიკენი თვლის, რომ უცხოპლანეტელებს კარგად ესმოდათ, თუ რა საშიშროებები ემუქრებოდა (მიკროორგანიზმები, დრო, კატაკლიზმები, ომები, ცვლილებები ადამიანების მსოფლმხედველობაში) მათ მიერ დატოვებულ კვალს და ამიტომ, თავიანთი ნიშნები „გადაინახეს“ ადამიანის გენში, მეზობელ „მკვდარ“ პლანეტებზე (კლდოვანი წარმონაქმნები კვლერის კრატერში, ლუბნიცის კრატერის პირამიდები მთვარეზე, მარსის პირამიდები), ჩამწერ სატელიტებში ჩვენს გალაქტიკაში, რომლებიც აღნუსხავენ დედამიწიდან წამოსულ სატელევიზიო და რადიო გადაცემებს, ასტეროიდების სარტყელში (ფრანგი მეცნიერის მიშელ პაპაგანისის თეორია), ატომურ აფეთქებებში (ინგლისელი ასტრონომის ლუნკან ლუნანის თეორია) „დააკოდირეს“ ადამიანის ნახელოვნი (შენდობის გუმბათი ისრაელში, ქალაქ აქსუმის ნაშთები მარიანის კათედრალის ქვეშ ეთიოპიაში, მუსულმანთა წმინდა ქვა ქაბაში, ჯიმუს დინასტიის ლითონის სარკეები იაპონიაში და სხვა).

დენიკენის აზრით, ყველა ამ მოვლენას აერთიანებს ერთი საერთო ნიშანი — მათ ყველას ძებნა სჭირდება! მართლაც

დედამიწის ორი მესამედი წყლითაა დაფარული, ნაწილი უდაბნოებით, გაუფალი ტყეებით, ყინულით, თითქმის არაფერი ვიცით კოსმოსზე.

სწორედ უცხოპლანეტელების კვლის ან მემკვიდრეობის მისაგნებად შეიქმნა სპეციალური პროექტები: უცხოპლანეტელ ცივილიზაციათა და უცხოპლანეტელთა ნარჩენების ძიება.

კაცობრიობის განვითარებაზე უცხოპლანეტელთა გავლენის თეორიის მიმდევრებმა თავიანთი დამამტკიცებელი არგუმენტები გაანაწილეს რამდენიმე ჯგუფში (ადამიანები, ბუნება, ხელოვნების ნიმუშები, ლეგენდები და ა. შ.). პირველ ჯგუფში თავმოყრილია ცნობები უძველესი ცივილიზაციების არსებობასა და იმ ბუნებრივ კატაკლიზმებზე, რომლებმაც ეს ცივილიზაციები ალგავეს პირისაგან მიწისა.

XIX საუკუნეში სორბონის უნივერსიტეტის ბუნებისმეტყველებისა და ანატომიის ფაკულტეტის პროფესორმა ჯორჯ ლეობოლდ დე კუვემ თავის ნაშრომში „დედამიწის ზედაპირის გლობალური ცვლილებების შესახებ“ ჩამოაყალიბა ახალი თეორია კონტინენტების და სიცოცხლის წარმოშობაზე. კუვეს აზრით, დედამიწაზე ცივილიზაციის რამდენიმე ეტაპი არსებობდა, ყოველი მომდევნო წინამორბედზე უფრო განვითარებული იყო და ისინი განადგურდნენ ბუნებრივი კატაკლიზმების შედეგად. ასეთი კატაკლიზმა რამდენიმე მოხდა. უკანასკნელია ბიბლიური წარღვნა.

თეორიას კატაკლიზმებზე ბევრი მიმდევარი გამოუჩნდა. მათ შორის ყველაზე ცნობილია ამერიკელი მკვლევარი იმანუელ ველიკოვსკი. მან გააერთიანა ასტრონომიული, გეოლოგიური, ისტორიული და მითოლოგიური მონაცემები კატაკლიზმების შესახებ და მივიდა დასკვნამდე, რომ 3500 წლის წინათ პლანეტა ვენერა ძალიან მიუახლოვდა დედამიწას (ეს თარიღი ემთხვევა ებრაელების გადასახლებას ეგვიპტელთან), აზვირთებულმა წითელმა ზღვამ წაღვეა ეგვიპტე; 52 წლის შემდეგ ვენერა კვლავ მიუახლოვდა დედამიწას, გადახარა მისი ლერძი, რის გამოც მზე აღარ ჩადიოდა (ეს აღწერილია ძველ აღთქმაში). გავიდა საუკუნეები, ვენერამ შეცვალა მარსის მოძრაობის ტრაექტორია, ახლა მარსი მიუახლოვდა დედამიწას, რასაც ახალი გლობალური ცვლილებები მოჰყვა.

არსებობს სხვა, მეტ-ნაკლებად განსხვავებული თეორიები კატაკლიზმების შესახებ. ყველაზე გავრცელებული ასეთი თეორიის ავტორები არიან ინგლისელი მწერალი, მკვლევარი უოლტერ რამონდ დრეიკი და ამერიკელი ენათმეცნიერი,

XIX საუკუნეშივე განვითარდა არქეოასტრონავტული თეორიის მეორე შემადგენელი ნაწილი — იდეა კაცობრიობაზე უცხოპლანეტელების გავლენის შესახებ. იგი გამოთქვა ინგლისელმა მწერალმა ჰერბერტ უელსმა რომანში „სამყაროთა ბრძოლა“ (გამოცა 1894 წელს), სადაც აღწერილია მარსელების თავდასხმა დედამიწაზე.


არქეოასტრონავტული თეორიის ჩამომყალიბებლად ითვლება ამერიკელი შარლ ჰოი ფორსტი. მან ოთხ სტელტანიან წიგნში მოუყარა თავი ზღვა მასალას, რომლითაც ფაქტობრივად ადასტურებდა თავის თეორიას. ფორსტის თეორიის ძირითადი იდეა ის იყო, რომ დედამიწა და მისი მცხოვრებლები უცხოპლანეტელთა თვის საცდელი ტერაროუმში თუ ლაბორატორიაა.

ფორსტმა 1931 წელს დაარსა ჟურნალი (ეს ჟურნალი დღემდე გამოდის შეცვლილი სახელწოდებით „ექვები“), რომელსაც წაუშდლვარა სიტყვები: „დაიცავით მეცნიერება მეცნიერებისაგან“.

ფორსტის თეორიას იზიარებდა ცნობილი ფრანგი ფიზიკოსი და ქიმიკოსი ჟაკ ბერეჟე. იგი შეეცადა, უცხოპლანეტელთა კვლავ დედამიწაზე არქეოლოგიაში, რელიგიაში, მისტიკურ მოვლენებში მოენახა. ინტერესის ახალი ტალღა გამოიწვია დესმონდ ლესლის და ჯორჯ ადამსის წიგნმა „მფრინავი თევზები დაეშვნენ“ წიგნი გამოვიდა 1953 წელს და დააკანონა ტერმინი VFO (ამოუცნობი მფრინავი ობიექტი).

XX საუკუნის 60-იანი წლების ბოლოს არქეოასტრონავტული თეორიის საბოლოო ვარიანტი ჩამოაყალიბა ერის ვან დენიკენმა წიგნში: „მოგონებები მომავალზე“ (გამოცა 1968 წელს).

დენიკენის მცდელობა დაავიროვნა ამერიკელმა იურისტმა გენე ფილიპსმა, რომელმაც 1937 წლის 14 სექტემბერს, ჩიკაგოში, ჩამოაყალიბა წარსულის კოსმონავტიკის ჰემისწავლელი საზოგადოება. დღეისათვის მსოფლიოს ეს უდიდესი და უმნიშვნელოვანესი ცენტრი აერთიან-



ანთროპოლოგი როჯერ უილიამს უესკოტი. მათი თეორია ეყრდნობა უძველეს ლიტერატურას, არქეოლოგიურ მონაპოვრებს და ამიტომ ითვლება იგი ერთ-ერთ ყველაზე სრულყოფილ თეორიად კატაკლიზმებზე.

დედამიწის გარსის გაციებიდან ორისამი მილიარდი წლის შემდეგ ხმელეთი ერთ მთლიან კონტინენტს — პანგეას წარმოადგენდა. მას გარს, ერთკა ასევე ერთადერთი ოკეანე — პანტალასა. ლითონფეროში მიმდინარე ცვლილებების შემოქმედებით პანგეა ორ ნაწილად გაიყო. მათ შუა გაჩნდა პირველი ხმელთაშუა ზღვა — ტეთისი. ტეთისის ჩრდილოეთით აღმოჩნდა კონტინენტი ლაურასია — დღევანდელი ჩრდილო ამერიკა, ევროპა, ჩრდილო და შუა აზია, სამხრეთით გონდვანა — დღევანდელი სამხრეთ ამერიკა, აფრიკა, ანტარქტიდა, ინდოეთი, ავსტრალია. უძველესი ლეგენდების თანახმად, დედამიწაზე პირველი ცივილიზაცია აღმოცენდა შორეულ ჩრდილოეთში გაცილებით ადრე, ვიდრე იგი ყინულოვან უდაბნოებად იქცეოდა. ადამიანის ღვთიური წინაპრები ზეციდან „ღმერთთა მიწაზე“, „უკვდავების კუნძულზე“ ჩამოვიდნენ, მოგვიტრბობენ ლეგენდები და ეს იმას მოწმობს, რომ დედამიწაზე პირველი ჰუმანოიდები უცხოპლანეტელები იყვნენ.

ცივილიზაციის მეორე ციკლში ადამიანები ცხოვრობდნენ კონტინენტ ჰიპობორეაზე, იქ, სადაც მზე არასოდეს ჩადიოდა. აპოლონი თეთრგედებშებმული ეტლით ხშირად ესტუმრებოდა ხოლმე ჰიპობორეალებს, რაც შეიძლება საპლანეტთაშორისო ხომალდის სიმბოლოდაც ჩაითვალოს. ლეგენდები გადმოგვცემენ, რომ ისინი იყვნენ ახოვანნი, მბრწყინავ ტანსაცმელში გამოწყობილნი, ჰქონდათ ქერა თმა, თეთრი კანი და ცისფერი თვალები. ეს ადამიანები თეთრი რასის წინამორბედები არიან. როცა მზემ შეიცვალა მდებარეობა, დედამიწის ღერძი გადაიხრა და აყვავებული უკვდავების კუნძული უდაბნოდ იქცა.

კაცობრიობის მესამე თაობა ჩაისახა კონტინენტზე, რომელსაც ოკულტისტები უწოდებდნენ ლემურას ან მუს. იგი ჰიპალაებიდან ავსტრალიამდე და ამერიკიდან ფილიპინებამდე იყო გადაჭიმული. პირველი ლემურიელები, ნახევრად ადამიანი გიგანტები, ტროპიკულ ტყეებში ცხოვრობდნენ. კანიონში ჰავაი სუბაი ჰავაის კუნძულებზე მიაგნეს კლდის ნატეხს, რომელზედაც გამოსახულია მამონტს შერკინებული გიგანტური ადამიანი. კალიფორნიაში აღმოაჩინეს ოთხი მეტრის სიმაღლის გოლიათის ძვლები, რომელსაც ფეხზე ექვსი თითი ჰქონდა. ეს მიგვანიშნებს იმას, რომ მრავალი მილიონი წლის წინ დედამიწაზე ცხოვრობდნენ უძველესი რასის ადამიანები ან უცხოპლანეტელები.

დიდი თეთრი კუნძული მასზე გაშენებული ფანტასტიკური ქალაქით — შამბალა, მდებარეობდა უდიდესი ტბის შუაგულში. ეს ტბა ვაწოლილი იყო ჰიპალაებიდან ავსტრალიამდე. მისი ფსკერია დღევანდელი გობის უდაბნო. გობის ჩინელები პან-ჩაის, დამშრალ ზღვას უწოდებენ. შამბალა მსოფლიოს სასულიერო კულტურის ცენტრი იყო. ღვთის ქერათმიანი შვილები — განმანათლებლები, ჯადოქრები, პლანეტა ვენერას მკვიდრნი

ყოფილან, უძველესი ინდური ტექსტები, რომლებიც სანსკრიტამდე დაიწერა და შემდგომ ითარგმნა, მოგვითხრობენ შამბალელ ღმერთ-კაცებზე. მაგიური სახელები სვეტადევა (წმინდა მიწა), ჰირადევა (ოქროს მიწა), სპარსული შანამე (მეფეთა წიგნი) მიგვანიშნებენ ცივილიზაციის არსებობაზე, რომელსაც შემერები იხსენიებენ სახელით — დილმუნი და ტიბეტელები ეპოსში „ბარდო ტოდოლო“. ტიპურ ლემურიელს ჰქონდა უზომოდ დიდი თავი, ბრტყელი შუბლი, შუბლზე კი თხლისოდენა გამონახარდი (მას მესამე თვალსაც უწოდებენ), რომელსაც ისინი იყენებდნენ ტელეპათიისთვის. მესამე თვალი გამოხატავდა კოსმოსური კავშირისათვის აუცილებელ მეექვსე გრძობას. ეს გრძობა დღევანდელ ადამიანს ძილშია შემორჩენილი. ლემურიელები პლანეტა ვენერიდან ჩამოსული მასწავლებლების დახმარებით სწავლობდნენ ვიბრაციულ ძალებს, შექმნეს მზისა და კოსმოსური ენერჯით მომუშავე რადიოტექნიკა, იყენებდნენ ელექტროენერჯიას, ფლობდნენ ნახევარგამტარებს და ლაზერს. მათ ნათურებში არასოდეს ქრებოდა ცივი სინათლე. ლემურიელებმა იგრძნეს კატასტროფის მოახლოება და თავიანთი ცოდნა გაუზიარეს ატლანტიდელებს. ამერიკაში, ინდოეთსა და ჩინეთში გაავრცელეს თავიანთი კოსმოსური მოძღვრება, რომელიც მოგვიანებით ადამიანებმა რელიგიად აქციეს.

ატლანტიდა ყოველთვის იყო მიუწვდომელი, იდუმალებით მოცული ცივილიზაციის სიმბოლო. თუმცა ბრწყინვალე სასახლეების, ტაძრების, უძველესი ფლოტის, არმიის, ატლანტიდელი ქალებისა და კაცების კვალი დღესაც მიუგნებელია. ლეგენდების თანახმად, ერთი მილიონი წლის წინათ დიდების ზენიტში მყოფი ატლანტიდის საზღვრები მოიცავდა ტერიტორიას ისლანდიიდან სამხრეთ ამერიკამდე. არსებობს რუკები, რომლებიც გვიჩვენებენ, თუ ამ კონტინენტიდან როგორ დარჩა სხვადასხვა ბუნებრივი კატაკლიზმების შედეგად რვაასი ათასი წლის წინ მხოლოდ ორი კუნძული — რუტა და დაიტია. ოთხმოცი ათასი წლის წინანდელი გლობალური გეოლოგიური ცვლილებების შემდეგ გადარჩა მხოლოდ რუტის ნაწილი — პოსეიდონისი, რომელიც ასევე ჩაიძირა 9564 წ. ჩვ. წ. აღრიცხვამდე. მაშინ ბრიტანული კუნძულები ევროპის, საპარა კი ატლანტის ოკეანის ნაწილს შეადგენდნენ. თავიდან ატლანტიდელები ცხოვრობდნენ დღევანდელი მექსიკის ტერიტორიაზე.

გარეგნობით ისინი ძველ ბერძნებს ჰგავდნენ. მათ ჰქონდათ უაღრესად განვითარებული ფსიქიკა, ფლობდნენ სულიერი და მენტალური ძალებს. ატლანტიდას მართავდნენ მეფე-ქურუმები თეოკრატიული მეთოდებით. ასეთი საზოგადოებრივი წყობა შემდგომ გავრცელდა ეგვიპტეში. ატლანტიდელების კოსმოსური რელიგიით სიკვდილი ნანატრი მოსვენების, სულიერი ამაღლების სიმბოლო იყო (ქრისტიანობა ჯერ სად იყო!?). პლატონი თავის დიალოგებში მოიხსენიებს თავის წინაპარს სოლონს, ძველი საბერძნეთის შვიდი ბერძნიდან ერთ-ერთს. მას 600 წელს ჩვ. წ. აღრიცხვამდე უმოგზაურია ეგვიპტეში. ქალაქ საისში იგი შეხვედრია ძველ ამბავთა ჟამთააღმწერლებს.

ჟამთააღმწერლებს მოუყოლიათ ჩაძირული კუნძულიდან ლტოლვილები, რომლებიც აცხადებს, რომ 310 წელს ჩვ. წ. აღრიცხვამდე ეგვიპტეში უნახავს სვეტი, რომელზედაც ამოტვიფრული იყო ჩაძირული ატლანტიდის ისტორია. ატლანტიდელები აგებდნენ გაუგონარი სილამაზის სასახლეებს, გზებს, ნავსადგურებს, პირამიდებს, ქმნიდნენ გენიალურ ტექნიკურ შედეგებს, განსაკუთრებით ბრწყინვალე ყოფილა პოსეიდონის და კლეიტოს ტაძრები.

ტაძრებისკენ მიმავალი გზა თუჯით მოკირწყლული, გუმბათები კი სუფთა ოქროსაგან გამოკვეთილი. ლეგენდების თანახმად, ატლანტიდელებს ჰქონდათ მფრინავი აპარატები, ფოტო და ვიდეო-მოწყობილობა, იცნობდნენ რენტგენის სხივებს, ლაზერს. ფლობდნენ საშინელი ძალის კოსმიურ იარაღს. დაახლოებით ათი ათასი წლის წინათ ქრისტეს შობამდე კუნძული ვულკანმა გაანადგურა. იმასაც ამბობენ, რომ ბერძნული სამკუთხედში თვითმფრინავების და გემების გაქრობის მიზეზი ის რადიაციოა, რომელსაც ასხივებს კუნძულთან ერთად ჩაძირული ატლანტიდების რადიაციული კრისტალი.

გასულ საუკუნეში ჰანს შინდლერ ბელამა წამოაყენა ჰიპოთეზა, რომ ატლანტიდა ჩაძირა უზარმაზარმა ტალღებმა, რომლებიც გამოიწვია დედამიწის გრავიტაციულ ველში მთვარის მოხვედრამ.

მკვლევართა შორის ატლანტიდის მდებარეობის შესახებ აზრთა სხვადასხვაობაა. ერთნი ატლანტიდან მიიჩნევენ კუნძულ ჰელგოლანდემს, ჩრდილოეთის ზღვაში. მასზე მდებარეობდა ბრინჯაოს ხანის იმპერიის დედაქალაქი. სხვების აზრით, პლატონის ატლანტიდა სხვა არაფერი იყო, თუ არა პატარა კუნძული — სანტორინი. ეს კუნძული დაახლოებით 1500 წელს ჩვ. წ. აღრიცხვამდე ხმელთაშუა ზღვაში ჩაიძირა ვულკანის ამოფრქვევის შედეგად.

მეცნიერების აზრით, უძველესი ცივილიზაციები დღესაც შეგვახსენებენ თავს წინაისტორიული არქეოლოგიური ნაშთების გასაოცარი გამოსხივებით, მაგნიტური ველის კვანძებით. თეოლოგები და მითოლოგები ეჭვობენ, რომ კაცობრიობის უძველესი რელიგია იყო მზის თაყვანისმცემლობა, გაერთიანებული ვარსკვლავების ღმერთებთან და ნაყოფიერების კულტთან. არქეოლოგებმა კი ამ საერთო საკაცობრიო რელიგიის არსებობის დამამტკიცებელი საბუთები აღმოაჩინეს ამერიკიდან იაპონიამდე. მათი აზრით, ესაა უცხოპლანეტელების კოსმოსური რელიგიის ნარჩენები. პოლონელი მკვლევარები იმასაც კი ამტკიცებდნენ, რომ მათ ქვეყანაზე გავლებულია ელექტრომაგნიტური ველების უძველესი ნელოვური ქსელი და, რომ სწორედ ამ ქსელის თავისუფალი სივრცეებიდან იჭრებიან ატმოსფეროში ამოუცნობი მფრინავი ობიექტები. იქნებ ეს ღმერთი-მასწავლებლები არიან, რომლებმაც თავის დროზე შექმნეს ლემურიის და ატლანტიდის ცივილიზაციები და ახლა უბრუნდებიან თავიანთ მემკვიდრეებს?!

დავით დემეტრაშვილი

1 — III სს. რომაული ქალაქის მდებარეობის ნანგრევები ამჟამინდელ ბაალბეკში, ლიბანი.

ეროვნული  
მუზეუმი



ღიძი ლაშის, აკოს, კუნძულის ფიგურები.






საქართველოს დემოკრატიული რესპუბლიკა —

1918—1921

კინო-ფოტო არქივის  
მასალაებიდან







- „სახალხო“ გვარდიელები ჯავახოსან მატარებელთან.
- ვ. გოგუაძე „სახალხო“ გვარდიელებთან ერთად ჯავახოსან მატარებელზე.
- მენშევიკური „სახალხო“ გვარდიელთა ყრილობის წევრები.
- მენშევიკური საქართველოს დამოუკიდებლობის პირველი წლისთავი. ტრიბუნაზე მარცხნიდან-მარჯვნივ: საქ. მთავრობის დამფუძნებელი კრების წევრი ნ. უორდანი (თავმჯდომარე), ს. მდივანი და სხვები.
- წითელ არმიასთან შეჯახების დროს დახოცილი მენშევიკების „სახალხო“ გვარდიელები.
- „სახალხო“ გვარდიელები საბრძოლო მდგომარეობაში.
- მენშევიკების „სახალხო“ გვარდიელები სადგურ წნორისწყალზე.



უვავილი ლარნაკში იგივეა, რაც ბუღბუღი გალიაში ან თევზი აკვარიუმში.

უვავილი, რაც უფრო ველურია, მით უფრო მშვენიერია.

უვავილი უფრო მეტად და უპრეტენზიოდ გრძნობს მომვლელის ხელს, ვიდრე შვილი — დედისას.

ერთი ცალი უვავილიც კი მთელ დედამიწას სჯობია და იცი რატომ? იმიტომ, რომ დედამიწაზე მისი წყალობაა შვილივე საოცრება, ანუ უვავილი წუთისოფლის მარადიული თილისმაა.

უვავილებს უუვართ მხოლოდ დილის მზე, შუადღის მზე მათთვის იგივეა, რაც აღმზანისათვის აგვისტოს ხვატი.

უველა უვავილს უოველ დროში თავი ბუღბუღი ჰგონია. ბუღბუღს კი თავისი გალობის მიზეზ-საფუძვლად სამარლიანად მხოლოდ ვარდი მიაჩნია და არა თავისი ბუღბუღობა. ამიტომაც არსებობს მცნება — ვარდ-ბუღბუღიანი და არა პირიქით.

ქველი ებრაელები მოწინააღმდეგესთან დაჯავების ნიშნად ტუის უვავილთა თაიგულებს იყენებდნენ. დღეს კი, ხელოვნურმა სათბურის უვავილების სემრავლემ თავიანთი მომვლელ-მომყვანები ერთმანეთის მტრებად თუ არა, მეტოქეებად მაინც აქცია. აი, ესეც უვავილის მერვე თანამედროვე საოცრება.



# მდინარეთა დედოფლები

საქართველო მთიანი ქვეყანაა, მდინარეებით უხვად დაქსელილი. მთით დაქანებული თვითონ გზაზე ზოგჯერ ისეთ ქარაფებს ხვდებიან, კალაპოტს კარგავენ და უფსკრულში ზათქით ეშვებიან. ასე იბადებიან ჩანჩქერები — მდინარეთა დედოფლები.

ბუნების ამ იშვიათობათა გაცნობა ნებისმიერი ქვემარტივი ნატურალისტის ოცნებაა. ზოგიერთი მათგანი სიმალლით იქცევს ყურადღებას, ზოგი — მიუდგომლობით ანდა განსაკუთრებული სილამაზით, სხვები — ლეგენდების ბურუსში არაან გახვეული...

საქართველოში წყალვარდნილებს უფრო მეტად სამეგრელოში, მარტვილის რაიონში ვხვდებით. მათ შორის სამი — ოჩხომურის, აბაშისა და ტობას წყალვარდნილები, როგორც არაორგანული ბუნების იშვიათი ძეგლები, საქართველოს „წითელ წიგნშია“ შეტანილი. სამივე მათგანი ანკარა კარსტული მდინარეებიდანაა დაბადებული. ყველაზე მეტად ტობას ჩანჩქერი დამამახსოვრდა. მდინარე ტობა — მდინარე აბაშის მარცხენა შენაკადია, ასხის კირქვეულ მასივში იგი რამდენიმე წყალვარდნილს ქმნის. ზოგჯერ მდინარე კარსტულ მღვიმეებში უჩინარდება და ერთერთ მღვიმეში წარმოქმნის ოცდაერთი მეტრის სიმაღლის ჩანჩქერს.

ყველაზე მიმზიდველი მაინც ტობას ის ჩანჩქერია, რომელიც სოფელ მეორე ბაღდიდან მეოთხე კილომეტრზე წარმოიქმნება. ოფიციალური ცნობით, მისი სიმაღლე 234 მეტრია. მისი ნახვა დაუვიწყარ შთაბეჭდილებას ტოვებს.

სოფელ მეორე ბაღდამდე, უხვირო გზით, მძლავრი, ხეტყის გამომტანი მანქანით ავღივართ, შემდეგ ჩანჩქერამდე რამდენიმე კილომეტრი ცხენებით მივემგზავრებით. სანამ გრუნტი ნიადაგის საკმაო ფენისაგან შედგება, ფართოფოთლოვანი ტყეები იზრდება, მთის შუა სარტყელში კი ნიადაგის საფარი სულ უფრო თხელდება და კირქვიანი რელიეფი მძლავრობს. ეს უკანასკნელი კოლხური ბზის ტყეებითაა დაფარული. ბზა ტიპური კირქვის მოყვარულია. აქ ზოგიერთი ხის ზრო ამ მცენარისათვის რეკორდულად მსხვილი იზრდება.

ასეთ ეგზემპლარებზე პირდაპირ ნადირობდნენ. მისი ძვირფასი მერქნისათვის უცხოეთის კონცერტები ზღაპრულ ფულს იძლეოდნენ. ბზა კუბური მეტრებით კი არ ფასობდა... კილოგრამობით ყიდდნენ.

ბზის ტყე სულ ერთიანად ხავსშია ჩაფლული. ხავსს დაუფარავს ხის ზრო, დედატოტები, ძირს ნაცენი, ხმელი ღეროტოტები, კირქვის ქვლოდები და თვით ნიადაგიც კი. აქაურობას პირველყოფილი არქაული იერი დაჰკრავს.

ასმეტრიანი კლდეები გზას უღობავენ მზის სხივებს. ნახევრად სიბნელე და ჭარბი სინოტივე აძნელებს მოძრაობას. კლდეთა კედლებიდან იღვრებიან წყლის ჭავლები. გზადაგზა აყორილ ქვაყრილებსა და ქარნაქევე ხეებს ცხენები დიდი სიფრთხილით უვლიან გვერდს.

დამთავრდა ბზის ტყის მორიგი მონაკვეთი. როგორც იქნა იელებით გადაწნულ ველობსაც გავარიდეთ თავი. კლდეთა ექოთი გაძლიერებული მდინარის ხმა გადაიზარდა. და აი, ჩვენს წინაა მორუ-

ხო-თეთრ კლდეზე ძალუმად დაშვებული ჩანჩქერი. მართლაც რომ დიდებულია უბიწო ბუნებაში ჩაკარგული ეს მზეთუნახავი. ცხენიცა და კაციც ხარბად დავეწაფეთ ტაფობში ნაკადულეზად გაშლილ ცივსა და გემრიელ წყალს...

კირქვიანი რელიეფი ბევრ სიუბრიზს უმზადებს ბუნების მოყვარულთ. ერთ-ერთი მათგანი ჩანჩქერებია. აფხაზეთში, არაბიკას კარსტულ მასივში, მდინარე გეგას სათავეებია. გეგა ვერც კი ასწრებს დაბადებას, რომ კარსტების მიწისქვეშა ლაბირინთებში იკარგება. ასე, დღის სინათლეს მოკლებული აგრძელებს გზას რამდენიმე კილომეტრზე, სანამ რიწის ტბის მახლობლად, კირქვის პორიზონტალური ნაპრალიდან კვლავ არ გამოჩნდება სამზეოზე. აქ მდინარე სამ ვეებერთელა ნაკადად ეშვება. ორმოცდაათი მეტრი სიმაღლის ჩანჩქერი წარმოუდგენელ სილამაზეს ქმნის.

აფხაზეთშივე, მდინარე კოდორის სათავეებში, ტურისტებს შორის დიდად პოპულარულია „აფხაზეთის ნიაგარად“ წოდებული ასევე მეტად ლამაზი წყალვარდნილი.

არაერთი ადამიანი მოხიბლულა ჩანჩქერებით ლავოდების ნაკრძალში. ერთ-ერთი მათგანია მდინარე შრომის ხეობის წყალვარდნილი. იგი თუმცა არ არის მაღალი, მაგრამ კოხტაა და იშვიათი ბუნებითაცაა გარშემორტყმული. ზამთარში, ქარაფზე დაშვებულ წყალს ყინვის არტახები ერთ ნაწნავად ჰკრავს.

პირიქით ხევისურეთში, გაცდები თუ არა სოფელ ლეზისკარს, გზიდან მარჯვნივ აღმართული ფერდობიდან ეშვება ქათქათა თეთრი წყალი. არც ნაკადულია ეს და არც ღელე. ღელე-ნაკადული მთელი ინერციით ვერ უერთდება არღუნს. საქმე ის არის, რომ გზიდან რამდენიმე მეტრის სიმაღლეზე ფერდობი კარგავს შვეულ ფორმას და რამდენამდე ვაკდება. გვაკებული გრუნტი ღრუბელივით ისრუტავს წყალს. ტენით დაჯირჯებულ ნიადაგზე ლაღობენ და ყელყელობენ ქონდარა ისლი, ბაია, უფრო მასობრივად კი ხავსი. დაქანებული წყალი ხავსის რბილ „სამოსზე“ იფრქვევა. ცალკეულ მიძვებად ნაწილდება და გადაბრუნებული ლამბაქის ფორმის ფერდიდან ურიცხვ ჭავლებად ჩამოედინება. არღუნის ხეობას მზე გარკვეული კუთხით დაანათებს თუ არა, ჩანჩქერის თითოეულ ჭავლზე თითო ცისარტყელა იბადება. მოგზაურებმა ამ ადგილს „ტურისტის ცრემლები“ უწოდეს.

გარემოს მსგავსი ფენომენები იმდენად ესთეტიკურია, რომ ადამიანს ირეალური სამყაროსაგან უბოძებს, ლეგენდებსა და ზღაპრებს ათხზვევინებს.

ღარიღლის ხეობაში ყველაფერია იმისათვის, რომ ადამიანმა ყოველდღიურ მოსაწყენ ერთფეროვნებას დააღწიოს თავი და მშვენიერების სამყაროში ამაღლდეს. ალექსანდრე ყაზბეგის რომანტიკულ სამყაროს არც ჩანჩქერები აკლია. გველეთის ჩანჩქერი უფრო ხელმისაწვდომია მაგრამ არშის ჩანჩქერთა მთელი კასკადი რომ იხილო, საშაოდ მაგარი მუხლი უნდა გქონდეს. სამაგიეროდ კმაყოფილი

დარჩები. ბუნებაც ნეტარი სილამაზით დააჯილდოვებს, ხოლო ადგილობრივი მცხოვრებლები, მასთან დაკავშირებულ ლეგენდას გაგანდობენ.

არშის წყალვარდნილთა კასკადი სამი ჩანჩქერისაგან შედგება. მარტო მათი სახელები რად ღირს: „ქალწულის თმები“, „ჭაბუკის ცრემლები“, „წვერი“. სამივე ეს სახელი ერთ ლეგენდასთანაა დაკავშირებული.

...სოფელ ტოტში, მრავალი ასეული წლის წინათ, ცხოვრობდნენ ქალიშვილი და ჭაბუკი. მათ ძალზე უყვარდათ ერთმანეთი. ქორწინებაც გადაუწყვეტიათ, მაგრამ მაჰანკალს მეზობელი სოფლიდან ქალის ოჯახისთვის სხვა სასიძო შეუთავაზებია. ქალიშვილის მამა დათანხმებულია, მაგრამ გოგონას სტუმრები სათოფეზე არ გაუჟარებია. რას არ დაპირებიან ნათესავები, მაგრამ ამაოდ. გოგონას მტკიცედ მოუჭრია: — თუ თავს არ დამანებებთ, ან კლდიდან გადავიჩეხები, ან თავს თერგში დავიხრჩობო. მუქარას არ უმოქმედია. ნუ ლეღავთ, განუცხადებია მშობლებისთვის მაჰანკალს, თერგი შორსაა, ხოლო კლდიდან გადავარდნას ვერ გაბედავს, შეუშინდებო. გოგონას თავი გაუწირავს. სახლიდან გამოვარდნილა და მთებისთვის მიუტია თავი. შეყვარებული დადევნებია. ამაო შეიქმნა ხვეწნა. გოგონა სწრაფად მიბოლა. ბოლო წამებში ჭაბუკს მხოლოდ ნაწნავის ბოლო მოუხვლეთებია. გოგონა მაინც გადაშვებულა კლდიდან, მაგრამ იმ ადგილზე ჩანჩქერი — „ქალწულის თმები“ გაჩენილა. სასოწარკვეთილ ჭაბუკს დაუტოვებია იქაურობა და საჯიხვეებისაკენ წასულა. ჩამომჯდარა ქვაზე და მწარედ აქვითინებულია. უბედურს იმდენი ცრემლი დაუღვრია, რომ მთაზე ახალი ჩანჩქერი — „ჭაბუკის ცრემლები“ აბობოქრებულია.

გასულა წლები. ჭაბუკი მოხუცებულია. სანამ მუხლი ერჩოდა, თურმე ყოველ ცისმარეს მიდიოდა ამოჩემებულ ადგილზე და მწარედ ტიროდა. წვერი ეზრდებოდა. სულ გათეთრებულია. ასე შექნილა „წვერი“ მესამე ჩანჩქერი...

ბუნებაში აგრეთვე ჩნდება დროებითი ჩანჩქერებიც. მანგლისისკენ მიმავალი, სოფელ პანტიანს გაშორებული მგზავრი, აუცილებლად მიაქცევს ყურადღებას ვეებერთელა მორღვეულ ფერდობს. მასზე შრეებად დაყოფილი, მთელი გეოქრონოლოგიური შკალა იკითხება. ზემოდან ფერდობს ეფემერა ყვავილებით მორთული მშვენიერი კორდით შემკული მუხნარი ტყე დასცქერის. გაზაფხულის ღვარცოფა წვიმების დროს წყალი კორდზე ღარს იკეთებს და იქიდან ზათქით ეშვება უფსკრულში. ამ დროს მორღვეული ფერდობი, როკუელ კენტის გრაფიკულ შედეგს რომ მოგვაგონებს, დროებითი წყალვარდნილის თეთრი ძაფებით იქარგება. ხანმოკლეა გაზაფხულის კოკისპირული წვიმა. ეფემერულია შავ ქარაფზე თეთრად დადენილი წყალვარდნილიც.



კაცი სამსახურიდან დაბრუნდა, სამუშაო ოთახში შევიდა, სავარძელში ჩაჯდა და საწურგეზე მიესვენა. სხვა დროს ხმაურით შედიოდა შინ, ახლა კი სიტყვა არ დაუძრავს, არც ახალი გაზეთი მოუთხოვია. ამით მიხვდა ცოლი: ან გადაღლილი იყო, ანდა გაბრაზებული.

ერთ ხანს სამხარეთლოში იტრიალა ქალმა, მაგრამ გული ვერაფერს დაუდო და თითქოს სხვათა შორის ჰკითხა ქმარს:

— მოხდა რამე?

— ბავშვები სად არიან? — წინ გადმოიხარა კაცი და იატაკს დააჩერდა.

— ბიძასთან გადავიდნენ.

— ყველანი?

— დიდი და პატარა.

— ჰო, ასე ფლანგონ დრო და, დიდის ნაცვლად მე ლექციებზე ვივლი, პატარის ნაცვლად კიდევ შენ იარე გაკვეთილებზე.

— დღეს აკი ჩემი ძმისწულის დაბადების დღეა? ერთი საათით გადავიდნენ, უხერხულია, რომ არ მიულოცონ.

— შენს შვილებს თუ მოულოცავენ ხოლმე? ეკა სადღაა?

— შინ არის, მეცადინეობს.

— არ იმეცადინებს და გარეთ დარჩება ისევ. აქ მობრძანდეს.

— ეკა, მამამ, ჩემთან მოვიდესო! — თავიც არ მოუბრუნებია, ისე გასძახა შვილს.

— ქვეყნის შეყრა რომ მდომებოდა, შენზე დაბალი ხმა არა მაქვს, მგონი.

ცოლს არაფერი უთქვამს, შვილს ჩამოეცალა და სამხარეთლოში გავიდა.

ეკა ღიმილით შევიდა მამასთან, გაშლილი წიგნი გულზე ჰქონდა მიხუტებული.

— მანდ დაქექი, — მეორე სავარძელზე ანიშნა მამამ.

— ვიდგები.

— როგორც გინდა. ჰო, დღეს შენი მასწავლებელი შემხვდა მეტროში.

— რომელი მასწავლებელი? — ეკამ მაგიდაზე დადო წიგნი და მამას დააჩერდა.

— მაცალე. მეოთხე კლასში მშობლიური ლიტერატურას რომ გასწავლიდა, ისა.

— ვიცი, რასაც გეტყოდა, — გაეღიმა ეკას.

— მერე? — მოიღუშა მამა, — რითი აპირებ თავის მართლებას?

— საინტერესოა, შენ როგორ გითხრა? — რაო?

— უკვე ათჯერ უსაყვედურა დედას. არა, მაინც როგორ გითხრა?

— თვალს მარიდებსო, პირისპირ რომ შევეფეთო, მაშინაც არ მესალმებო.

— არც მივესალმები! — აიღწა ეკა. —

ტყუილი იმედი აქვს, არ მივესალმები! ძალიან კარგად იცის, მაგის მიზეზით რომ გადაველ სხვა სკოლაში!

— უყურე ამას! — წამოდგა მამა, — მე კი მეგონა, რაკი ახლოა, იმიტომ დაიუინე გადასვლა!.. რატომ აქამდე არ თქვი?!

— ალბათ არ იყო საჭირო... არ ვიცი, ვინ დააკანონა, მასწავლებლებზე აუგის თქმა არ შეიძლება და, რაზე აღარ ვხუჭავთ თვალს. ყველა მასწავლებელს რომ მასწავლებელი ეთქმოდეს, რაღა გვიჭირდა!

— ასე არ ლაპარაკობენ მასწავლებელზე!

— სწორედ ესა ჩვენი უბედურება!.. ცნება მშვენიერია, მაგრამ ხშირად საწინააღმდეგოს გვეუბნება ცხოვრება.

— ნეტა ისეთი რა დაგიშავა, ამდენი წლის შემდეგაც რომ ვერ ამოიღე გულიდან?

— მე რა შუაში ვარ — საკუთარ თავს დაუშავა! შურისძიებაზე არასოდეს მიფიქრია, მაგრამ არ მსიამოვნებს მასთან შეხვედრა და ამისი უფლებაც არა მაქვს? ბოლო-ბოლო, როდემდე უნდა მთვლიდეთ ბავშვად?

— ეგ არ მითქვამს, — ჩაფიქრდა მამა, — აწრად არ მომსვლია მაგისი თქმა. მოხუცია უკვე და უნდა მოერიდო მის წყენინებას.

— მაშინ უნდა ეფიქრა თავის სიბერეზე, როცა ეგონა, სულ ბავშვი ვიქნებოდი... სულ ბავშვები იქნებოდნენ. არც სხვა მასწავლებლები გვანებივრებდნენ, მაგრამ მაგ ერთის წყენინება არასოდეს დამავიწყდება.

— საოცარია, — თქვა მამამ, — რატომ აქამდე არ ვიცოდით!.. რატომ დამიმაღე?

— აკი წელანაც გითხარი, ალბათ საჭირო არ იყო-მეთქი. ახლავე მოგიყვები, რაც მოხდა, — გვერდითა ოთახში გავიდა ეკა. მამას ესმოდა — საწერი მაგიდის უჯრებს აღებდა.

სავარძელში ჩაეშვა მამა, არ უნდოდა ეფიქრა, მაგრამ ისევ მკაფიოდ ესმოდა მასწავლებლის ნათქვამი: „ვინაიდან ხელოვანი ბრძანდებით, უფრო იმიტომ არ ეკადრება თქვენს შვილს ჩემს მიმართ ასეთი დამოკიდებულება. ალბათ გასაგებია, რასაც ვამბობ ამით“.

ეკა მამის ოთახში დაბრუნდა და მაგიდაზე ორი ფოტოსურათი დადო. მამა წამოდგა, სურათებს დააჩერდა და ვიდრე იტყოდა რამეს, შვილმა უთხრა:

— ამ სურათების ისტორიას მოგიყვები და თუ გამამტყუნებ, მაშინვე წავალ,

შინ მივაკითხავ იმ მასწავლებელს და ბოლოს მოვუხდი.

მამამ ფოტოსურათებს დახედა და მხრები აიწურა.

ეკა მიუხვდა გაკვირვების მიზეზს:

— მართალია, უცნაური არაფერი ჩანს — ჩვეულებრივი ფოტოსურათებია, მაგრამ რამდენჯერაც დავხედავ ხოლმე, იმდენჯერ მახსენდება მაისის ის დღე, ეს სურათები რომ გადავიღეთ. იცანი ალბათ: მეორე მწკრივის თავში, მარჯვნივ რომ დგას, ეს კიდევ ჩვენი ჭგუფელის მშობელია. ჭგუფში ოცდაათნი ვიყავით, ამ სურათში კი ოცდაათერთმეტი ვართ. პირველ რიგში ჩამუხლული ბიჭების წინ რომ ბიჭუნა ჩანს, ჩვენი კლასელის ძმაა — დედამისმა წამოიყვანა. ამ მეორეში კი ექვსნი ვართ, ექვსივე გოგო. ხედავ ალბათ, რაღაც გვიხარია, ძალიან გვიხარია! ამ ექვსში ერთი მე ვარ, — გაეღიმა ეკას, — დანარჩენი ხუთი მოძებნე ჭგუფურ სურათში და, ყველას რომ იპოვი, დამიძახე, — ეკამ წიგნი აიღო და აჩქარებული გავიდა ოთახიდან.


მამა საწერ მაგიდას მიუჭდა და დანარჩენი ხუთი ბავშვის მოსაძებნად დააკვირდა ჭგუფურ სურათს, დააკვირდა და მაშინვე კედელს მიარტყა ხელი:

— გამოდი, ეკა!

— უკვე იპოვე? — კარი მიხურა ეკამ და ისიც ჭგუფურ სურათს დააჩერდა.

— ყველანი მეორე მწკრივის ცენტრში დგახართ.

— ჰოდა, მთავარიც ეს არის!.. მესამე კლასში ვიყავი მაშინ. აი, ეს მასწავლებელი იყო ჩვენი დამრიგებელი. მაისის ბოლო შაბათს, გაკვეთილების შემდეგ გამოგვიცხადა, ხვალ ვაკის პარკში მივდივართ და მანეთ-მანეთი წამოიღეთო. ისე, გასასეირნებლად, გასართობად მივდიოდით, ასე ვთქვათ, ექსკურსიაზე. იმ ხანებში ბაღების, პარკების მცოდნე, საქვეყნოდ აღიარებული უცხოელი იყო ჩამოსული თბილისში, იმისი ინტერვიუ წავიკითხე: მთელი მსოფლიო მომივლია, მაგრამ მსგავსი საოცრება არსად მინახავს — ყველა ბაღსა თუ პარკში შედიან, აქ კი ჩადიანო. ეს სწორედ იმ პარკზე თქვა, მეორე დღეს რომ უნდა აგვეკლო შრიამულით. სიხარულმა ადრე გამაღვიძა და ადრეც მივედი სკოლაში, მაგრამ უფრო ადრე სხვები მოსულიყვნენ. ავტობუსიც უკვე იდგა სკოლის ეზოში. ზოგ ჩემს ჭგუფელს დედა გამოჰყოლოდა. შენ მაშინ სოფელში იყავი, ვენახი გქონდა მისახდელი. ხომ იცი დედაჩემის ამბავი, კამიკებს გაეტირება ხოლმე — მანეთიანი მომცა, ვხვდებო, ერთი მანეთიც მომეცი, თუ არ დამჭირდა, ისევ დაგიბრუნებ-მეთქი. რაკი



მასწავლებელმა ბრძანა, მანეთ-მანეთი წამოიღეთო, ეს იმას ნიშნავს, მეტი არ არის საჭიროო... ვაკის პარკს რომ მივუახლოვდით, მასწავლებელმა შოფერს უთხრა:

— ასე, სამი საათი ვიქნებით პარკში. თქვენ ალბათ წახვალთ და იმ დროისათვის დაბრუნდებით.

— არსადაც არ მივდივარ, — თქვა შოფერმა, — დღეს თქვენ უნდა მოგემსახუროთ, საგზურის ფურცელშიც ასე მიწერია. ავტონისპექტორმა სხვაგან რომ წამტაცოს ხელი, ვერაფრით გავიმართლებ თავს, ჰოდა, დამამშვიდობებს საჭეს.

— როგორც გენებოთ.  
— მაგრამ სხვა წესსაც დაცვა უნდა.  
— რომელ წესზე ამბობთ? — დაინტერესდა მასწავლებელი.

— ასეთ დროს, ქალბატონო, ყოველ მოსწავლელზე მანეთს ვიღებთ.

— რაკი ასეა, ჩვენც დავიცავთ ამ წესს, — გაეღიმა მასწავლებელს, — თუმცა წინასწარ არავის გავუფრთხილებივარ.

— ახლა დაგვიანებულია ვითომ?  
— გვემუქრები? — მოიღუშა მასწავლებელი.

— რაო? არ შეიძლება მანქანა რომ გამოფუჭდეს? თანაც მოძველებულია უკვე, წლებით დაღლილია და ხშირ-ხშირად წაუძინებს ხოლმე.

— ამ ბავშვების ხარჯზე გინდა იცხოვრო? — გაბრაზდა მასწავლებელი.

— უფრო პატარებიც მყავს შვილები და ფულიც სწორედ მათთვის მინდა.

გაუგებელი ვინმე ჩანდა შოფერი, ამიტომ აღარ აპყვა მასწავლებელი. ავტობუსი ბალის ჩასასვლელთან რომ გაჩერდა, შევაგროვეთ მანეთ-მანეთი და მივეცით შოფერს... მოკლედ, ფული აღარ დამჩა, არც მე დამჩა და არც ამ ხუთს, — ეკამ თითი დაადო სურათს, — ჩემთან ერთად რომ ჩანან სურათში. როგორც აღრე ვთქვი, ზოგს დედა გამოჰყვა და, ბუნებრივია, აღარც მანეთის იმედზე იქნებოდნენ, ანუ ჩემსავით უფულოდ აღარ დარჩებოდნენ. ზოგი კიდევ ჩემზე მდიდარი იყო, უფრო სწორად, დედაჩემზე „წინდახედული“ მშობლები ჰყავდა.

ჩავედით ბაღში, უცნობი ჭარისკაცის საფლავთან დავეწვეთ: ჭერ ლექსები ვთქვი, მერე ვიმღერეთ. ამის შემდეგ მთელი ბაღი შემოვიარეთ: ხან დავრბოდით, ხან დამალ-დახუჭობანას ვთამაშობდით — ისეთსავე ნათელ გუნებაზე ვიყავით, როგორც ის მზიანი მაისის დღე იყო. თითქმის ყველანი პირველად ვიყავით ვაკის პარკში და, ერთმანეთი არ დავკარგოთო, არც ჩვენ გავდიოდით შორს, და არც მასწავლებელი და ბავშვების მშობლები გვაშორებდნენ თვალს. დაახლოებით ერთი საათი რომ გავიდა, მასწავლებელმა კარუსელთან მიგვიყვანა. რიგში ჩავდექით. რიგში ჩავდექით და გამახსენდა კიდევაც,

ფული რომ აღარ მქონდა: ნაბიჯ-ნაბიჯ, ქურდულად გამოვედი რიგიდან და მოშორებით დავდექი. ამ ხუთიდან ა ეს ოთხიც გამომყვა. რომ ვკითხე, არც თქვენ გინდათ კარუსელზე ტრიალი-მეთქი, ფული აღარა გვაქვსო. ჩვენს გარდა სხვაც იყო უფული, მაგრამ ზოგი მასწავლებლის მეზობლად თუ უზნელად ითვლებოდა, ზოგიც იმ მოსწავლეებისა, მშობლები რომ გამოყვნენ. დაიწყეს კარუსელით ტრიალი, ისეთ ყოფაში არიან, სიცილ-ურია-მულით იკლებენ იქაურობას. მერე ეს გოგონა აცრემლებული გამოვიდა რიგიდან, მასწავლებელმა მიხსრა, თუ კარუსელით ტრიალი გინდოდა, ფულს წამოიღებდიო. ზოგმა ორჯერ, სამჯერაც იტრიალა, ჩვენ კი გაბუტულელებით ვდგავართ განზე, თან აქეთ-იქით ვიხედებით, იქნებ შინაური ვინმე გამოჩნდესო. არ გამოჩენილა. რამდენიმეჯერ გამოგვხედა მასწავლებელმა, მაგრამ არაფერი უთქვამს. კარუსელის ოდნავ მოშორებით, მოძველებულ ტაბურეტზე შენი ხნის კაცი იჯდა და ხშირად იხედებოდა ჩვენკენ. მერე გავიგეთ, თურმე ფოტოგრაფი იყო ის კაცი. ჩემი გულჩვილობის ამბავი ხომ იცი — კინალამ ცრემლი მომერია. მაგრამ ჩემმა ჭგუფელებმა კარუსელი რომ მოისურვილეს და ახლა ნაყინს წაესივნენ, მაშინ კი ავტირდი. სხვებსაც ცრემლი მოადგათ თვალზე. ერთმა მშობელმა რაღაც უთხრა მასწავლებელს, თან ჩემზე ანიშნებდა. მოვიდა მასწავლებელი, ორი შოკოლადიანი ნაყინი ეჭირა ხელში, მოვიდა და მეკითხება, რა გატირებს, დედა ხომ არ მოგენატრაო. ოდნავ შებრუნდა გვერდზე და ორივე ნაყინი, — დიდ სურათს დახედა ეკამ, — აი, ამ ბიჭს მიაწოდა, უკანა რიგში რომ დგას მარცხნიდან მეორე. ამ ბიჭის მამა, ჩემი ძველი სკოლის უკან რომ სასურსათო მაღაზიაა, იმის დახლიდარი იყო მაშინ. მასწავლებელმა სხვებსაც უყიდა ნაყინი, კარუსელის ბილეთებიც აუღო სხვებს, ჩვენ კი, ჩვენ... ნიშნის დაწერის დროსაც იცოდა ასეთი გამორჩევა. იმ წლის მესამე მეთხედში ამომიჩემა — არც ერთხელ არ მკითხა გაკვეთილი, ზოგი კი სამჯერაც გაიძახა. არ ვიცოდი, რას შემართლებოდა... მანამდე არ ვიცოდი, ვიდრე ერთხელ ჩემს გასაგონად არ უთხრა ფრანგულის მასწავლებელს — მაგის შვილს მე ვასწავლი, „ქართული პროზის“ გამოწერაში კიდევ სხვას ემბარებაო. ეს სიტყვები სწორედ ვაკის პარკში გამახსენდა. გამახსენდა და დავრწმუნდი, რომ ეს ხუთივე ჩემი ჭგუფელი ჩემი მიზეზით დარჩნენ უნაყინოდ და უკარუსელოდ. ეს იყო და ეს — დავიფიცე, ამ სკოლაში აღარ გავჩერდები-მეთქი და, როგორც იცი, ავასრულე კიდევ. თუმცა აჯობებს, თავდაპირველ სათქმელს დავუბრუნდე. ის კაცი, მოძველებულ ტაბურეტზე რომ იჯდა, გაღიმებული მოგვიანლოვდა, რაღაცის თქმას აპირებდა, მაგრამ მას-

წავლებელმა არ აცალა, სად გვიჩვენებ სურათის გადაღებასო. მაშინვე აფუსფუსდა კაცი, სამფხა ფოტოაპარატი შეტრიალდა შადრევანთან... ხედავ, შადრევანთან... უკან და საფეხურებზე დაშვებული ჩანჩქერი. ისე დადგნენ ბავშვები, როგორც მასწავლებელმა ბრძანა.

მასწავლებელმა ხელი დაგვიქნია, მოდიო. მივედიო:

— ბავშვებო, უკანა რიგში დადექით. ფულს მერე გადაიხდით.

— ესენი შედარებით პატარები არიან, მოციცქნულები, — თქვა ფოტოგრაფმა, — სილამაზის, ანუ კომპოზიციის ნიადაგზე ცენტრში უნდა დადგნენ.

მართლაც ცენტრში დაგვყენა. რაღაც ჩაულაპარაკა მასწავლებელმა, მაგრამ ფოტოგრაფმა ისე მოაჩვენა თავი, თითქოს ვერ გაიგო თუ ვერ მიუხვდა ნათქვამს, სამჯერ ჩააჩხლაკუნა აპარატი და თქვა — ყველაფერი რიგზეაო. დავიშალენით. ვინ ნაყინს ეცა ისევ, ვინ კიდევ — კარუსელს. რა გქვიაო, მკითხა ფოტოგრაფმა. გვარიც ვუთხარი, სახელიც. უოჩალო, გაეღიმა, ახლა ეგ ხუთივე გოგონა აქ მომიყვანეო. მივუყვანე. მათაც მკითხა გვარი-სახელი და მერე თქვა:

— კარგი გოგონები ჩანხართ, ამიტომ საჩუქრად უნდა გადაგიღოთ სურათი.

აი, ასე დაგვყენა და გადავიღო სურათი, მანამდე არ გადავიღო, ვიდრე არ გავგალიმა. მერე წაგვიყვანა და ნაყინი გვიყიდა. ღმერთო, რა გემრიელი იყო ის ნაყინი! თვითონაც ჭამდა ნაყინს, თან გვიყვებოდა:

— თქვენხელა რომ ვიყავი, მეც ძალიან, ძალიან მიყვარდა ნაყინი, მაგრამ ღარიბად ვცხოვრობდით და, სად იყო ნაყინი! მაშინ ნაყინი, ასე მგონია, უფრო გემრიელი იყო. ახლა თქვენხელა შვილები მყავს და ახლა იმათ უყვართ ნაყინი, ძალიან, ძალიან უყვართ! ამიტომაც ხშირად ვაძლევ ხოლმე ნაყინის ფულს. მე რომ ხშირად ვერ ვჭამდი ნაყინს, ის ვერ ამიტანია და შვილებს მოვანატრებ? თუმცა პატარაობისას კარუსელით ტრიალიც მიყვარდა, მაგრამ ნაყინისა რომ არ მქონდა, კარუსელის ფული როგორღა მექნებოდა? ამ ნაყინით ხომ გავიხსენებ ბავშვობა, ახლა კიდევ კარუსელითაც უნდა გავიხსენო.

მივედიო კარუსელთან, ბილეთებს რომ სინჯავდა, იმ კაცს უთხრა:

— რაო, გიორგი, ჩვენი რიგი არ მოვიდა?

— კაცო, სერგო, სადა ხართ აქამდე, ბარე ორჯერ გავიდა თქვენი რიგი! — თქვა და გააჩერა კიდევაც კარუსელი.

— მოიცა, ყველაზე გამძლე რომელია? — ცხენი.

— ჰოდა, ცხენზე მე შევჭლები.

მაგრამ ვინ აცალა: ვიღაც ორდენებიანმა კაცმა დაუძახა, წამოდი, უცნობი ჭარისკაცის საფლავთან სურათი გადავიღეო.

19316



## ნუგზარ ავსაჯავა

### ცრემლი ობოლი

ერთ ცოლ-ქმარს ვიცნობდი, უდაძმონი და უშვილიძირონი იყვნენ. ოცი წელი ერთად იცხოვრეს და ცალ-ცალკე ოცი საათიც კი არ გაუტარებიათ. ერთად დადიოდნენ სამსახურში, კინო-თეატრში, მუზეუმში. ქუჩაში... ვინც იცნობდა, გულში ფიქრობდა, აი, სიყვარულიც ამას ჰქვიაო.

ქალი მოულოდნელად გარდაიცვალა, უსიტყვოდ და უსაყვედუროდ დალია სული.

დაკრძალვაზე მისულ თითო-ორთა ნაცნობსა და ნათესავს გულწრფელად უქვირდა. შვახავერდზე-მოკრულ კუბოში ქალი მარტოა, უქმროდ რომ იწვა. მაგრამ ყველაზე საოცარი ის იყო, მგლოვიარე კაცს ფერწახულ დაწვებზე წვეთი ცრემლი რომ არ ჩამოგორებია.

მხოლოდ გვიან, ნაშუაღამევს, როცა საბოლოოდ მიხვდა — ამ დამის გათენება მარტოს მომიწევსო და ასეთი დამე ამიერიდან კიდევ ბევრი იქნებაო, კაცი ცივ სარცელზე დაემხო და მწარედ აქვითინდა.

თხელი კედლის იქით გულჩვილ მეზობელ ქალს, რომელსაც უძილობა სჭირდა, იმ ქვითინმა და დაქვრივებული მამაკაცის საცოდაობამ ობოლი ცრემლი მოჰგვარა.

ეჰ, რა იცოდა კეთილმა ქალმა, რომ ქვრივს თავისი მომავალი მარტოობის შიში დაღარდი ატირებდა...

საწოლთან ვეებერთელა დათვის ტყავი ეფინა. ყოველ დილით, ღოგინიდან რომ აღგებოდა, მარჯვენა ფეხს წაბლისფერი ტყავის იმ ადგილს დაადგამდა ხოლმე, რომლის ქვემოთაც ოდესღაც დათვის მძლავრი გული დუგდუგებდა. კედელზე ვეფხის ტყავი ჰქონდა აკრული, ზედ წვეილი ხევსურული სატევარი გადაეჭვარდინებინა. მოპირდაპირე კედელზე უზარმაზარი ირმის რქა იყო

მიღურსმული. ზედ ბელგიური სისტემის შვენიერი ორლულიანი თოფი ეკიდა.

ერთხელ სიმთვრალეში გამომიტყედა: ამ ძლიერ ნადირებს, ამ ძველებურ იარაღს რომ ვუყურებ, მეც ძალია მემატება და თავი ყოვლისშემძლე მგონიაო.

მართლაც-და, თითქმის ყოვლისშემძლე იყო ცხოვრებაში.

თუმცა არც ერთი იმ ნადირთაგანი თავად არ მოუკლავს და არც სატევარი სჭერია ხელში ოდესმე.



ქვემოთაა  
 გიგლიშვილი  
 ნ. გ.

# აკუნოთ პრთაანთს სათლუი

მე ტყიბულიდან გწერთ. თქვენი უურნალის მულმივი მკითხველი ვარ. მასში მულამ ვპოულობ დიდ აღმინანურ სითბოს, სიკეთეს. ამიტომაც გავბედე ჩემი ტყივილი თქვენთვის გამეზიარებინა.

ბედნიერება მართლაც პაერივით ყოფილა. როცა სუნთქავ, ვერ ატყობ. მეც მთელი სისრულით არც კი მესმოდა, რა ბედნიერი ვყოფილვარ, როცა შევედი ოჯახში და ყველანი კეთილად დამხვდნენ. მეუღლის დედა, მამა, ძმები, რძალი...

ვცხოვრობდი სათნო, უბრალო აღამიანთა შორის და არც ვფიქრობდი იმაზე, თუ როგორ შემეყარდნენ ისინი.

მაგრამ მოხდა უბედურება, უეცრად გარდაიცვალა ჩემი მამამთილი, დამსახურებული პედაგოგი, კაცი უზომოდ შეყვარებული პოეზიაზე. ის აღამიანების სიყვარულით ცხოვრობდა ამქვეყნად.

ჩვენ თითქმის ფრთები დაგვეკეცა. თუმცა მისი სამი შვილი — ტარიელი, ავთანდილი და ჩემი მეუღლე — ფრიდონი უფრო ღონივრად შეეპიდნენ თავიანთ საქმეს.

ჩემმა მეუღლემ, ფრიდონმა, ტყიბულის ინდუსტრიული ტექნიკუმი დაამთავრა და ამჟამად შახტში მუშაობს. ყველას გულით გვინდა, მამას სიცოცხლე ღირსეულად გავაგრძელოთ. არ ვიცი, შევძლებთ თუ არა. მე კი ერთი სურვილი მაქვს, ჩემს საყვარელ უურნალში ჩემი მამამთილის ერთი ლექსი მაინც ვნახო დაბეჭდილი. ასე მგონია, მაშინ გაცოცხლდება, კვლავ შემოვა შინ გაღიმებული, კვლავ სითბო და სიკეთე იზიემებს.

ამას რომ გწერთ. ისიც კარგად ვიცი, რომ კარგა ხანია, „დროშის“ ფურცლებზე აღარ ჩანს ლექსი. მაინც ვბედავ. ვბედავ და გესაუბრებით როგორც ახლობლებს“.

ამ უაღრესად აღამიანურ ბარათშიც და ტყიბულის რაიონული გაზეთის გვერდებზეც, რომელიც მოყვარულ რძალს, ნინო ჩივაძეს, კონვერტში სათუთად ჩაუღვია, ერთი რამ გვებება უკვლას — დიდი ძალია აქვს აღამიანურ სიყვარულსა და სიკეთეს.

ბარაქალა მასაც, ვინც ამგვარ სანთელს აანთებს ამქვეყნად და მასაც,

ვისაც შეუძლია მისი დანახვა და დაფასება. არადა რა ხშირად ვივიწყებთ, რომ ქრისტიანულ მცნებათაგან ერთ-ერთი მოყვანის სიყვარულია. ამქვეყნად ყველაზე ამაღლებული და დიადი ურთიერთსიყვარულითა და პატივისცემით დაწყებულა, რამეთუ სიძულვილს ქვეყნად არასოდეს აუშენებია ტაძარი...

ჩვენი ერის სანუკვარი ოცნებაც ქართველთა ერთობის, სიყვარულის და სიკეთის გზით თუ არ მოვიდა, ბოროტებასა და სახსლზე დაფუძნებული ნგრევას რა აზრი ექნება...

გვერდში მდგომი აღამიანის სევდა და გასაჭირი ვისაც გულს არ ტკენს, იგი მთელი ერის მაჩისცემას ვერასოდეს გაიგებს.

გულცივობამ კი რატომღაც იმატა. ეს გულცივობა ზოგჯერ მკვლელობას უღრის. ამიტომ შეძრა რედაქცია უცნობი ქალიშვილის სასოწარკვეთილმა ხმამ: „ერთი რამ მინდა გკითხოთ, შეგიძლიათ სულის სიღრმის წვდომა? შეგიძლიათ დააძღვივინოთ ვინმეს მარტოობა? შეგიძლიათ თვით-მკვლელობისაგან ვინმე იხსნათ?“

### შერილზის კვალდაკვალ

როცა მას კეთილი ბარათით გამოვეხმაურეთ, მოგვწერა: „აი, თურმე რა ცოტა რამ კმარა დიდი სიხარულისთვის, სიყვარულისთვის, მეგობრობისთვის. ეს ცოტა რამ, დღეს ყველაზე მეტად გვაკლია, სულგრძელობაა ერთმანეთის სიყვარული და პატივისცემა. ეს ცოტა რამ იმის ცოდნაა, რომ ყოველი აღამიანი ახალი აღმოჩენაა, თავისებურად ღამაში და მიმზიდველი. ეს ცოტა რამ სულის სიღრმის წვდომაა, იშვიათად რომ შეგიძლია აღამიანებს“.

და ქალიშვილმა უმალ თქვა სათქმელი. გვიამბო თავის გაუხარებლ ბავშვობაზე, ოჯახურ სევდაზე და დაიხატა აღამიანური სული, რომელსაც ძალიან სჭირდება სიკეთე და მეგობრობა.

... ქალიშვილს დასჭირდა სულიერი მეგობრების ძენა უცხო აღამიანთა შორის. თუმცა მყავს თანამშრომლები, ამხანაგები, თანაკლასელები, თანასოფლელები...

განა ასეთი ძენია, ავუნთოთ ერთმანეთს სიკეთის სანთლები?

ნათელა გიორგოზიანი





# „ფეხბურთის მეფე“ თანაუბრის როლი

საერთაშორისო  
საინფორმაციო

„ფეხბურთის მეფე“ პელე ახლა ახალ როლში გამოდის. მან ბრაზილიის ფეხბურთის კონფედერაციის ხელმძღვანელობის თხოვნით იკისრა ერთნაირი ნაკრების მთავარი მწვრთნელის სებასტიანო ლაზარონის თანაშემწეობა და ამ თანამდებობაზე მსოფლიო ჩემპიონატის დასასრულამდე იქნება.

პელეს ამ ახალ თანამდებობაზე დანიშნავს დაკავშირებით მას ძალიან ხშირად ეწვევიან ხოლმე ურუნალისტები. გთავაზობთ „ფეხბურთის მეფის“ საუბრის რამდენიმე ნაწყვეტს პარიზის ურუნალ „ფრანს ფუტბოლის“ კორესპონდენტთან.

— ბრაზილიის ფეხბურთის კონფედერაციამ თქვენ ახალი როლი დაგაპირა...  
— კონფედერაციის პრეზიდენტმა ტაქსეირამ მთხოვა, ჩემი შესაძლებლობების ფარგლებში დავეხმარო ნაკრებს. დარწმუნებული იყავით, ბრაზილიის ფეხბურთისათვის მაქსიმუმს გავაკეთებ.

— რაში გამომიხატება თქვენი მუშაობა?  
— ბრაზილიის ფეხბურთის წინაშე რთული პრობლემა დადგა. იმის გამო, რომ წამყვანი მოთამაშეების დიდი ჯგუფი ამჟამად საზღვარგარეთის კლუბებში გამოდის. მე შევეცდები, ნაკრების ხელმძღვანელობას დავეხმარო ამ პრობლემის გადაჭრაში. უნდა მოგახსენოთ, რომ მე ოფიციალური თანამდებობა არ მიაკვია — ჩემი აქცია, შეიძლება ითქვას, მეგობრობის აქციაა. რაც შეეხება ჩემს მუდმივ სამუშაოს, კვლავ დაკავშირებული ვარ ნიუ-იორკის ფირმა „ვარნერ კომუნიკეიშნთან“. ეს ფირმა რომ არ დაგვხმარებოდა, ვერ შევძლებდით სამხრეთ ამერიკის ჩემპიონატის გამართვას.

— ახლა ზოგი რამ იმ ფუნქციონირებაზე, ნაკრებში რომ გაპირებოდნენ...  
— მთავარ მწვრთნელს უნდა დავუხმარო ნაკრების მოთამაშეების შერჩევაში, გარდა ამისა, ახალგაზრ-

და ფეხბურთელებს ხელი შევუწყო ფსიქოლოგიურ მომზადებაში, ერთი სიტყვით, მონაწილეობა უნდა მივიღო მოთამაშეების საბრძოლო მომზადებაში.

— აღვივებთ თუ არა თვალუარს იმ მოთამაშეებს, უცხოეთის კლუბებში რომ გაემოდინან?  
— ხშირად ვმოგზაურობ საზღვარგარეთ, გარდა ამისა, იმ ქვეყნებში, სადაც ბრაზილიელები თამაშობენ, ინფორმაციებიც მყავს. ამის შემდეგ მოხსენებას წარვუდგენ ხოლმე ლაზარონის, ვუხსნიათ ამ ფეხბურთელების ფიზიკურ და ფსიქოლოგიურ მზადყოფნას, შეუძლიათ თუ არა მათ ნაკრების ღირსების დაცვა.

ბრაზილიელთაგან ტურნამ ევროპაში კატასტროფული შედეგები მოიტანა. მიზანიათ თუ არა, რომ გამარჯვებამ სამხრეთ ამერიკის ჩემპიონატზე მნიშვნელოვნად შეიცვალა სიტუაცია?  
— ძნელი დასასახელებელია მეორე ისეთი ქვეყანა, ჩვენსავით ნიჭიერი ფეხბურთელები რომ ჰყავდეს, მაგრამ ამისთან ერთად ჩვენ გვაქვია შეთამაშება, ორგანიზაციული ხარვეზებიც გვაქვს. სამხრეთ ამერიკის ჩემპიონატის წინ ჩვენ საკმაოდ რთულ სიტუაციაში აღმოვჩნდით. ვერ ითამაშებდნენ დაშავებული კარეა და უორჟინიო, მარსელის „ოლიმპიკა“ არ გაათავისუფლა შოზერი, „მონპელიემ“ კი — უულიო ცეზარი. ამის მიუხედავად მაინც ისეთი არჩევანი გვქონდა, რომ ნაკრებში ვერ მოხვდა მიულერი, თუმცა ჩვენ ჩემპიონატისათვის 20 მოთამაშე შევარჩიეთ.

— როგორ ფეხბურთელებს აძვრთმობთ კარგი შესაძლებლობა რომ მოხვდნენ ნაკრებში?  
— ევროპულ ტურნირში ნაკრებს არ ახლდნენ ბებეტო, ალდაირი, უორჟინიო, ვალვაო, რომლებიც ამ დროს რიო-დე-ჟანეიროს შტატის ფინალში მონაწილეობდნენ. ისინი, ცხადია, მსოფლიო ჩემპიონატში გამოხვდნენ პრეტენდენტებად უნდა მივიჩნიოთ. როცა ჩვენი ფეხბურთელი კლუბში გადადის, კონტრაქტი აუცილებლად უნდა შევიტანოთ მუხლი იმის შესახებ, რომ ნაკრების პირველივე

მოთხოვნისთანავე ამ მოთამაშეს მყისვე გაათავისუფლებენ.

— ბაისმის ხმაში იმის შესახებ, რომ მწვრთნელი ლაზარონი უნდა შეიცვალოს ესპინოზატი ან დილით.  
— ეს უარყო ნაბიჯი იქნებოდა. ლაზარონი ღირსეული მწვრთნელია.

თავის დროზე შურნაღისტებს ბანუცხადეთ, რომ გინდოდათ, სკორტის მინისტრი გამხდარიყავით.  
— ასეთი სამინისტრო ამჟამად ბრაზილიაში არ არსებობს. ამ საკითხზე ადრე მესაუბრა ბრაზილიის პრეზიდენტი ტანკრედო ნევესი. შესაძლოა, სამინისტრო შეიქმნას კიდევ, თუ არჩევნებში ლეონელ ბრიზოლა გაიმარჯვებს.

— გინდათ თუ არა, რომ ნაკრების მთავარი მწვრთნელი გახდეთ?  
— აქამდე რამდენჯერმე ახალგაზრდული გუნდების მწვრთნელი ვიყავი, მაგრამ პროფესიული კლუბის სათავეში არასოდეს ვმდგარვარ. ასე რომ, ნაკრების მწვრთნელობაზე პრეტენზია არა მაქვს.

— თქვენ ევროპის წამყვან კლუბებში არასოდეს ვითამაშობით.  
— აქამდე რამდენჯერმე ახალგაზრდული გუნდების მწვრთნელი ვიყავი, მაგრამ პროფესიული კლუბის სათავეში არასოდეს ვმდგარვარ. ასე რომ, ნაკრების მწვრთნელობაზე პრეტენზია არა მაქვს.

— მექსიკაში მსოფლიოს 1970 წლის ჩემპიონატის დამთავრების შემდეგ მილიონერმა აგნელიმ, რომელიც ტურნირის „იუვენტუსის“ მეპატრონეა, ამ კლუბში მიმიწვია. ზუსტად ამავე დროს მადრიდის „რეალმა“ ფანტასტიური ფინანსური პირობები შემომთავაზა. სხვათაშორის, იგივე „რეალმა“ ამასწინათაც მიმიწვია მწვრთნელის პოსტზე. ყველა ეს წინადადება ვუარყვავ, რადგან მირჩევნია, ვიცხოვრო სტრესის გარეშე.

— თქვენი 19 წლის ვაჟი ედინო, რომელიც ნიუ-იორკში ცხოვრობს, მამარად თამაშობს.  
— როცა მსოფლიოს სხვადასხვა კუთხეში ახალგაზრდა ფეხბურთელებს ვხვდები, ვუმტკიცებ ხოლმე, რომ გუნდის ყველა რგოლში თამაში თანაბრად საპატიოა. ჩემს შვილს სხვანაირად ველაპარაკებ: სჯობს გოლი თვით გაიტანო, ვიდრე კარი დაცვა-მეთქი.

— თქვენ მამარადის რაიმე საწინააღმდეგო გაქვთ?  
— არა, რატომ? მე გუნდში ნებისმიერ ადგილას მითამაშობ. ჩემი პირველი კარიერის მანძილზე მექარედაც კი სამი მატჩი მაქვს ჩატარებული.

მოგაგონა გივი გამრეკელმა





სწორედ სიმღერის უბერებელმა სიჭაბუკემ ხელახლა შემოანათა ჩვენს სულში იმ მუსიკალური შინაარსის წყალობით, დღეს ფირფიტის სახით ხელთ რომ გვიბყრია. საიდან მოაღწია ჩვენამდე სიცოცხლის სიხალისის, ჰანგის სიმშვენიერის, წარბაქვებთან ერთხმობის ჩადონსურმა შეგრძნებამ? ვინ არიან ისინი, ვინც საკუთარი სულის სიმების აუღერებით მოგვანიჭა განუზომელი სიამოვნება და ლირიკულ ემოციათა უშრეტო აკორდებით აგვავსო?

ქართველი ხალხის კულტურული და სულიერი ყოფის განუყრელი, კეთილშობილური თანამგზავრად იქცა გიტარა გასული საუკუნის დასაწყისშივე და სალონურ-ინდივიდუალური სარგებლობიდან უკვე ჩვენი ასწლეულის 30-იან წლებში ესტრადებზე, კინოფილმებში, გრამფირფიტებით გამოჩენის ღირსეული პრიორიტეტი მოიხვეჭა. ქართულმა გიტარამ, ამ უნაზესი, კეთილშობიანი და საოცარი დიპაზონის მქონე საკრავზე ვირტუოზული დაკვრის წყურვილმა დაამეგობრა ომისშემდგომ წლებში ორი თბილისელი ჰაბუკი — ელუარდ სეფაშვილი და კონსტანტინე მაკარიძე. საერთოდ, ქართულ საესტრადო ჟანრებში მომუშავე პროფესიონალ მსახიობთა კონტინგენტი, თითქმის, უპირატესად, სტუდენტ ახალგაზრდობათა მხატვრული თვითმოქმედებით საზრდოობს.

სეფაშვილ-მაკარიძის ვოკალურ-საკრავიერმა დუეტმაც პუშკინის სახელობის თბილისის პედაგოგიური ინსტიტუტის მხატვრული თვითმოქმედებიდან ძალიან მალე გაითქვა სახელი და დაიმკვიდრა ადგილი პროფესიულ ესტრადაზე. 50-იანი წლების დასაწყისში კი ვაჟთა დუეტს შეემატა პოპულარული ქართველი მომღერალი ქალი მარეზ გოძიაშვილი და დაიწყო გოძიაშვილ-სეფაშვილ-მაკარიძის საოცარი მოგზაურობა ჩვენი რესპუბლიკის, მთელი კავშირისა და საზღვარგარეთის ქვეყნების მუსიკალურ აუდიტორიათა წინაშე. სწორედ ეს წლები შეიძლება ჩაითვალოს ამ ბრწყინვალე ტრიოს „ოქროს ხანად“ — სარეპერტუარო შესრულების დიდებული აღიარებითა და პოპულარობით! აბა, ერთი დაინტერესდით და მოძებნეთ შესაფერის მუსიკალურ ფონდებში იმდროინდელი ტრიოს ნამღერ „წაღვერი და თბილისი“, „თოლია“, „ირემი“, „შემირიგდი“, „გამიღიმეთ, ყვავილებო“, „გიყვარვარ თუ არ გიყვარვარ“, „რა საეჭვოდ იღიმები“, „ჩიტუნია“ და მრავა-

ლი სხვა. ჭეშმარიტად, ირწმუნებთ სიყვარულის, სევდიანი მოგონების, უზომო სიხარულისა და საოცარი ბედნიერების მასზრდოებელ ძალას ძველი, უჭკობი ხელოვნებისა.

„მოსკონცერტში“ სამუშაოდ გადასული ელუარდ სეფაშვილი ნოვოსიბირსკის გასტროლების დროს ავტოკატასტროფაში მოჰყვა და ფეხი დაკარგა. მაგრამ მას ესტრადის სიყვარული და სცენაზე კვლავ გამოსვლის ვაჟაკური ჟინი როდი დაუკარგავს. შთაგონებული ხელოვნების ყოვლისშემძლე ძალამ კვლავ ფეხზე დააყენა მუსიკოსი და საბედისწერო შემთხვევიდან ზუსტად ერთი წლის შემდეგ უკვე მშობლიური თბილისის ფილარმონიის საზაფხულო დარბაზი ოვაციებით შეეგება მას — მოლიმარს... ეს იყო დიდი ხნის წინათ. ის ზემოხსენებული ჯგუფი მუსიკოს-შემსრულებელთა კი, იმ დროისათვის, უკვე სხვადა-

ყოლებელი ხელოვნება იმათ წინაშე ვსაყველერებლად, ვისაც ამ ჰანგთა თანხლებით, განევლო სიყმაწვილევ, სასწრაფისა და სანამდვილი, დამუხტული ცხოვრების პერიოდები და დღეს, 80-იან წლებში, ელექტროსაორკესტრო-რიტმული ესტრადის ხმაურიან ხანაში კვლავ გაიხსენა ის, რასაც სიბერე არ უწერია.

იუბილარს იმ საღამოს მარცხნივ ედგა ისევ კონსტანტინე მაკარიძე — შესანიშნავი ინსტრუმენტალისტი და მომღერალი. მოსკოვისა და ვენის ახალგაზრდობის მსოფლიო ფესტივალების მონაწილე და ლაურეატი, გასტროლებით რომ მოიარა ინგლისი, შოტლანდია, ბელგია, ლუქსემბურგი, ეგვიპტე, ნეპალი, პოლონეთი... კაცი, რომელმაც პროფესიული გიტარა ყურნალისტის პროფესიულ კალმოსნობაზე გაცვალა, მაგრამ მეგობარს და ძველ სიყვარულს (თანაც ასეთ დღეს!) აბა

# უხეარუხელი სიჭაბუკე



სხვა შემადგენლობითა და სხვადასხვა სახელწოდების ანსამბლებად გამრავლებულიყო. მცირე საესტრადო კოლექტივებს სჩვევიათ ხშირი სახეტიალი. თუმცა ჟანრებისა და მუსიკალურ იდეა-განწყობილებათა ბოლომდე ერთგული გატანაც ახასიათებთ. მეტად დიდია „ძველი ტრიოს“ დამსახურება ქართული საბჭოთა ესტრადის წინაშე. საკმარისია აღინიშნოს ის ფაქტი, რომ სხვადასხვა დროს ელუარდ სეფაშვილთან და კონსტანტინე მაკარიძესთან ერთად სწორედ ტრიოში უმღერიათ საქვეყნოდ განთქმულ შემსრულებლებს — ამირან და სოსო ებრაღიძეებს, მარეზ გოძიაშვილს, გიული ჩოხელს, ვენერა მაისურაძეს, ნაზი დუმბაძეს, ჯულიეტა მურადელს, რობერტ ბარძიმაშვილს, ვიზო დათუაშვილს და სხვებს... დიანაც რომ განუზომლად დიდია ხელოვნათა ღვაწლი გიტარასთან დაკავშირებული ჟანრების, საკომპოზიციო ფორმათა, საუკეთესო ქართული, რუსული, საბჭოთა სიმღერების პოპულარიზაციის საქმეში.

... 1981 წლის 10 ოქტომბერს საქართველოს ხელოვნების მუშაკთა სახლმა ვერ დაიტია ყველა მსურველი. სცენა და მაყურებელთა დარბაზი ერთ მთლიანობად ქცეულიყო. საქართველოს დედაქალაქის საზოგადოებრიობა საზეიმოდ აღნიშნავდა ესტრადის მსახიობ ელუარდ სეფაშვილის შემოქმედებით საღამოს, მიძღვნილ მისი დაბადების ორმოცდაათი და სამეცხრეულწლელო მოღვაწეობის ოცდაათი წლისთავისადმი. ყველა ცნობილი კომპოზიტორი, ძველი თუ ახალი მოღვაწე-მუსიკოსი და სიმღერა-გიტარის მრავალი ტრფიალი ვიხილეთ მაშინ იქ, სამო მღელვარებით შეპყრობილ მოზიმშივე თავყრილობაზე. რა მგრძობიარე და საყვარელ საზოგადოებას შევხვდით!.. რარიგ ბედნიერი იყო თავდა იუბილარი, რომელმაც რამდენიმე დღით ადრე მოუხმო ძველ მეგობრებს და მათთან ერთად აღადგინა, ხელახლა დაამუშავა, დახვეწა და მოიტანა ჰაბუკობისდროინდელი გამაჟრ-

როგორ გაექცეოდა! ხელმარჯნივ გურამ ბალარჯიშვილს მიეკრა გულზე გიტარა — იშვიათი ვოკალური ალღოსა და სამეცხრეულწლელო ტექნიკის მქონე მუსიკოსს, თავდაპირველად საქართველოს სიმღერისა და ცეკვის სახელმწიფო ანსამბლის მსახიობი რომ იყო, შემდეგ, დღევანდელ იუბილართან ერთად გამოდიოდა სცენაზე, ბოლოს მხატვარ-გრაფიკოსის პროფესიულ ცხოვრებაში ჩაერთო, მაგრამ... სიმღერამ და გიტარამ კვლავ მოუხმეს გრძნეული ძახილით სცენისკენ, და ისინიც ძველებურად მხარდამხარ, მოლაპლაპე საკრავებით ხელში დაუდგნენ ერთმანეთს ხალხის, ხელოვნების, მშვენიერების შუაგულში!.. და ის, რომ უკვე ხალხურად ქცეული „ყაყაოს“ პირველი აკორდის აღებისთანავე გასხენების სიხარულით ცრემლმორეულმა დარბაზმა იქუხა ოვეციებით, ძველი ტრიოს წევრის იუბილე ამ ტრიოს ჭეშმარიტ ტრიუმფულ ბენეფისად იქცა მაშინ, და დღეს, ყველა საქმე გვერდზე გადაადებინა მის ახლანდელ შემადგენლობას; ის, რომ სწორედ ამ ანსამბლმა ოფოციალურად საესტრადო სცენის, რადიო-ტელევიზიის მეშვეობით, ამჟამინდელი რესპუბლიკური, საკავშირო და საზღვარგარეთული გასტროლებითაც ახალი სიცოცხლე შთაბერა ყოფიერების გამლამაზებელ უბერებელ ჰანგებსა და მუსიკალურ განწყობილებას. ნამდვილად ხალასი და შთაგონებული სიყვარულის საბოლოო გამარჯვებაზე მეტყველებს საგიტარო-ვოკალური კეთილშობიანების საუფლოში. ამ სტიქიონების ავტორი კი თავს ბედნიერად გრძნობს, რადგან მას საშუალება მიეცა, თქვენ გაგახსენოთ ანსამბლი, რომლის სამივე წევრის მიერ შესრულებულ ყოველ სიმღერას ქართული ეროვნული მუსიკის სიღრმეში გაუღვამს ფესვი და დღეს საკავშირო ფირმა „მელოდის“ დიდებული გრამფირფიტის ენერგიით დაუწვია ახალი, დალოცვილი, ლამაზი სიცოცხლე!

ვასილ მხეველიშვილი



დაცარიელებულ რესტორანში მეტროლოგი ოფიციალტან მივი- და, მაგიდასთან ჩამინებულ კლიენ- ტზე მიუთითა და ჰკითხა:

— ეგ ტიპი აღარ უნდა გააგლო? ხომ მაინც არაფერს გიკვებავს.

— არავითარ შემთხვევაში, ყოველ- თვის მიხედვით ფულს, როცა კი გავა- დვიძებ ხოლმე.

შემთხვევა სადალაქოში

კანადელმა ტყისმჭრელმა ჯიმმა გა- დაწვევითა, ადგილობრივ სადალაქოში პირი გაეპარა. ხელსიანს უამრავი კლიენტი ესია და დაუდევრად პარ- სავდა. ჯიმს ჯერ მარცხენა ლოყა გა- უჭრა, მერე მარჯვენა, შემდეგ ნიკა- პი და ცხვირიც კი. ჯიმი გმირულად დუმდა. კლიენტის თავშეკავებით გან- ცვიფრებულმა დალაქმა წამოიძახა:

— მითხარით ერთი, ხომ არ მქო- ნია თქვენი წინათ გაპარვის პატი- ვი?

— არა, — მიუგო ჯიმმა, — ხელი სამხერხაოში დავკარგე.

მასპარაღზე

— შეხედეთ, შეხედეთ. მშვენიერო, აი იმ მასხარას პაპიე-მაშეს დიდი ცხვირი რომ აქვს!

— ჯერ ერთი, მასხარა კი არა, ჩე- მი ქმარია, და მეორეც, პაპიე-მაშესი კი არა, მისი საკუთარია.

საშობაო ვალსი

ბატონი ლუნდბერგი საშობაო ნა- ვაჭრით ბაზრიდან რომ გამოვიდა, ვერა და ვერ დაქოქა თავისი ავტო- მობილი. მერე დასაქოქი სახელური გამოაძრო და ხელით დაუწყო ძრა- ვას ტრიალი. ამ დროს მას ბეცი მო- ხუცი მიადგა, ვერცხლის მონეტა გა- უწოდა და ჰკითხა:

— უკაცრავად, კეთილო კაცო, თქვენი არღანი „საშობაო ვალსს“ ვერ დაუკრავს?

მისალმონი დეპუტატი

ქარხანა „ციხარტყელამ“ წლიური გეგმა გადაჭარბებით შეასრულა. მე- ორე დღეს ყველა მუშამ და მოსამ- სახურემ უკლებლივ მიიღო ქარხნის ხელმძღვანელობის მისალმონი დეპე- შები.

— მაგრამ დეპუტებით რატომ მო- გვილოცეს? — გაუკვირდა ხარატ კელერს.

— ეს უდაოდ დირექტორის ცოლის იდეაა. — გამოთქვა თავისი მოსაზრე- ბა ბრიგადირმა ბაუერმა.

— ის ხომ საქალაქო ფოსტამტს განაგებს, — შენიშნა კელერმა, — და ჩვენს ქარხანასთან არავითარი დი- მოკიდებულება არა აქვს...

— აქვს, აქვს, — მიუგო ბრიგა- დირმა. — ჩვენ რომ არა, მისალო- ცი დეპუტების გეგმა ჩაუვარდებო- დათ...

ფრანც მიულერი ახალ ბინაში რომ გადავიდა, მეორე დღეს სამსახურში კოლეგებმა ჰკითხეს:

— რამდენი დაუმთავრებელი რამ აღმოჩინე ახალ ბინაში?

— ჯერჯერობით ერთი.

— იღბალი გქონია. მაინც რა?

— შესავლელი კარი ვერასგზით ვერ გავადე.

თაღარბი

— უკვე შეატყობინეთ რესტორნის დირექტორს ჩემი მოსვლის ამბა- ვი? ჰკითხა რევიზორმა მიმტანს.

— რასაკვირველია. იგი ნახევარ საათში დაბრუნდება.

— სად წავიდა?

— ცოლ-შვილთან გამოსამშვიდო- ბებლად.

თაღლითობა

— ჩემს მეუღლეს მშვენიერი მარ- გალიტის ყელსაბამი ვუყუდე, — უთხ- რა ამერიკელმა ბიზნესმენმა მეგობარს.

— მაგრამ მას ხომ საჩუქრად ახა- ლი მანქანა უნდოდა?

— მერე, სად გინახავს, რომ ყალბ ავტომანქანებს ყიდდნენ?

ნუბეში

საბო მეორედ დაქორწინდა. ქორ- წილის მერე თავის ახალგაზრდა ცოლს უთხრა:

— საყვარელო, ახლა ერთი ჩემი დიდი ნაკლი მინდა გავიმზილო.

— განა რა ნაკლია?

— სამწუხაროდ, ხშირად უმიზე- ზოდ ვეჭვიანობა.

მშვენიერმა ცოლმა მომხიბლავი დიმილით მიუგო:

— ნუ ღელავ, ძვირფასო, ჩემ გა- დამო უმიზეზოდ ეჭვიანობა არ მოგი- წევს.

გამოცდილება

საკმაოდ გაღვიწილი ბატონმა ბერ- გამანმა, რომელიც გათენების მეჭ- ლისიდან ბრუნდებოდა, პოლიციელს მიმართა:

— მომიტყვეთ, ჩემო ბატონო, ვერ მეტყვიით რამდენი კომი შაქვს შუბლ- ზე?

— ხუთი.

— ჩინებულა. მაშასადამე, სახ- ლამდე კიდევ ზუსტად სამი ბოძი დარჩა.

ჩინური მოძვევა

— ძვირფასო, არ მომეხმარები ჭურჭლის დარეცვაში? — უთხრა მონიკამ მეუღლეს.

— არა, საშინლად მეძინება.

— მე მხოლოდ შენი გამოცდა მინ- დოდა. ჭურჭელი დიდი ხნის დარეც- ხილია.

— ვინმერე, ჩემო კარგო. სიამოვ- ნებით მოგეხმარებოდი.

— დიდებულა. მეც ვინმერე. ჭურ- ქელი ჯერ ისევ დასარეცხია!

გერმანულიდან თარგმანა  
შ. ამირანაშვილი

ის არც პირველი გახლავთ და, ეტუბა, არც უკანასკნელი. მომა- ვალში არაერთმა გამოჩენილმა მოკ- რივემ ჯერ კიდევ ჭაბუკობის წლებ- ში „იმოგზაურა“ ციხეში, არც შემ- დეგში შეუწყვეტია კავშირი დამნა- შავეთა სამყაროსთან. გავიხსენოთ თუნდაც მსოფლიო ჩემპიონი სონი ლისტონი...

მიკ ტაისონი, რომელიც ამერიკელ ზანგთა ოჯახში გაიზარდა, უკვე 10 წლისა ჭურღებს დაუკავშირდა და სულ მალე ბავშვთა კოლონიაში აღ- მორჩა. განთავისუფლებით კი გაა- თავისუფლეს, მაგრამ, ცხადია, ისევ საპატიმროში ამოყოფდა თავს ერთ შემთხვევით აუღამაყალს რომ არ გადაპყროდა. ჭურღაში ატეხილი მუშ- ტი-კრივის შემდეგ ტაისონი გაქციე- ვას შეეცადა, მაგრამ მას პოლიციე- რი, ოდესღაც პროფესიონალი მოკ- რივე ბობ სტიუარტი დაეწია და და- უნდობლად სცემდა. პოლიციის უბან- ში კი აღარ წაუყვანია — ასეთ ხუ- ლიგანს მაინც ვერაფერი გამოასწო- რებსო.

ერთი სიტყვით, მომავალმა გან- ტყუილმა მოკრივემ პირველად მიიღო, თუ კრივის არა, ჭურღაში მუშტი-კრი- ვის სასტიკი გაკვეთილი. ახლა უკვე ტაისონმა გადაწყვიტა კრივის შეს- წავლა, რათა ოგი ასე იოლად არავის ეცემა. გაბოროტდა, სამაგიეროს გა- დანდის სურვილმა შეიპყრო და კრი- ვის მასწავლებლებს მიაკითხა.

სპორტში იღბლისა და გამართლე- ბის „ხვედრითი წონა“ ხშირად ძა- ლიან დიდია. მოხდა ისე, რომ ტაი- სონი მდიდარი ინტუიციით დაჯილ- დობული მწვრთნელის კეს დამა- ტოს ხელში აღმოჩნდა. ვინ არ იც- ნობდა დამატოს პროფესიული კრი- ვის სამყაროში! ყველაფერს რომ თავი დავანებოთ, მსოფლიო ჩემპიო- ნები ფლოიდ პატერსონი და ხოსე ტორესი სწორედ მან აღზარდა. ვინ იცის, რამდენი ბავშვი მოდიოდა დამატოსთან, რამდენს უწევდნენ რე- კომენდაციას, მაგრამ გამოცდილმა სპეციალისტმა თვითონ იცოდა. ვინ კარგად უნდა ემეცადინებინა და ვინ — არა. რაც შეეხება ტაისონს, მისი არაჩვეულებრივი გამძლეობა და ნი- ქიერება ეჭვს არ იწვევდა. მწვრთნე- ლმა ყურადღება მიაქცია იმასაც, რომ ბიჭი თითოეულ იღვთს იოლად ეუფ- ლებოდა, ბევრი ჩიჩინი არ სჭირ- დებოდა. დიდი ინტუიცია ჰქონდა და მარჯვედ იცავდა თავს. მაშინ დამა- ტომ გადაწყვიტა, მისთვის ეს თვი- სება რაც შეიძლება მეტად განევი- თარბინა. ტაისონი მწვრთნელის მე- თვალყურეობით ატარებდა მეტად თავისებურ სპარინგ-მატჩებს, რომ- ლის დროსაც მას მარტო მეტოქის შეტევა უნდა მოეგერიებინა. საპა- სუბო დარტყმის მიყენების უფლება კი არ ჰქონდა.

1984 წლისათვის ტაისონი უკვე საკმაოდ ცნობილი მოყვარული მოკ- რივე იყო და, შეიძლება ითქვას, ყვე- ლაფერს დამატოს უმადლოდა. სრუ- ლიად გაუთლელი ჭაბუკი მწვრთნელ-


მა თითქოს იზვილა, ძალიან უწყობ- და ხელს. ყურნალობებს უყვარო სენტემენტალური ამბების მოგონება, განსაკუთრებით კი მაშინ, როცა გან- თქმულ პიროვნებებზეა ლაპარაკი. და აი, კრივის ერთი მიმოხილვითი თვით ტაისონის ნათქვამს იმორჩებოდა და ამტკიცებდა, მიკმა სიცოცხლეში პირველად მაშინ იტირა, როცა და- მატო გარდაიცვალა. თუმცა, ვინ იცის, შეიძლება ეს მართლაც ასე იყო. ის კი ფაქტია, რომ ტაისონი დამატოს ფოტოსურათს არასდროს იშორებს და მატჩის დაწყების წინ თავის კუთხეში ჰკიდებს. ეს მისი თა- ვისებური თილისმაა.

აშშ-ის მოყვარულ მოკრივეთა ფე- დერაცია ლოს-ანჯელესის ოლიმპია- დაზე გასაგზავნი გუნდის კანდიდა- ტებს არჩევდა. ტაისონი შესარჩევ მატჩში ჰენრი ტილმენს შეხვდა, და- მარცხდა და... პროფესიონალი გახდა. 1984 წელს, როცა ტილმენმა ოლიმ- პიური ჩემპიონის წოდება მოიპოვა, მან, ცხადია არ იცოდა, რომ იგი უკანასკნელი მოკრივე იქნებოდა, რომელმაც ტაისონს სძლია.

ტაისონის წარმატებები პროფესი- ულ რინგზე ფენომენალური! აქ მან მოიგო ყველა (!) მატჩი და თავისე- ბური მეტსახელიც დაიმსახურა: „მა- ნქანა, რომელიც ნოკაუტში ისტუმ- რებს“.

როცა ტაისონი პროფესიონალი გახდა, მსოფლიო ჩემპიონის წოდება ერთბაშად სამ მიომეწონოსან მოკრი- ვეს ჰქონდა. კრივის სამყაროში ხომ სამი საერთაშორისო ორგანიზაცია არსებობს, რომლებსაც ერთმანეთთან, რბილად რომ ვთქვათ, ცივი ურთი- ერთობა აქვთ და თავიანთი ჩემპიო- ნები ჰყავთ. ვინ იფიქრებდა, რომ ტაისონი სამივე მათგანს აიძულებდა, რათა ის ჩემპიონატად ეცნოთ. მაგ- რამ ამისათვის მას სამივე ორგანი- ზაციის კერპების დამხობა მოუხდა. 1986 წლის 22 ნოემბერს ახალგაზრ- და პრეტენდენტი შეხვდა მსოფლიო ჩემპიონს „უორლდ მოქსინგ კორპო- რეიშის“ ვერსიით ტრევორ ბერბიკს, რომელიც იმით იყო ცნობილი, რომ თავის დროზე მუშავედ ალის სძლია. უკვე მეორე რაუნდში ალის მძლე- ველი ნოკაუტში აღმოჩნდა! ყოფილი ჭურდი და განგსტერი მიკ ტაისონი მსოფლიო ჩემპიონი გახდა.

1987 წლის 7 მარტს ტაისონი შეხ- ვდა კიდევ ერთ მსოფლიო ჩემპიონს, ამჯერად უკვე „უორლდ ბოქსინგ ასო- შეიშის“ ვერსიით, „ძველების მკვნე- ტულად“ წოდებულ ჯიმს სმითს. 12 რაუნდის შემდეგ სამივე მსაჯმა გა- მარჯვებულად ტაისონი აღიარა. 1987 წლის 1 აგვისტოს ტაისონმა მესამე მსოფლიო ჩემპიონიც დაამხო („უორლდ ბოქსინგ ფედერეიშის“ ვერსიით) — ტონი ტაკერი. ამრიგად, სამივე ორგანიზაციამ ერთი მსოფ- ლიო ჩემპიონი აღიარა — მიკ ტაი- სონი. ამას ტაისონმა სულ რაღაც მ თვეში მიადგია.



**თარგუმად:** 2. ჰოლანდიის ფეხბურთელთა კლუბი; 4. მექსიკის უდიდესი სტადიონი; 7. დასავლეთ გერმანიის ფეხბურთელთა კლუბი; 8. ჩოგბურთის მსგავსი თამაში პლასტმასის ძაბრისებრი ბურთით; 10. ჭადრაკის თამაშში — ისეთი მდგომარეობა, როდესაც მეფეს მოწინააღმდეგის რაიმე ფიგურით ან პაიკით თავდასხმა ელის; 12. ჭვეყანა, სადაც 1966 წელს მოეწყო მსოფლიო ჩემპიონატი ფეხბურთში; 15. სპორტული ნაგებობა ველო-და მოტოსპორტში შეჯიბრებისათვის; 17. ბელგიის ფეხბურთელთა კლუბი; 19. იაპონური შაში; 21. სპორტულ შეჯიბრებათა დასკვნითი ნაწილი; 22. გამოჩენილი პორტუგალიელი ფეხბურთელი; 24. ყვარლის ფეხბურთელთა გუნდი; 25. მეცნიერების ან ხელოვნების გამოჩენილი მოღვაწე; 27. საფრანგეთის ფეხბურთელთა გუნდი; 28. მსოფლიოს უდიდესი სტადიონი; 30. იტალიის ფეხბურთელთა კლუბი; 31. სპეციალურად მოწყობილი ადგილი ცხენოსნობაში შესაჯიბრებლად; 32. ევროპის სახელმწიფო; 35. საბერძნეთის ფეხბურთელთა კლუბი; 37. სოფელ ადგილას მცხოვრები ცალკე ოჯახი; 42. 60-იანი წლების ბალტიისპირელი მსაჯი ფეხბურთში; 44. რისამე ჩამოთვლა, სია; 46. ნიმუში, რის მიხედვითაც ამზადებენ რისამე დეტალს; 47. ინგლისის ფეხბურთელთა კლუბი; 48. ქ. ლონდონის ფეხბურთელთა კლუბი.

**შვეულად:** 1. ირლანდიის „უეტერფორდის“ ფეხბურთელი; 2. იატაკზე დასაფენი ჭილოფი, სადაც იმართება ჭილაობა ძიუდო; 3. ამერიკის სახელმწიფო; 5. მოკლენიჩბიანი სპორტული ნავი; 6. თამაში ჭადრაკის დაფაზე თეთრი და შავი კოჭებით; 7. ამერიკის შეერთებული შტატების ქალაქი; 8. საფრანგეთის ფეხბურთელთა კლუბი; 9. ლათინური ანბანის მეათე ასოს სახელი; 11. პორტუგალიის ფეხბურთელთა კლუბი; 12. იტალიის ფეხბურთელთა კლუბი; 18. გამოჩენილი ბრაზილიელი ფეხბურთელი; 14. დიდი კინო ან ტელევიზიის ნაწილი, რომელსაც ჩვეულებრივ დამოუკიდებლად უჩვენებენ; 16. რაიმე დაავადების დამახასიათებელ სიმპტომთა ერთობლიობა; 18. ბურთის

გადაცემა თავისი რომელიმე მოთამაშისათვის; 19. საქართველოს ფეხბურთელთა გუნდი; 20. მოკიდავის გაფრთხილება ჭილაობა ძიუდოში; 23. ჭადრაკის სწრაფი თამაში; 26. ჭადრაკის მსოფლიო ფედერაცია; 28. სიგარტის საზომი ერთეული ინგლისში; 29. კვადრატით შემოკავებული კვადრატული ფორმის მოედანი; 33. მთავარი მსაჯი; 34. ფინეთის ფეხბურთელთა ნაკრების ნახევარმცველი; 36. ქალაქი და ნავსადგური ავსტრალიის კავშირში; 38. ბალტიისპირეთის რესპუბლიკა; 39. საქართველოს რეგბისტთა გუნდი; 40. ყველაზე მაღალი მთების წყება მანგიშლაყის ნახევარკუნძულზე; 41. აზიის სახელმწიფო; 43. ფულის ერთეული იტალიასა და თურქეთში; 45. განსაკუთრებული გოხი ბილიარდის სათამაშოდ.

შეადგინა ალექსანდრე გორბიშვილმა

**მე-4 ნომერში გამოქვეყნებული კრისპორტის პასუხები:**

**თარგუმად:** 1. აღჯანაბადი; 9. ინდიკატორი.  
**შვეულად:** 1. ავტორიტეტი; 5. ინდიკატორი.  
**დინამონალურად:** (ზევიდან ქვევით, მარცხნიდან მარჯვნივ) 1. ატრაქციონი; 2. ჭავჭავთი; 3. ნოველა; 4. ბაუი; 5. ტარასოვო; 7. რევატა; 8. ტომი.

გარეკანის პირველ გვერდზე: დემოკრატიული საქართველოს სიმბოლო. მონტაჟი თენგიზ სამსონაძისა.  
მეოთხე გვერდზე: ჩანჩქერი. ფოტო არნოლდ გეგეჭკორისა.

გადაეცა წარმოებას 27.08.90. ხელმოწერილია დასაბუქდად 3.05.90. უფ. 07949. ქალაქის ზომა 70x108/8. გარეკანი, ჩანართი და ტექსტი იბეჭდება ოფსეტური წესით. ფოტოკური ფურცელი 3. პირობითი ნახეტი ფურცელი 4,2, სააღრიცხვო-საგამომცემლო თაბახი 5,82. ტირაჟი 54500. შეკვეთა 754. ფასი 35 კაპ.  
380096, თბილისი, ლენინის ქ. № 14, საქართველოს კვ ცკ-ის გამომცემლობის სტამბა.  
Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии.  
Адрес редакции: 380008, Тбилиси, 8, пр. Руставели, 42.

380008, თბილისი 8, რუსთაველის პრ. 42.  
ტელეფონები: მთავარი რედაქტორის — 99-54-66, პ/მგ. მდივნის — 99-82-69, განყოფილებათა გამგეების — 98-28-42, 99-01-89, რედაქციის სამდივნოსი — 99-54-66.  
რედაქციაში შემოსული მასალა პატივს არ უბრუნდება.

ფოტო ბონდო დვალისუილისა

ამჟვეუნად ყველაზე საჭირონი ის აღამიანები არიან, ვისაც ბედმა, ცხოვრებამ თუ საკუთარმა გულმა არგუნა ამგვარი პატარების გვერდით ყოფნა და მათზე ზრუნვა.

ეროვნული  
ნიჭიერების



თელავის სკოლა-ინტერნატის დირექტორი  
ომარ ფეიქრიშვილი პატარა შაქირთან და  
ომართან ერთად.

0520360 76056

საქართველოს  
სამეცნიერო

235  
6/23

